




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5646/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5646/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5646/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5646/A

564.6 / A

N. VI

Rup

357-

7166

39

WELLCOME
HIST. MED. MUSEUM

IOANNIS
DE RVESCISA QVI

ANTE CCCXX. ANNOS VIXIT,
de consideratione Quintæ essentie
rerum omnium, opus sanè
egregium.

ARNALDI DE VILLANOVA
Epistola de Sanguine humano distillato. Raymundi Lul-
lij Ars operatiua: & alia quædam. Omnia ad selectissi-
mam materiam medicam, & morborum cura-
tionem, vitæq; conseruationem mirabi-
liter facientia;

Nunc primùm in lucem data.

ACCESSIT MICHAELIS SAVONAROLÆ
Libellus optimus de aqua Vita, nunc valde correctior
quàm ante annos 27. editus.

BASILEAE.

PR

IN P

12

12



be

pr

of

fu

bu

tu

lo

an

D

ne

or

or

PRAESTANTISSIMO

IMPERATORIS FERDI-

nandi Medico physico D. Doctori Stephano Lau-

rao Amorfortio, Guilhelmus Gratarolus

Medicus & Philosophus

S. D.



VANDO QVIDEM
animo meo semper in-
sedit, optimè LAV-
RAE non solum no-
bis nasci nos, sed patriæ, amicis, &
proximo cuique: id etiam pro Dei
opt. max. dono, ac quantum in me
fuit, re ipsa prestare non destiti qui-
bus in rebus potui: ac licet aliquo-
rum malitia & ignorantia, nonnul-
lorūq; ingratitudo, pijs conatibus
meis semper utcunque obstiterit:
Dei tamen optimi patris auxilio,
malum in bono uincere, ueritatēq;
omnem & proximi cōmodum a-

EPISTOLA

mare ac tueri uel reluctātibus Sata
na & mundi domina *φιλαυτία*, ni-
xus sum, cum etiam is mihi uiuere
uideatur, qui multis usui sit. Cum
igitur uitæ perbreuē esse cursum,
& occasionem præcipitem, nemi-
nem, præsertim medicorum, lateat:
ita ut consultum sit, diuturno æta-
tum studio habitam rerum amplā
cognitionem, in pauca subtiliter,
citra tamen nocuam obscuritatem
contrahere: quādo in ipsa uitæ bre-
uitate per occupationes non infir-
mæ hominum parti hauduacet tā
multorum, qui diuersis linguis &
doctrinis scripsere, ingentia uolu-
mina legere, aut ex iisdem oppor-
tuna & ad expeditum usum conue-
nientia, seligere: sed lectionis com-
pendium inquirendum sit occupa-
tis hominibus: non ab re hætenus
tales quosdam meorum studiorū
labores

NUNCUPATORIA.

labores edidisse iudicabor. Nunc
abstrusa fereq̃ recondita quædam
depromere, quæ à uulgari philoso
phandi genere, & à popularibus
artibus absunt, dum cogitarem, in
arte præsertim medica omnium
præstantissima, atq̃ in totius hu
mani generis salutem comparata,
suscepi edendum Ioannem de Ru
pescissa (qui annos aliquot integer
apud me fuit & nunquam cussus)
de consideratione quintæ Essentiæ
omnium rerum. Is quidem & si pro
fessione theologus fuit non uul
garis, non minor tamen naturalis
philosophus fuit, minimeq̃ uentri
aut auaritiæ deditus: qui physices,
ac proinde rei medicæ, arcana scru
tatus, non uulgari peritia, studio,
& labore, inter cætera, hoc opus,
pietatis amore, pro Euangelicis ui
ris, ut ismet sæpius testatur, cōscri

EPISTOLA

plēt: ex quo postea apud paucissi-
 mos latitante, nonnulla aliqua mu-
 tuati sunt: inter quos fuit Philip-
 pus Vlstalius, qui paginas ferè in-
 tēgras (licet admodum paucas) ex
 eo tacitè in suum Cælum Philoso-
 phorum asportauit. Huius Rupis-
 scissæ, præter alios, mentionem fe-
 cit Abbas Tritermius in suo de scri-
 ptoribus Ecclesiasticis uolumine,
 quem anno à Christo ex Virgine
 nato. 1340. uixisse refert. Correxī
 ergo diligenter quę scribarū culpa
 inerāt errata & obscura, ac citra rei
 offēsiōnē, Lectori peruium opus
 magis feci: ita ut nullibi correctius
 exemplar meo extare certò putē.
 Si quos autem delictiores autho-
 ris latinitas parum culta offendet,
 norint haud fuisse illorum tempo-
 rum, & præsertim monachorum,
 latinius aut elegantius scribere:
 quodq;

NVNCVPATORIA.

quodq; ornari res ipsa neget, contenta doceri. te uerò ex eorum non esse numero iandudum & coràm noui, quippe qui rerum utilium sana cognitione delecteris, non fucò & inani uerborum aut uocabulorum strepitu. Adieci eiusdem argumenti pleraq; alia partim aliorum partim mea: omnia uerò, ut tu aliique iudicio sano præditi, iudicare poterunt, ad difficilium morborum citam & tutam curationem apprimè facientia. Si cui autem haud facilia factu forsan uidebuntur, is meminerit, Difficilia esse quæ pulchra sunt: ac nihil esse tam durum & arduum, quod industria, studio, & diligentia, non acquiratur. Sed si hæc cū his quæ ænigmaticus Raymundus Lullius edidit, conferantur, lucida satis ac facilia & utilissima deprehendentur. Ego uerò nō

EPISTOLA

laudis cupidine, sed omnes iuuan-
di studio, nihil extimescens obtre-
ctantium aut æmulorum morsus,
hec tandem in lucem dare uolui, at
que in primis tuo præclaro nomi-
ni dedicare, ut quibuscunq; modis
possem, meum erga te amorem &
obseruantiam declararem. Nam &
si putem hæc & similia tuæ Excel-
lentia cognita esse, cum tamen hoc
tempore nil maius aut melius ha-
berem, confisus sum cum alijs tui
animi uirtutibus, tum morum in te
suauitate ac benignitate, quam pro-
ximè lapso biennio mēse Ianuario,
dum Augustæ tua uterer consuetu-
dine tuiq; germani fratris Arnoldi
ciuilitate morum & pia eruditione
præditi, expertus non semel sum:
atque ita non ad paruum munus,
sed ad donantis animum charita-
tem tuam respecturam esse non du-
bito

NVNCVPATORIA.

bito, qui quidem, quoad eius fieri
potest, tibi tuisque omnibus gra-
tum facere sit paratissimus. Bene-
uale, meque amare magis per-
ge. Basileæ. M. D. L X I.
mense Maio.

a 5

LIBER PRIMVS DE CONSIDERATIONE

QVINTAE ESSENTIAE OMNIUM RERVM,

*traditus pauperibus & Euangelicis viris, seruis Domi-
ni nostri IESV CHRISTI, compositus à Ma-
gistro Ioanne de Rupescissa sacrae Theo-
logiae professore ac Philoso-
pho egregio.*

PROOEMIUM.



DIXIT Solomon Sapi-
entiae cap. 7. Deus de-
dit mihi horum scien-
tiam veram, quæ sunt,
vt sciam dispositionē
orbis terrarum, & vir-
tutes elementorum, initium, consum-
mationem, & medietatem temporum,
vicissitudinum permutationes, & diui-
siones temporum, anni cursum, & stel-
larum dispositiones, naturas animalium,
& iras bestiarum, vim ventorum, & co-
gitationes hominum, differentias vir-
gultorum & virtutes radicum: & quæ-
cumq; sunt absconsa & improuisa didici:
omnium enim artifex docuit me sapien-
tiam

DE QVINTA ESSENTIA. II
tiam hanc solummodo. Et idem Solomon cap. 16. libri Prouerbiorum dicit, Vniuersa propter semetipsum operatus est Deus: Ergo demonstratiue, supposita infallibilitate Scripturæ, concluditur, quòd vniuersa Philosophia, quã Solomoni in verbis præmissis spiritus Domini reuelauit, est ad Dei seruitium & Euangelij Christi & Euangelicorum virorum, & totius corporis Christi mystici deuotum famulatum, vtiliter applicanda: & sic breuiter titulus libri concluditur probatus.

Authoris intentio.

Consideraui ergo quòd tēpus expensum in pruritu mundanæ Philosophiæ plusquàm annis quinque ante ingressum ordinis in florētissimo studio Tolosano, & plus alijs quinque ex quo ordinem hunc intraui cum strepitu multo inanum verborum, & conflictu inutilium disputationū, & laude vana & gloria fatua lectionum, tam in studijs particularibus, quàm in generalibus legens, sicut est possibile tempus prædictum redimere redimam, perditum restaurem, & elapsum reducam ad

manum, vt ex eo extraham, iussu Iesu Christi, meritum ad æternam gloriam profuturum. Et sic quod mihi nocebat ad culpam, nutu Christi, mihi perueniat ad æternam vitam. Et vidi possibilem modum in hoc, si vtilitates quas vidi in Philosophia diuino spiritu illustrante, etiam tempore iuuentutis meæ, quo tēpore affuit mihi Deus misericors & miserator supra modum, vt reuelem pauperibus Christi & Euangelicis viris, vt qui diuitias propter Euangelium contempserunt, sine humana doctrina sci-ant faciliter, & de leui, ac sine notabilibus expensis, suas corporales miseras & infirmitates humanas, diuina benignitate sanare: impedimenta sanctæ orationi & meditationi mirabiliter effugare, tentationibus etiam dæmonum, quas propter quasdam infirmitates inferunt, resistere: vt in omnibus & per omnia expedite possint totis viribus Domino nostro IESU CHRISTO deuotissime seruire. Et cum istud opus pro solis Sanctis faciam, à quo opere, imperante Deo, recipient tanta bona, concluditur euidenter quòd ero in eorum benefi-

DE QVINTA ESSENTIA 13

beneficijs, orationibus, & meritis quæ
 amplius facient auxilio lib. huius (iussu
 Christi & imperio eius) particeps, ve-
 lint, nolint: quia quidquid est causa cau-
 sæ, est causa causati. Et sic ex tempore
 expenso in Philosophia cum multa va-
 nitate, mihi non cessabunt noua merita
 peruenire, non solum decem annis in
 Philosophia pertransitis, sed plusquam
 mille annis ante finem seculi sine dubio
 defluxuris. Ergo iam patet modus per
 quem potest tempus præteritum malè
 expensum ac perditum restaurari. Illum
 autem clementissimum Deum qui mi-
 hi indigno & vilissimo peccatori & ca-
 duco reuelauit arcana multa Philoso-
 phiæ mundanæ, humiliter & contrito
 animo totis viribus rogo, vt hunc librū
 non permittat peruenire ad manus in-
 dignorum, vanorum, & auarorum, & il-
 lorum qui pecuniam volēt habere, nec
 dare remedia: sed potius illorum qui
 volent dare remedia intuitu solius Dei
 misericordiæ ac pietatis sanctis, di-
 gnis, bonis & iustis pro sanctis & E-
 uangelicis operibus vehementius faciē-
 dis: Et Deus ac Dominus noster Iesus

Christus contrarium facere volentibus
impediat ne effectus sequatur, sicut aua-
rus optat. O quantum malum foret, si
hic liber perueniret ad manus hominū
mundanorum, & notitiam tyrannorū,
& seruitium reproborum: quia sicut san-
cti per hunc librum poterunt continua-
re opera vitæ Christi diutius & vehe-
mentius, ita & reprobi possent peruer-
so vsu diutius perseuerare in malo. Ego
autem, quantum in me est, propter so-
los sanctos librum constituo, & ip-
sum custodire Iesu Christo commendo
sine alijs verbis ad secretorū reuelatio-
nem accedens, iuxta ordinem titulorū
inferius scribendorum.

Canon primus.

Secretum primum est, quod per vir-
tutem quam Deus contulit nature
cōditæ, & humano magisterio sub-
iectæ, potest homo incommoda sene-
ctutis quibus nimis in antiquis viris E-
uangelicis impediuntur opera Euange-
licæ vitæ, curare, & amissam iuuentutē
iterum restaurare, & vires pristinas re-
cuperare, & rehabere, sed non eodem
gradu: quod maius secretum est, quā
sit

fit in tota natura: & qualiter hoc fiat, per
sequentem canonem aptè demonstra-
bimus.

Canon secundus.

HOc est in quo laobrauerūt omnes
quærere rem creatam ad hominū
vsum aptam, quæ possit corrupti-
bile corpus à putrefactione seruare: ser-
uatum, sine diminutione conseruare:
conseruatum, si foret possibile, perpe-
tuare in esse: quia hoc est quod naturali-
ter omnes desiderant nunquam corrū-
pi, nec mori, dicente diuo Paulo secun-
da ad Corinth. cap. 5. Nam & qui su-
mus in hoc tabernaculo ingemiscimus
grauati, eo quòd nolumus expoliari,
sed superuestiri ipso corpore, ne moria-
mur: & ideo subdit, Vt absorbeat quod
mortale est à vita. Quoniam paucissimi
Philosophi peruenerunt ad vltimā no-
titiam rei talis, euidentis est, & per hoc
quòd medici nostri temporis, qui ardēt
desiderio pecuniæ & honorum, pro pe-
cunia nil tale alicui magnati nostri tem-
poris potuerunt conferre nec possunt:
nec vult Deus vt auari sciant. Sed quia,
vt dicit Paul, in epistola ad Heb, cap. 9.

Statutum est hominibus semel mori: ergo phantasticum est laborare, vt in hac mortali vita quærat talis res, quæ possit corpus nostrum ex mortali immortale reddere vt in Genesi cap. 3. Ne forte Adam mittat manum suam, & sumat de ligno vitæ & comedat, & viuat in æternum, expulit eum Deus de paradiso voluptatis vt operaretur terram de qua sumptus est: eiecitq; eum, & collocavit ante paradysum voluptatis Cherubin cum flammeo gladio atq; versatili ad custodiendā viam ligni vitæ. Phantasticum ergo esset dicere, vt Deus daret Adæ extra paradysum aliquam rem per quam posset viuere in æternum, ex quo ipsum eiecit, ne capiens de fructu ligni vitæ viueret in æternum. Hoc autē in textu sacro infallabiliter tenemus, Deum vnicuiq; terminum constituisse, qui quocunq; humano ingenio vel subsidio non valeat præteriri, Iob dicente, Breues dies hominis sunt: numerus mēsum eius apud te est: cōstituiisti terminos eius, qui præteriri non poterūt. Ergo subsidium illud vitæ ad terminū prolongandum esset phantasticū & inane.

ne. Restat ergo rem quærere, quæ citra terminum vitæ nostræ à Deo præfixū, possit corpus nostrum sine corruptione seruare, sanare, & conseruare, infirmum curare, deperditum restaurare, donec veniat vltima dies mortis in termino præfixo à Deo. Cæterum omne genus mortis vitare omnino citra illum terminum, non est in potestate nostra: veluti ex ictu fulguris, ex casu, ex violentia nobis supra vires illata. Ergo iam restat, vt de morte, quæ citra vltimum terminum potest nobis ex infirmitatibus & corruptione corporis, & ex defectu humanæ virtutis contingere, speculemur. Ratio autem dicit, quòd corpus corruptibile velle conseruare per rem putridam & corruptibilem, & rem formare per rem deformitati subiectam, et facere incorruptibile per rem deficientem, & infirmum sanare per rem infirmam, & turpe, pulchrum facere per rem foetidam, & debilem firmum per rem infirmam, est phantasticum & inane. Ergo radix vitæ, est quærere rem de se (si staret in æternum) incorruptibilem;

b

quæ omnem rem sibi vnitam, & maxime carnem, semper teneat incorruptā: quæ virtutem vitæ ac spiritum nutriat, & augeat, & restauret: quæ omne crudum digerat, & omne digestum ad æqualitatem reducat: & omnem excessū cuiuscunque qualitatis amputet, & quācunque qualitatem deperditam restaureret: humidum naturale faciat abundare, & ignem naturalem debilem inflammare procuret. Et scito sine falsitate, quod nullum quatuor elementorum est tale, nec quod includat ex se materialē compositionem elementorum, quia omnia talia sunt corruptioni & transmutationi subiecta: & omne corruptibile, infirmum, & debile, additum suo simili, augmentat illud. Et quia omnes medici per tales res corruptibiles, quæ sunt elementa, vel ex elementis composita, materialiter operati fuerunt, nunquam potuerunt ad arcanum quod quærimus devenire. Sed dices, cum omnia quæ sunt corporalia in hoc mundo, & ad vsum corporis, sint elementa vel ex elementis composita, ergo radix vitæ non potest

potest ab hominibus in hoc mūdo vel seculo inueniri, quæ possit corpus viuificare vsq; ad vltimum vitæ terminum à Deo mortalibus præfixum. Ad quod fideliter respondemus, quòd oportet rem querere, quæ sic se habeat respectu quatuor qualitatum, quibus compositum est corpus nostrum, sicut se habet cælum respectu quatuor elemētorum: Philosophi autem vocauerūt cælū quintā Essentiā respectu quatuor elementorum, quia in se cælum, est incorruptibile & immutabile & non recipiens peregrinas impressiones, nisi fieret iussu Dei. Sic & res quam quærimus est respectu quatuor qualitātū corporis nostri: quinta Essentia, in se incorruptibilis sic facta, non calida sicca cum igne, nec humida frigida cum aqua, nec calida humida cum aere, nec frigida sicca cum terra: sed est Essentia quinta, valens ad contraria, sicut cælum incorruptibile: quod, quādo necesse est, influīt qualitatem humidam, aliquando calidā aliquando frigidam, aliquando siccā. Talis est radix vitæ Essentia quinta, quā

creavit Altissimus in natura, vt possit
supplere necessitati corporis citra illum
vltimum terminum, quem Deus consti-
tuit vitæ nostræ. Et dixi quòd quintam
Essentiam creavit Altissimus, quæ extra-
hitur de corpore naturæ creatæ à Deo
cum artificio humano: & nominabo eā
tribus nominibus suis à Philosophis si-
bi impositis. Vocatur Aqua ardens, A-
nima vini seu spiritus, & Aqua vitæ: Et
quando tu voles eam occultare, voca-
bis eam quintam Essentiam, quia hanc
eius naturam & hoc nomen suū summi
Philosophi nemini pandere voluerunt
sed secum veritatem sepeliri fecerunt:
Et quòd non sit humida sicut elementū
aquæ, demonstratum est, quia combur-
ritur, quòd aquæ elementari repugnat.
Quòd nō sit calida & humida sicut aer,
declaratur, quia aer siccus quacunq; re
corrumpitur, sicut patet in generatione
aranearum & muscarum: & ideo ista
semper incorrupta manet, si clausa à vo-
latu seruetur. Quòd non sit sicca & fri-
gida sicut terra, demonstratur expresse:
quia summè acuit, & summè calefacit.
Quòd

Quòd autem nō sit calida & sicca sicut ignis, demonstratur ad oculum: quia calida infrigidat, & calidos morbos minuit & annullat, sicut infra probabo. Quòd autem incorruptibilitati conferat, & à corruptibilitate præseruet, demonstrabo ex experientia assumpta: quoniam si quæcunque auis, aut carnis frustum, aut piscis infundatur in ea, non corrūpetur quandiu permanebit in ea: quanto magis ergo carnem animatam & viuam corporis nostri ab omni corruptione seruabit. Hęc quinta Essentia est cælum humanum, quod creauit Altissimus ad conseruationem quatuor qualitatum corporis humani, sicut cælum ad cōseruationem totius vniuersi. Et scito pro certo, quòd Philosophi hodierni & medici ignorant omnino hāc quintam Essentiam & veritatem & virtutem eius: sed ego, auxilio Dei, inferius reuelabo tibi magisterium eius: & hucusque docui te rem secretam, quintam Essentiam, id est cælum humanum.

Indago solis ad influendum principium vitæ in nobis, & ad ornandum cælum nostrum.

Caput. III.

ET sicut cælum summum non influit solùm per se cōseruationem in mundo & influētias miras, sed per virtutem solis & aliarum stellarum: sic & cælum istud, quinta Essentia vult ornari sole mirabili, splendido & incorruptibili æquato: in quem solem non possit etiam agere ipse ignis, vt ipsum corrumpat. Et dico tibi in charitate nō ficta & conscientia bona, quòd iste sol illuminatus, splendorus, & incorruptibilis ab igne, qui influit incorruptibilitatem & radicem vitæ eo modo quo est possibile, vt supra explicauī in corpore nostro, qui est creatus ad ornatum cæli nostri, & ad augendum influentiā quintæ Essentiæ, potest capi manu, & constituit eum Rex gloriæ in potestate mortalium: Et ego propter charitatem Dei qui loquor Euangelicis viris, eum tibi nomine proprio & intelligibili reuelabo, & ipsum est aurum Dei, quod ex lapide Philosophorum componitur, & totum

totū conuertit in nutrimentum: Illud verò quod in vena terræ vel de fluminib. collectum est, non conuertitur in nutrimentum, sed excernitur, prout sumitur. Et aurum alchimicum, quod est ex corrosiuis compositum, destruit naturam. Et ideo aurum lapidis vocatur aurum Dei: Sol quippe est filius solis cæli, ex quo componitur lapis Philosophorum. Generatur enim ab influxibus solis in visceribus terræ, & sibi sol ex influenza sua tribuit naturam & colorem & in corruptibilem substantiam, non simpliciter, sed comparatiue: quanuis Bernardus magnus aliter dicat in tractatu suo, quòd sol, id est aurum, non generatur ab influxu solis: sed appellatur sol, quia est eiusdem proprietatis: quia sicut sol in cælo dominatur alijs planetis in fulgendo vel influendo: sic aurum dominatur alijs metallis in proprietate sua in terra, quia maioris virtutis est, vt supra. Quinta ergo Essentia est de natura & calore cæli, & sol noster ornat cælum, & hæc duo coniuncta soli influent in nobis, Dicam enim tibi in ve-

ritate conditiones cæli, stellarum & solis cælestis, quoniam est impossibile in natura mortali conseruationem vitæ & restaurationē deperditæ, & renouationem iuuentutis serenæ & sanitatis optatæ dare cuiuspiam.

*Indago stellarum nostrarum ad ornatum cæli nostri
ad iuuandum influentiam nostri cæli & solis, ad
influendum primum principium vitæ
in nobis. Cap. IIII.*

SI teste Solomone Ecclesiastis ca. 2. cunctæ res difficiles sunt, & non potest homo eas explicare sermone: Inter omnia quæ creauit Deus mirabilia in hoc mundo & summè stupenda, & meritò admiranda, sunt quædam species medicinales habentes virtutem attrahendi superfluos humores ab vno membro & non ab alio, vt quòd hiërapicra trahat humores à capite, collo, & pectore, & non ab vmbilico & infra, & aliæ quædam ab vmbilico infra, & non à superiori regione membrorum: & quomodo & qualiter hoc fiat, est tam difficile etiã summis Philosophis, vt Ioannes

Ioannes Eben Mesue in libro suo de simp. Medicinis circa principium dicat quòd non est causa quærēda, nisi quòd hoc habent à cælo, & quo modo & à qua parte cæli, assignare nesciunt: & tamen tantus & talis fuit, vt medici eum clament Euangelistam suum. Et illi qui in veritate intelligunt per incomprehē sibile lumen Dei causam rerum miran- darum, quas mundani Philosophi ne- scierunt, à sequacibus eorum inanes & phantastici reputantur. Sed quia cuius- que falsæ infamiæ est veritas preponen- da, inquiram naturam stellarum neces- sariarum ad ornatum cæli nostri, vt au- gmentetur influxus quintæ Essentiæ iā quæsitæ, & solis eius superius indagati, quantum augmentatur influxus cæli & solis per influētiam aliarum stellarum. Et scito, quòd vniuersæ stellæ cæli ha- bent suam influentiam singularem ex iussu & ordinatione Dei, & quælibet stella suam proprietatem habet super rem determinatam & certam: vt stella poli super Adamantem & ferrum: & sta- tus Lunę super aquam maris, Sol super

aurū: Luna super argentū: imagines hominum celi super corpora humana: imago arietis celi super arietes terrestres & caput hominis. Et sicut carpentarius cum dolabra in manu fabricans arcas, non minus fabricat eas quam si absque dolabra fabricaret: sic nec Deus minus gubernat mundum: sic dedit talem influxum stellis, ut influant in rebus sicut & quomodo ipse vult, & non ultra. Et tene in corde tuo, quod inter stellas & imagines celi ex parte vna, & res terrenas super quas singulariter influunt, est tantus amoris nexus, ut Aristot. dixerit, quod citius cælū rumperetur, quam in istis inferioribus natura rupturam vacui præstaret. Ego enim reuelabo istum influxum & ligamen amoris inter corpora cælestia, & res quæ sunt eis correspondentes in terra. Considera & vide quomodo nauigantes maris affigentes acum cum lapide magnetis faciunt eam verti contra stellam poli. Unde hoc habet acus, ut vertatur contra illam stellam semper & sine defectu, & ad locum alium non vertatur. Sine dubio

bio hoc est, quia tam ferrum, quàm magnēs iussu & imperio Dei per influxum illius stellæ generantur in terra, & habent in se naturam & influxum & proprietatem stellæ: & ideo tanquam ad suum simile acus semper vertitur ad illam. Vnde est quòd quādo cūq; luna oritur, semper & sine defectu incipit influxus maris ascēdere: & quādo peruenit luna ad mediū celi, incipit descendere: & quando peruenit luna ad occiduū incipit iterum ascendere, donec veniat luna ad angulum terræ, vbi incipit descendere, donec luna iterum oriatur. Et secundum ista puncta lunæ semper bis in die fit influxus & refluxus: & tamen hoc non fit nisi quando peruenit luna ad puncta cæli superius memorata. Quia ergo fluxus & refluxus sequuntur lunam & non solem, probatur quòd luna singulariter influit super aquam: ideo aqua eam sequitur liga inuisibili. Sicut homo liga, seu foedere inuisibili, sequitur naturaliter mulierem quam amat, & famelicus consurgit ad cibum, & sitiens ad potum: ita ad propositum

applicādo, infallibiliter dico, quòd stellæ quæ habent influentiam super caput & collum ac pectus hominū, sicut sunt stellæ arietis, tauri & geminorum, influunt singula super hierampicram: ideo habet vim singularem imperio creatis Dei ad trahendum humores à capite, collo, & pectore, & non ab inferioribus membris: & ita dico de speciebus quæ attrahunt humores à genibus, tibijs, & pedibus, quæ recipiunt singularem influxum à stellis capricorni, aquarij, & piscis: & ita de alijs est dicendum. Ergo si cum quinta Essentia & sole uis curare caput tuum infirmum, quintæ Essentiæ & solis eius augmentabis influxum cū stellis nostris, quæ sunt generatæ in influxu stellarum signi arietis, sicut hierapicra, & similes, quæ conferunt capiti: & ita de membris alijs est dicendum. Et tunc cum Sole nostro & stellis terrenis facies operationem Dei rectè, & in eius virtute miracula super terram, sicut inferius te docebo.

Cap.

DE QVINTA ESSENTIA 29

*Cap. V. primi libri qualiter quinta Essentia ex sole et
stellis ornetur, & eius mirabilis influentia in sa-
nitate vitæ augeatur magisterio opera-
tionis indago prima.*

Non reputes me mendacium pro-
tulisse, quia nominaui quintam
Essentiam aquam ardentem: &
dixi quòd nemo hodiernorum Philo-
sophorum & medicorum peruenit ad
eam, cum aqua ardens communiter in-
ueniatur vbique: quia verum dixi pro
certo. Nam magisterium quintæ Essen-
tiæ est occultum: & non vidi nisi vnum
comprobatissimum theologum, qui in-
telligeret quicquam ex secreto & magi-
sterio eius: & assero pro vero quòd quin-
ta Essentia est aqua ardens & non est a-
qua ardens. Et Deus cæli ponat prudẽ-
tiam in corde Euangelicorum virorũ,
pro quibus fabrico librum istum, vt nõ
communicent cum reprobis hoc vene-
randum Dei arcanum. Ecce modò a-
perio tibi veritatem. Non accipies vi-
num nimis aquosum, nec vinum nigrũ,
terrestre, insipidum: sed vinum nobile,

iocundum, saporosum, & odoriferum,
 melius quàm inueniri possit: & distil-
 la eum in canonibus totiens, donec fe-
 ceris meliorem aquam ardētem quam
 scias facere, vt puta à tribus vicibus vs-
 que septies eam distilles: & hæc est a-
 qua ardens, ad quam hodierni medici
 non peruenerunt. Hæc aqua est ma-
 teria de qua extrahitur quinta Essen-
 tia, quam intendimus principaliter in
 hoc libro: Quia postquam tuam nobi-
 lem aquam habueris, fabricari facies in
 furno vitreariorum vnum, distillato-
 rium tale: totum integrum, ex vna pe-
 cia cum vno solo foramine superius,
 per quod ponetur & extrahetur aqua:
 Vides enim sic mirificè instrumentum
 formatum, vt illud quod virtute ignis
 ascendit & distillatur in vas per canales
 brachiales, iterum reportetur, vt ite-
 rum ascendat, & iterum descendat con-
 tinuè die ac nocte, donec aqua ardens
 in quintam Essentiam per Dei volun-
 tatem cælitus conuertatur. Et est in-
 tellectus operationis in hoc: quoniam
 melior aqua ardens quæ possit opera-
 tione

DE QUINTA ESSEN. 31

tione communi vulgi fieri, habet adhuc mistionem materialem quatuor elementorum. Et ideo est ingeniatur ita diuino spiraculo quòd per continuas ascensiones & descensiones separetur quinta Essentia, quam quærimus, à corruptibili compositione quatuor elementorum. Et hoc fit quia istud quod secundo & sæpe sublimatur, est magis subtile & glorificatum, & à corruptione quatuor elementorum separatum, quàm quando solùm vna vice ascendit: & sic vsq; ad mille vices, & per continuum ascensum & descensum quod sublimatur, ad tantam altitudinem glorificationis venit, vt sit compositum incorruptibile ferè sicut cælum, & de natura cæli, & ideo quinta Essentia appellatur: quia ita se habet ratione corporis nostri, sicut cælum ratione totius mundi: ferè eo modo quo artificium potest imitari naturam, quasi per quoddam simile valde propinquum & connaturale.

PRACTICA QVOMODO QVIN-
ta Essentia fit & fieri possit sine igne, quæ non est
subiecta corruptioni quatuor elementorum, & quæ
non est calida, nec frigida, nec humida, nec sicca,
sicut sunt quatuor elementa: sed sicut cæ-
lum ex stellis ornatur suis.

Cap. VI.

FActa igitur per multos dies in vase
circulationis superius descripto cir-
culari distillatione, aperies foramen
vasis quod est in capite, quod quidem
sigillatum fuisse supponitur cum sigillo
composito ex luto Sapientiæ, facto ex
farina subtilissima & albumine oui, &
ex papyro humida diligentissimè car-
minata & mista, ne vlllo modo vnquam
respirare possit: & cum foramen aperue-
ris, si odor, qui supermirabilis esse de-
bet, ita quòd nulla mundana fragrantia
ei valeat adæquari, qui videbitur descē-
disse quasi de sublimitate gloriosissimi
Dei, intantum quòd si fuerit vas positū
in angulo domus, ex fragrantia quintæ
Essentiæ (quod mirabile & summè mi-
raculosum est) attrahat ad se vinculo
inuisibili

inuisibili vniuersos intrantes: Tunc habes quintam Essentiam quam audiisti ad quam nulli hodiernorum Philosophorum & medicorum (quod potuerim scire) peruenerunt, nisi ille quem excepi supra. Quod si non inueneris odorem & influxum attractionis hominum sicut dixi, sigilla vas sicut prius & reduc ad calorem superius descriptum, vt per sublimationes & circulationem ipsius vasis mirifici, peruenias ad optatum. Et vt hanc quintam Essentiam sic glorificam inuenias in odorem inæstimabilis fragrantiae & odoris mirificè glorificati & influxum attractionis supra expressum, & non solum vt mirificè redoleat, sed etiam ad quandam incorruptibilitatem plenius se reducat, non habebit solum ardorem in ore tuo quem habet aqua ardens, nec illam humiditatem id est talem aqueitatem fluentem: quoniam acutus ardor aquæ ardentis & eius aquea humiditas, per sublimationes & circulationes penitus corrumpitur, & terreitas remanebit separata in fundo. Et tam cælum quam stellæ ex quibus

hæc nostra quinta Essentia est composita ex materia & forma, non sunt sicut illa quæ est composita ex quatuor elementis: sed est ibi materia valde modica, glorificata in tantum vsque ad summum nobili forma impleta, vt potentia materiæ ad vllam formam aliam aspirare non possit: & sic remanet incorrupta donec iussu creatoris compositio destruat. Nec quinta Essentia, quam quærimus, ad incorruptionem cæli omnino reducitur, sicut nec artificiū ad æquatur naturæ: sed tamen incorruptibilis est respectu compositionis factæ ex quatuor elementis: Quoniam si esset omnino incorruptibilis sicut cælum, perpetuaret omnino corpus nostrū, quod fieri prohibet conditor naturæ nostræ Dominus Iesus Christus. Iam multum aperui tibi de secreto, ad gloriam immortalis Dei,

Scientia

Scientia ingeniationis ignis sine igne, vt facias quintam Essentiam sine expensis & labore, & sine occupatione, & temporis perditione.

Caput VII.

ET quia intendimus consolari in hoc nostro libro pauperes Evangelicos viros, vt orationem in hoc labore non perdant, nec in præparatione eiusmodi occupentur, proferam eis de ventre secretorum thesaurorum naturæ rem verè miram & venerandam: Videlicet calorem sine igne, & sine carbone, vt in eo nostra quinta Essentia generetur. Creauit sapientissimus orbis conditor duas res inter alias ad hoc aptas: quoniam recipies ventrem equi valde bene digestum, Volo dicere homo Dei, fimum optimum equi, & pista bis eum infra aliquod vas vel foueam factam in terra linitam per totum, factam ex cineribus, & in medio fimi bene pistati, collocabis vas distillatorium circulationis vsque ad medium, vel plus: quia necesse est, quòd totum caput vasis in aere frigido remaneat collocatum

vt illud quod per virtutem caloris fini
ascendit, ibi iterum virtute frigoris æ-
ris conuertatur in aquam, & cadat, & i-
terum ascendat. Et sic sine expensis ha-
bes ignem sine igne, & circulationem
continuum quintæ Essentiæ, sine ma-
gno labore. Ex superabundanti etiam
indicabo tibi calorē sine igne similem
primo: vt accipias vindemiam ex torcu-
lari expressam, & fac per omnia sicut de
ventre equi superius docui: quia calorē
habet mirabilem & diuinum. Et tertio
docebo te iterum calorem Dei: vt in æ-
state vas circulationis sigillatum, ad re-
uerberationem fortem solis colloces, et
nocte ac die sine tuo labore pausare di-
mittas.

*Scientia acquisitionis aquæ ardentis sine magnis ex-
pensis pro Euangelicis viris, qui pecuniam
non habent. Cap. VIII.*

CONcreauit Altissimus non solum
in aqua ardente quintam Essen-
tiam, sed etiam in omni re mirabi-
lem, durabilem, cælestem habens virtu-
tem. aperias, rogo te, intellectum, vt in-
telligas veritatem: quoniam res corru-
ptibiles

ptibiles statim corrumpuntur, nisi iugiter ordinatione creatoris ab illa quinta Essentia seruarētur: Extrahe ergo aquā ardentem à vino, quia cum aqua ardente quinta Essentia extrahitur: & quod in vase distillationis remanet, non est vinum. Et ideo nota, quòd quando vinū transmutatur in acetum, hoc fit quando quinta Essentia inuisibiliter euaporando à dolio, exit: & quinta Essentia recedente, vinum conuertitur in acetum. Ergo in omni vino puro, excepto acetoso quantumcunque putrido, vel turbato, vel foetido quinta Essentia reseruatur: Et verum est pro certo. Cuius plena demonstratio est: quia pone in vasis distillationis vinum quod fuit bonum, sed nunc turbidum vel putridum, sine omni dubio ex eo aquā ardentem & optimam distillabis. Ergo summa cautela est Euangelicis viris pro hoc magisterio, talia vina, quæ perdita sunt, querere quasi pro nihilo, & inde nostrum diuinum magisterium extrahere. Nota bene quod dico, vinum turbidum & putrefactum ex putrefactione cuiusdam

humoris aquei sic vinum corruppen-
tis febrili passione. Quinta autem Essen-
tia, quia in se incorruptibilis est per na-
turam, per illam corruptionem vini nō
corrūpitur, sed solūm absorbetur à ma-
iori quantitate corrupta. Ergo secre-
tum magisterij est, vt quintam Essen-
tiam incorruptam à vino corrupto per
sublimationem extrahas, & putrefactio-
nem quatuor elementorum vini quasi
fæces in fundo vasis relinquant. & cum
operationes eius sine expensis intelle-
xeris, Deum vtiq; laudabis.

*Scientia diuersitatis habendi quintam Essentiam, &
quomodo perfectius habetur secundum gradus
faciles & difficiles, & secundum magis
& minus Cap. IX.*

Modus primus & omnium prin-
cipalis est ille, qui est iā superius
reuelatus cui non est par. Secun-
dus modus est talis: recipe nobiliorem
aquam ardentem, & quam fortio-
rem poteris habere, & pone in amphoram
vitream cum longo valde collo, & clau-
de ostium valde fortiter cum cera, & sis
dimidia

dimidia vel tertía pars plena, deinde se-
 pelias eam totã in ventre equi præpara-
 ti, vt supra, versam tamen, ita quòd col-
 lum cum cera sit inferius & fundum su-
 perius, vt virtute caloris fimi equini
 quinta Essentia superius versus fundũ
 amphoræ ita reuolutum ascendat, &
 crassities materie ad collum infra de-
 scendat: & cum post multos dies eam
 extrahere voles, extrahe suauiter eleuã-
 do amphoram sicut stat, & videbis spis-
 situdinem & claritatem, & differentiam
 inter quintam Essentiam sublimatam
 & materiam crassam, quæ residet in col-
 lo: Magisterium autem separationis v-
 nius ab alio mirabile & ingeniosum, est
 istud: recipe stylum ferreum acutum &
 infige in cera quæ in porta amphoræ
 pendet contra terram, & perfora vsque
 ad aquam: quũ verò perforaueris extra-
 he stylũ, & exhibit primo illa aqua terre-
 stris, quæ est in collo amphoræ, donec
 egressa tota fuerit vsque ad diuisionem
 quam notasti inter eam & eleuatã quin-
 tam Essentiam: & cum aqua terrestris
 exierit, & videbis quintam Essentiam

velle defluere, appone velociter super
 foramen digitum, & verte amphoram,
 & habebis in ea quintam Essentiam, &
 aquam terrestrem extractam ad partē.
 & est maximum magisterium istud, &
 ex secretis secretissimorum secretorū.
 Et non peruenit illa quinta Essentia ad
 valorem primæ: sed est nobilis valde.
 Vtere illa discretē, quia maxima virtus
 est in illa, quam quæris. Tertius mo-
 dus est, vt accipias amphoram magnā
 vitreatam, & ponatur bene sigillata in
 ventre equi tota penitus consepulta: &
 eleuabitur puritas quintæ Essentiæ, &
 crassum remanebit in fundo: extrahe
 suauiter quod natat, & reducere residuum
 ad ignem. Quartus modus est, vt ac-
 cipias vas quodcumque de vitro vel de
 terra fortissimè vitreata quod modicū
 valebit, & desuper colloca vnum rotun-
 dum pedem vitri cū tibia, & sigilla vas
 cum suo coopertorio, & virga pedis vi-
 tri infra vas pēdeat aut in aere, vt quod
 ascendit ad modum olei bullientis ad
 coopertorium per pedem vitri, descen-
 dat iterum ad intestina vasis: Et illud in-
 strumentum

DE QVINTA ESSEN. 4^r

strumentum potes facere vbiq; & sine
tædiosis expensis: & supplementum est
tamen vasis circulationis superius de-
scripti: quia non semper illud haberi po-
test. Quintus modus est, vt saltem a-
qua sit à tribus vicibus vsq; ad septem
vices distillata, & in ventre equi conti-
nuè digesta. Sextus modus est, vt sal-
tem meliorem habeas aquam simplicē
semel distillatam, vel bis, quam poteris
habere. Septimus modus est, vt acci-
pias aquam quancūq; ad manum inue-
nies, dum tamen ardeat: quia supra mo-
dum omnes valent, sicut infra vbertim
declarabimus.

*Canon in secreto extractionis quintæ Essentiæ ab om-
nibus alijs rebus, & scientia in extractione quin-
tæ Essentiæ à sanguine humano, carnibus
& ouis. Cap. X.*

SI audiuisti quod tibi superius ex se-
cretis maximis reuelaui, cum dixi,
quòd in omni re quinta Essētia est,
& remanet incorrupta, maximum erit
tibi si docuero ipsam extrahere à san-
guine humano, & à carnibus omnium

animalium, & ab ouis, & à similibus re-
 bus. Quoniam cum sanguis humanus
 sit perfectū opus naturæ in nobis quan-
 tum ad augmentum deperditum, certū
 est, quod natura illam quintam Essen-
 tiam sic perficit & perficit, vt sine alia
 preparatione ex venis transferat ipsum
 sanguinem immediatē in carnem: &
 hanc quintam Essentiam tam propriam
 naturæ maximum est haberi: quia in ea
 est virtus mirabilis celi stellati nostri: &
 ad curam naturæ diuinissima operatur
 miracula, sicut infra docebo. Recipe er-
 go à barbitonforibus ex omnibus iuue-
 nibus sanguineis vel cholericis sangui-
 nem assumptum vt poteris ab eis qui vi-
 nis bonis vtuntur, & abiecta aqua siue
 phlegmate post repausationē, pissa illū
 cum decima parte sui salis communis
 præparati ad hominum medicinas, &
 misce, & pone in amphoram vitreatam
 quam diligenter sigilla, & repone eam
 infra ventrem equi præparati, vt supra,
 & remuta fimum semel in hebdomada
 vel plus, vt fortior sit calor, & dimitte
 putrefieri donec totus sanguis conuer-
 tatur

tatur in aquam: quod fiat ad plus in 30,
vel 40, diebus, vel aliter secundum plus
& minus: tunc pone in alembico, & di-
stillata ad calorem vel ignē bonum quic-
quid ascendere poterit, & aquam illam
pluries super fæces tritas repone, miscē-
do super marmore, & postea distilla,
pluribus vicibus iterando: Et cum no-
bilem aquam sanguinis habueris, vt ex
illa quintam Essentiam extrahas: repo-
ne aquam in distillatorio circulationis,
donec eam ducas ad tantam fragrantia
sicut aquam ardentem superius fecisti.
& hæc est quinta Essētia, diuina & mira-
culosa supra quam credi possit. Si vis
verò extrahere quintam Essentiam à ca-
ponibus, & gallinis, & ouis, tere carnes
vel oua trituratione fortissima in mor-
tario, cum sui parte decima salis cōmu-
nis præparati ad hominum medicinas,
vt dixi supra: pone deinde invētre equi
donec conuertatur in aquam: distilla vt
supra in distillatorio circulationis. A-
quam deinceps distillatam repone do-
nec ad fragrantiam vt supra ante dictam
reducatur.

Scientia quintæ Essentiæ extrahendæ à fructibus, radicibus, herbis, & folijs. Cap. XI.

ET est vnum ex secretis naturæ extractio quintæ Essentiæ ab omnibus comestibilibus quæ nascuntur in terra: Et modus est idem, vt supra in alijs: Vt conteras omnes fructus & radices & herbas, quas volueris, cū decima parte sui salis communis præparati ad hominum medicinas, vt dixi: putrefac, distilla, & circula vt supra, donec habeant suauitatem odoris, & iusto imperio Christi, obtinebis optatum: & incomprehensibile secretum tibi aperui in hoc loco: quare lætabundus gesties nimium: quoniam cū fructus & herba quædam sint frigida, quædam calida, quædam sicca, quædam humida, quædam temperata, quædam lassatiue, quædam stipticæ: Similiter & de fructibus vtī de herbis dico: ex his quinta Essentia extracta tanta & talis erit, vt in ictu oculi effectus stupēdissimos, & qui credūtur impossibiles, operetur. Quis quæso, effectus in laxatiuis esset si quin

ta

ta Essentia ab helleboro extraheretur: nullo modo effectus arcanorum posset explicari. Et nota quòd si aliqua herba vel fructus per se talem virtutem habet quum illam habeat ab Essentia quinta illa verò quinta Essentia cum fuerit, vt diximus, depurata ad plenum, in centuplo plus virtutem illam habebit, quia fæces compositionis quatuor elementorum quintam Essentiam eis immerfam secundum suum posse operari non sinunt. Nos autem in magisterio extractionis quintæ Essentiæ nil ei conferimus, nil damus, sed superfluaresecamus ab ea, & impedimenta materialia & corruptibilia remouemus.

Scientia extrahendi quatuor elementa à qualibet re, quolibet per se ex omnibus prædictis, & postea quintam Essentiam. Cap. XII.

Non præmittam pro modico reuelare secretum qualiter poteris extrahere quatuor elementa ex omnibus prædictis, & quodlibet per se & ad partem monstrare: & postea quintam Essentiam à quolibet elemēto, Mo

46 IO. DE RVPESSISS.
dus est iste: Recipe rem putrefactam &
in aquam reductam quancunq; volue-
ris, sicut supra est dictum: & sit illa res
de qua volueris quatuor elementa ex-
trahere sicut sanguis humanus ad aquam
reductus: Pone igitur illam aquam seu
sanguinem putrefactum in distillatorio
de vitro, & ipsum colloca infra ollam a-
quæ, & da ignem subtus donec distille-
tur aqua ex sanguine per fistulam alem-
bici: Et illam aquam recipe in ampho-
ram vitream valde mundam: & cum ni-
hil plus per illum ignem seu calorem po-
terit ascendere, pro certo habebis ex
sanguine tantum extractum elementum
aquæ: Quoniam ignis balnei illius nul-
lam vim habet ad sublimandum aerem
vel ignem, vel terram: & ita illa tria ele-
menta in fundo distillatoriij remanse-
runt. Accipe iterum aquam extractam,
& repone in vase super illa tria elemen-
ta, & repone in eodem balneo per se-
ptem dies, & bene misceantur ibi, tali-
terq; claude, vt nihil distilletur: post ve-
rò septem dies accipe distillatorium, &
pone eum ad ignem seu calorem cineris,
qui est

DE QVINTA ESSEN. 47

qui est fortior quàm ignis seu calor balnei Mariæ: & ascendet aqua in forma olei splendidi, aureati: Et postquàm nil amplius ascendit, habes in ampulla duo elementa, scilicet, aquam & aerem: & vnum ab aliò separabis in balneo reponendo, vbi tantùm aqua clara ascendet, & solus aer remanebit in similitudinem aurei olei, in fundo vasis: quod oleum, scilicet aerem, repone ad partem: deinde remanet adhuc ignis cū terra. Ad separandum verò ignem à terra pone elementum aquæ, quatuor libras aquæ super vnam libram materie: & pone per septem dies vel octo, ad bene se incorporandum, vt supra in balneo Mariæ: Postea ad ignem flammæ fortem, & ascendet aqua rubea, quam collige quandiu aliquid ascendet: & remanebit tibi aqua nigerrima in fundo, quam collige ad partem, deinde aquam rubicundissimam accipies: quare tibi sunt duo elementa, scilicet aqua & ignis, & pone in distillatorio ad ignem, seu calorem balnei, & ascendet aqua clara, & remanebit in fundo oleū rubeum, quod

est elementum ignis. Et ita habes elementum primum, id est aerem ad partē & aquam, & ignem, & terram. Et nota quòd elementum aquæ reponitur ad extrahendum à terra ignem & aerem, quia non ascenderent nisi adiutorio elementi aquæ: reduc quodlibet in quintā Essentiam cum vase circulationis, vt prius: vel rectificata vnum faciendo ascendere septies per aludel: sed prius oportet terram nigerrimam calcinare vno & viginti diebus in furno vitreariorum, vel reuerberationis. Et propter causam hanc, de hac scientia amplius non loquar: sed glorifica Deum in his quæ audiuiſti, me præmonſtrante.

*Canon in secreto magisterij fixationis solis in celo nostro id est in quinta Essentia, vt luceat in ea, & per assumptionem eius fulgeat in corpore nostro: sed primò declarantur proprietates auri, & cur dicatur
sol. Cap. XIII.*

Iam est tempus vt ornemus cælum nostrum, scilicet quintam Essentiam, videlicet vt figamus in ea cælum nostrum id est aurum & proprietatē auri, vt ge-

DE QVINTA ESSEN. 49

vt generet clarissimū diem totius vitæ
nostre sanissimum & validissimum, usq;
ad ultimum terminum vitæ nobis con-
stitutum à Deo, qui sine noctibus mor-
tis præteriri non potest. Maximum est
posse figere nostrum solem in cælo. Et
nota quòd quinta Essentia superius iam
quæsitā ita subtilis est, & ad tantam spe-
cialitatem vel spiritualitatem & glorifi-
cationem reducta, vt ex sui acuitate, id
est actione, semper sursum tendat: & i-
deo oportet eam ligari & sigillari in va-
sis vitreis non porosis, ne effugiat ma-
nus nostras. Sol autem noster se habet
è contrario: nam tantæ impassibilitatis
est & soliditatis tam miræ, vt ignis cum
toto suo ingenio eum deuastare non
possit, nec facere euaporari: imò (quan-
uis incredibile appareat) non deuasta-
retur etiam si omnia ingenia apponerē-
tur, sicut est ingenium cineritij, in quo
omnia metalla penitus destruuntur, au-
ro & argento exceptis: Et si cementum
regale apponatur quod fortissimum fit
ex sale, latere antiquo, sulfure, & ammo-
niaco: in quo argentum pretiosius mū-

d

di statim euanesceit in fumum : tamē ibi
amplius vigoratur aurum & etiam de-
puratur: hoc inest sibi ab excelsō Deo,
qui sic creauit illud in materia prima
glorificatum, & in forma dignificatum:
vt forma tanto amore sit ligata materiæ
& materia sic vnita formæ, vt abinuicē
virtute ignis nec corrumpi nec separa-
ri possint. Et etiam dixi tibi quōd Deus
gloriæ, per influxum septem planetarū
disposuit septem metalla in visceribus
terræ. Per Saturnum disponitur plum-
bum: & quia plumbum habet proprie-
tatem Saturni, ideo plumbum vocatur
Saturnus. Per Iouem disponitur stannū
quia habet proprietatem Iouis, ideo stā-
num Iupiter appellatur. Per Martem di-
sponitur ferrum, quia Martis habet pro-
prietatem, ideo ferrum vocamus Mar-
tem. Per Solem qui est res nobilior om-
nium planetarum, quia aurū habet pro-
prietatem Solis, ideo ipsum vocamus
Solem. Per Mercurium disponitur ar-
gentum viuum, & quia argentum vi-
uum habet proprietates Mercurij, ideo
ipsum, Mercurium appellamus. Per Lu-
nam

DE QVINTA ESSEN. 51

nam disponitur argentum, & quia habet proprietatem Lunæ, ideo argētum nominatur Luna. Per Venerē disponitur cuprum, & quia habet proprietates Veneris, ideo ipsum appellamus Venerem. Cum ergo aurum disponatur à Sole & habeat proprietates Solis, & Sol influat radios, lumen, & calorem, quæ tria sunt principia naturalia vegetabiliū & vitæ animalis: certè hoc idem habet aurū Dei, nō autem aurū hominis id est alchimix. Et nunc hora est vt pandam tibi qualiter influxus radiorum auri nostri scilicet Solis, infigatur in cælo, id est in quinta Essentia superius quæsitā, nec non & lux eius & calor & incorruptibilitas & bonitas omnium proprietatum illius ad viuificandum corpus nostrum, & ipsum vsque ad vltimum terminum nobis constitutum à Deo in sanitate præseruandum.

d 2

Scientia vera in vero magisterio figendi Solem in calo nostro.

Cap. XIII.

OPus magisterij fixationis in cælo est, vt accipias aurum Dei per cementum purgatum, si potes tale aurū habere: vel si es nimis pauper, accipe florenos approbatissimos de Florētia, & fac ex eis laminas tenues, & pone eas ad ignem, & eas ignias super pallam ferream vt igniantur sicut ignitur ferrū: & habeas iuxta te vas terreum vitriatū optimæ aquæ ardentis impletum, & laminas auri ignitas proijce in aquam ardentem, & habeas ingenium ad extinguendum subito ignem vt non vastetur aqua: & caue vt nullum ferrum tangat aquam, sed à longè proijce aureas laminas intus, & fac hæc quinquaginta vicibus vel plus, quia quanto plus, tanto melius erit. Nota istud quoddixi tibi modò, & si videris aquā ardentē minui muta illā & accipe aliam & postea aliā. Et cōpletis extinctionibus, omnes aquas cōiunges. Et scito pro certo quòd Deus creauit talem virtutem in aqua ardente

dente, quòd ex auro ignito extrahat omnes virtutes auri, & incorporat sibi & retinet radios, lumen, colorem, & qualitatem, incorruptibilitatem, durabilitatem, soliditatem, & omnes proprietates Solis cælestis. Deinde aquam ardētem sic solificatam seu aurificatam misceas cum quinta Essentia, & vtere ea. Non enim audeas extinguere laminas aureas in Essentia quinta, quia perderes ea. Modò in veritate habes cælum incorruptibile, non simpliciter, sed Solem infixum in eo ad fortius influendum lumen vitæ, radios virtutum, conseruationem naturæ, & fixationem quintę Essentiæ.

Scientia qualiter fiat sine omni expensa, vt possint habere quasi pro nihilo influxus huius Solis Evangelici viri. Cap. XV.

Viri Evangelici qui dicunt cum Petro, Aurum & argētum non est mihi, cum indigebunt virtute nostri optimi Solis, habebunt necesse rogare amicum diuitem vt mutuò tradat eis duos bonos florenos vel saltem vnū

54 IO. DE RVPESSISS.
bonum, & florenum ignient sicut est: et
si habent aquam ardētem, quinquagin-
ta vicibus in eam ipsum extinguant: &
si aquam non habent, in bono vino al-
bo nec nimis claro, nec nimis spisso, sed
optimo, delectabili, odorifero, saporo-
so, & gratioso: quoniam vinum habet
naturam recipiendi in se influentias &
proprietas auri. & postquam perfece-
ris opus tuum ad placitū, scito pro cer-
to quòd floreni boni sunt sicut prius, &
nobiles, & pulchri, æqui ponderis, vel
quasi. Vtere ergo vino aurato, vel aqua
aurea, vt lætus & sanus viuas, & etiam
vt iuuenescas.

*Scientia ad fortius & viuacius imprimendum virtutes
Solis in cælo nostro. Cap. XVI.*

ET in hoc decreui reuelare inge-
nium non solum vt fortius quàm
supra dixerim quòd proprietates
Solis configantur in cælo: sed docebo
te naturaliter & sine peccato incantare
aurum & argentum, ita vt si teneatur,
minimè cognoscatur: & valet ingeniū
istud incantationis naturaliter ad aurū
&

& argentiū per totum mundum sine timore dominorum & tyrannorū portandum, & ad seruandum in toto tempore bellorum & tribulationum, & maxime tēpore Antichristi. Creauit sublimis Deus aurum sic incorruptibile, vt vi cuiuscunq; ignis non perdat suum esse nec calorem nec virtutem: & tamen est vna res quæ statim conuertit ipsum in terram. Et magisterium huius secreti est tale: Recipe aurum, & lima ipsum bene, & accipe crucibulum cū bona quantitate argenti viui, & pone ipsum ad paruum ignem sic vt non vaporet, & pone intus limaturam auri quam moueas miscendo cum argento viuo, & post modicum tempus totum aurum inuenies infra argentum viuum conuersum in farinam seu terram (debēt poni pro quolibet denario auri denarij septem argēti viui si hoc debet fieri bene: & de argēto si volueris facere, necesse est vt ponas de arg. viuo triplum: videlicet pro quolibet denario arg. denarios 21. arg. viui: & hoc propter eius duritiē) postea ad bonum ignem pone, vt argentum vi

uum recedat: vel distilla eum & collige,
ponendo desuper alembicum, & in crū
cibulo aurum inuenies calcinatum, &
reductum in terram. Vel si non potes li
mare, fac tenuissimas laminas quā sub
tilius valebis, & pone eas infra argen
tum viuum calidum, & habebis optatū.
Et si vis hoc idem facere de argento, li
ma ipsum, & misce super lapidem cum
argento viuo & argento viuo sublima
to, & bona quantitate vitrioli Romani
& claude cum luto Sapiētiae inter duas
testas bene iunctas, & pone inter carbo
nes quasi per vnum diem vel medium
vel minus, & ipsum inuenies reductum
in calcem. has calces porta per mūdum
publicē, & neminem inuenies qui argē
tum & aurum cognoscat. Et si vis calces
occultare omnino, misce eas cum pice
liquida, vel cera, vel gūmi, vel cum om
ni re combustibili, & non cognoscetur
ab homine huius mundi: sed erunt ho
mines videntes naturaliter, vt incātati.
Et si vis hanc incantationem omnino
soluere, pone calcem auri in cineritio,
& verum aurum vt prius inuenies. Idē
fac de

fac de argento. Ad propositum nostrū,
si vis nobilissimè deaurare aquam ardē
tem vel vinum: recipe calcem auri quā
facere docui, & supra pallam ferream,
sed melius est in cochleari argenteo, po
ne ad igniendum, quam extingue in a
qua ardente vel vino, sicut supra dixi
quinquaginta vicibus, & habebis liquo
rem tuum centies deauratum magis
quā per laminas haberes: cuius ratio
est, quia ignis melius & fortius agit in
partibus auri subtilissimis, quā in la
minis solidis atq; duris. Et aqua ardens
vel vinum etiam in millecuplo facilius
extrahit auri proprietates ab ignitis
partibus minutissimis, quā à laminis
crassis, quia minus partes auri minutæ
resistunt tam igni quā liquori. Et sci
to quòd vinum non solū retinet pro
prietates auri, sed multo fortius metallo
rum omnium: Nam si extinguas plum
bum septies in vino vel in aqua cōmu
ni liquefactum, & in illo vino vel aqua
postea ferrum extinguas pluribus vici
bus, ferrum attrahet molliciem plumbi
omnino: & idem faciet cuprum, & aliud

metallum: Vel si in vino albo pluribus vicibus ferrum extinguas, postea in eo pluribus vicibus plumbum fustum proieceris, plumbum inuenies sine dubio induratum. Ergo si proprietates metallorum omnium imprimuntur in vino, multò fortius in aqua ardente bona & preciosa.

Canon in fixatione omnium terrestrium in celo, vt influant in eo suas proprietates & occultas virtutes. Cap. XVII.

DEus cæli talem virtutem contulit quintæ Essentiæ, vt extrahat ab omni fructu, & ligno, & radice, & flore, & herba, & carne, & semine, & à qualibet rerum specie, & ex quacunque medicinali re, omnes virtutes & proprietates & naturas, & effectus, quos Deus gloriæ, conditor naturæ, creauit in eis: & infra tres horas, vel paulo plus operatur extractionem prædictam. Ego iam reuelauit tibi quomodo ab omnib. prædictis nostra quinta Essentia possit extrahi. Ergo omnes res necessarias ad omnem syrupum pone in aqua ardente, & intra tres horas illa aqua erit talis qualis

lis syrupus, & melior in centuplo ratione quintæ Essentiæ, quam esset sine ea. & etiam accipe omnes medicinas confortatiuas, & in centuplo infra quintam Essentiam multiplicabuntur seu confortabuntur omnes eorum actus. Sic etiam de medicinis laxatiuis, quoniam supra modum augetur diuina actio eis donata à Deo, sicut te infra docebo. Nam si omnes species aromaticas odoríferas simul in quinta Essentia posueris, flagrantiam habebis quàm existimare non poteris. Idem de stipticis, idemque de rebus adstrictiuis: si semina, flores, fructus, folia: si frigida, si calida, dulcia, amara, humida, sicca: si bona, si mala infra quintam Essentiam infuderis, talem quintam Essentiam habebis. Ecce instrumentum est omnium virtutum rerum transmutabilium, & si ponantur in ea, auget in centuplo actionem eorum.

Canon

*Canon ad reddendum quintam Essentiam calidam in
quatuor gradibus caliditatis: & primò sciendum
quæ sint res calidæ in primo gradu.*

Cap. XVIII.

VNum mare scientiæ in notitiâ re-
rum medicinalium aperiâ tibi
in hoc loco: nam ista sunt calida
in primo gradu secundum auctores me-
dicinæ. de Herbis: absinthium, borago,
fumus terræ, althæa, eupatorium, camæ-
malon, stœchas, tribulus, coriandrum,
cuscuta, ozimū, spicanardi vel celtica.
de Seminibus: semen althææ, trifolij, co-
riandri, atriplicis, ozimi, cuscutæ. de Flo-
ribus, flos narcissi, lilij, croci, camæma-
li. de Radicibus, radix iridis, aristolo-
chie vtriusq;, agarici. de Fructibus, amy-
gdalæ dulces, mora matura, iuiubæ, &
oliuæ maturæ, ficus, castaneæ, auellane,
cortex pomi citri & c. Frondes, folia
lauri, caryophylli. de Granis, triticum,
cicer album, oriza, orobus, lingua auis,
cubebæ, cardamomum. de Gummis &
succis: lycium, sarcocolla, laudanum,
moschus, styrax, de Venis, nîtrum. de
Carnibus

DE QVINTA ESSEN. 61

Carnibus, porcina, equina, camelina, pulina, caro hirci, passerum iuuenum, columbarum, anatum, anserum, fasianorum, piscium salforum. Si ergo vnus vel plurium istorum quintam Essentiā cum cælo nostro miscere volueris, pone ex his quantum volueris in cælo tuo & trahet in tres horas ad se quintam Essentiam cum omnibus virtutibus eius, & efficietur cælum tuum calidum in primo gradu plusquā antea esset. O quā magna sciētia est ista, vt scias naturā rerū comestibiliū: vt intelligas quid debes comedere, quid vitare: quoniā si nimis es frigidus, vtaris istis quę sunt calida in primo gradu, excepto quòd debes vitare ea quę tibi per laxationem nocerēt: intellige quę dico.

Scientia affixionis quintę Essentię omnium rerum quę sunt calidę in secundo gradu, & illarum notitia. Cap. XIX.

SI propter infirmitatem prouenientem ex nimia frigiditate, non sufficit tibi cælum tuum in præcedenti canone factum calidum in primo gra-

du, extrahe quintam Essentiam ex his
rebus quæ sunt inferius, quæ sunt cali-
dæ in secundo gradu: de Herbis, poliū,
amomum, asphodelus, pastinaca, pras-
sium, centaurea, cataputia, cyperus, si-
fymbrium, mētha, anetum, fœniculum,
aloe. de Seminibus, semen apī, dauci,
marathri, vrticę aneti, fœnugræci, pasti-
nacæ, sisymbrii, raphani, croci hortēsis.
de Floribus, flos croci hortensis, cotule
bulbi, asphodeli. de Radicib. radix apī
fœniculi, capparis, acori, asari, pastinacę
asphodeli, pęonię, cyperi. de Lignis, rha-
barbarum, lignum aloes, xylobalsamū,
hebanū, caryophylli, cortex thuris, tama-
risci. de Frondibus, folia citri, tamaricis,
senæ. de Fructibus, nux myristica, ma-
cer, amygdalæ amaræ, vuæ maturę, vuę
passæ, fistici, ficus siccæ, dactyli, pineæ
dulces, nuces. de Granis, cantabrum, ci-
cer nigrum, lupini, faseoli, asparagi, gra-
na citri. de Gūmis & succis, aloë, balsa-
mum, mel, vinum, mastix, thus, myrrha,
bdelium, lacca. de Venis, sal. de Super-
fluitatibus animalium, stercus, vrina, am-
bra & muscus. Aperias ergo oculos
tuos,

DE QUINTA ESSEN. 63

tuos, vt videas quibus rebus ex his indigebis ad magis tuum calefaciendū corpus quā per ea quæ posita sunt in scientia prima. non vtaris rebus, nisi prius scias quæ sunt, si quæ sunt venenosæ. Habes ergo scientiam vt efficias cælum nostrum calidum in secundo gradu cum omnibus suprapositis vel quibusuis ex eis & illis æquipollentibus.

Scientia affixionis omnium rerum calidarum in tertio gradu, & notitia earum. Cap. XX.

IN casu in quo infirmitas nimix frigida vigeret, & indigeres habere cælum nostrum calidum in tertio gradu affige in cælo quintam Essentiam rerū calidarum in tertio gradu quæ inferius describuntur. Ex Herbis, inula, stœchas, thymus, chamædrys, chamæpitys, hyssopus, sampucus, sambucus, mentastrum, calamintha, pulegium, origanum, porrus, ruta domestica, apium, squinatum. de Seminibus, semen petroselini, ameos, anisi, cardamomi, cardi, epithymi, porri, cumini, sileris montani, rutæ domesticæ, erucæ. de Floribus, flos sam-

buci, squinantí. de Radicibus, radix inu-
læ, squināti, menthæ, dictami, capparis,
porri, hellebori vtriusq, serpētariæ, ze-
doariæ, doronici, zingiberis, centaurij.
de Lignis, gentiana, polypodium, cassia
lignea, asari, turbit, galangæ, piper lon-
gum, cinamomum, costū. de Frondib.
folia oleandri, nucis, colocynthidis. de
Fructibus, nux Indica, cataputia, cucu-
meres agrestes, colocynthís. de Granis
lolium, piper longū, staphisagria. de Gū-
mis ac succis, hyssopus, crocus, scam-
oniū pix liquida, pix Græca, serapino, o-
popanarū, asarū, ammoniacū, euphor-
bium, galbanum, gūmi iuniperi. de Ve-
nis salgemma, magnes, sal nitrū. de
Membris animalium, mumia, casto-
reum. Cum his rebus caliditatem tertij
gradus affiges in cælo tuo. Vtaris
ergo in extractionibus quintæ Essen-
tiæ ex rebus, cum fueris expertus ea-
rum virtutes,

Scientia

DE QVINTA ESSEN. 65

Scientia extractionis quintæ Essentiæ rerum calidarum in quarto gradu, vt affigas eas in cælo nostro, si oportuerit. Cap. XXI.

Reuelabo tibi res calidas in quarto gradu id est in summo, vt earum quintam Essentiam in cælo tuo affigas cum fuerit necesse. de Herbis, ruta sylvestris, nasturtium. de Seminibus, semen sinapis, nasturtij, ceparum, rutæ agrestis. de Lignis, tapfia, pyrethrum. de Fructibus, anacardi. de Granis, piper nigrum, baccæ lauri. de Venis, argentum viuum, sulfur, calx, sal ammoniacum, sal nitrum, æs vstum, flos æris, petroleon.

Canon & scientia in extractione quintæ Essentiæ à rebus frigidis in primo gradu, vt affigantur in cælo nostro, Cap. XXII.

Sicut indicaui tibi qualiter te habearas in extractione quintæ Essentiæ ex rebus calidis secundum ordinem quatuor graduum, eundem ordinem in extractione quintæ Essentiæ à rebus frigidis tibi pandam. Et primò in frigidis in primo gradu quæ sunt ista: de Herbis, atriplex, mercurialis, oxalis, caules;

e

malua, scariola. de Seminibus, semē malua, plātaginis, rose, scariolæ, citrulli, melonis, cucurbitæ. de Floribus, flos rosarum, amygdalarum, malorum cydoniorum, salicis. de Frondibus, folia myrthi. de Fructibus, glandes omnes, myrobalani, tamarindi, caro pomi citrini, oliua acerba, poma coctana, pyra, cerasa. de Granis, hordeum, fabæ virides & siccæ milium, panicum, myrthilli. de Succis, acacia, acetum. de Venis, bolus armenus cimolia, argilla, lateres, argentū, cadmia argentea. de Carnibus, porcina, caprina bouina, ceruina, leporina, asinina, mulina, aprina, caro coturnicum & piscium recentium. Si ex his posueris in nostrā quintam Essentiam, nostrum cælum in primo gradu infrigidabis, & tali cælo vti poteris in æstate.

*Scientia ad affigendum quintam Essentiam rerum
frigidarum in secundo gradu in cælo
nostro Cap. XXIII.*

QVando non sufficiet tibi cælum nostrum frigidum in primo gradu ad nimium calorem extinguendum, affiges in eo quintam Essentiam

DE QVINTA ESSEN. 67

sentiam rerum frigidarum in secundo gradu, quas tibi nominabo in hoc loco. de Herbis, pentaphyllō, psyllium, lactuca, farfara. Semen lactucę: flos violę, nenupharis, fabę, balauſtij vel cytimi. Radix mali granati, arnoglossę. Folia salicis. Mora immatura, sorba, mespila. Succus citrij pomi, persica, cucumeres, cucurbita, melones, citrulli. Grana, sumach, berberis, semē cydoniorum. Gummi tragacanthi, gummi Arabici, hæmatites lapis, cerussa, lithargyron, alumen, plumbum, coraliū. Cum his reddes cælum nostrum vt in corpore nostro influat frigiditatem in secundo gradu, vtaris sapienter, vt vites vitanda. Maxima scientia est enim vt si nimis es frigidus, hīc addiscas quę sunt frigida nimis, & sic nociua vitabis: si nimis es calidus, hīc habes quibus frigidis vti debes.

e 2

Scientia

*Scientia ad extrahendum quintam Essentiam rerum
frigidarum in tertio gradu, & affigendum in
celo nostro. Cap. XXIIII.*

TEmpus est vt reuelem tibi affixio-
nem quintæ Essentiæ rerum frigi-
darū in tertio gradu, quæ sunt istæ. Her-
bæ, virga pastoris, semperuiua vel ai-
zon, portulaca, hypocistis, eorumq; ra-
dices. Omnes sandali. Flos papaueris al-
bi. poma mandragoræ. caphura, san-
guis draconis, hypocistis. gypsum, spo-
dium. Semen hyoscyami, papaueris ni-
gri, cicutę. Antimonium, thutia seu pō-
pholix. Hęc sunt quorum quinta Essen-
tia affixa in celo nostro reddit ipsum fri-
gidissimum in summo: quia in quarto
gradu nulla res est à Philosophis in fri-
giditate constituta.

*Scientia ad extrahendum quintam Essentiam à rebus
siccis in primo gradu ad affigendum in celo
nostro. Cap. XXV.*

EO quo supra ordine extractionem
quintæ Essentiæ à rebus siccis ostē-
dam, & primo in primo gradu. Cha-
mamalon, stœchas, semperuiua, caules
foeniculus,

DE QVINTA ESSEN. 69

fœniculus. Semen hyoscyami, fœnu
Græci: Flos narcissi, croci. Radix ireos,
porri, zedoarię: folia lilij. nux Indica, my
robalani, tamarindi, vuæ passæ, carica,
oliuæ immaturæ & acerbæ, auellanae.
ordeum, fabæ sicca, cubebæ, cardamo
mum, cnicos: cantabrum, amidum, mo
schus, sarcocolla, opiũ. bolus armenus
cymolia, argilla. Caro caprina, bouina,
ceruina, leporina, equina, asinina, ca
melina, vrsina, vitulina, leonina, vrsi
na, turturis, perdicis, pauonis, iuuenum
columborum. Hæ sunt res quas infra
cælum nostrum mittes vt attrahat earũ
quintam Essentiam, & sic influat siccita
tem in primo gradu in corpore nostro
cum fuerit necesse.

*Scientia extrahendi quintam Essentiam à rebus in se
cundo gradu ad affigendum in cælo no
stro. Cap. XXVI.*

HAE sunt res sicca in secundo gra
du: absinthium, fumus terræ, eu
patorium, amomum, asphodeli,
virga pastoris, cętaurium, pentaphyllõ,
agnus, cataputia, cyperus, orobus, men
tastrum, sylimbrum, mentha, anetum,

porrus, coriādrum, oxalis, seris siue scar-
riola, cassutha, ozimum, papyrus, car-
thamus, spica vtraq;. Semen apij, dauci,
marathri, porri, trifolij, plātaginis, aneti
fysimbrij, coriandri, rosæ, ozimi, scario-
læ, cuscutæ, citrulli, melonis, cucurbitæ,
carthami. Flores, rosæ, croci hortensis,
bulbi, cumini, asphodeli, balaustrij. Radi-
ces apij, foeniculi, capparis, mali grana-
ti, acori, asari, aristolochiæ vtriusq;, scyl-
le, asphodeli, arnoglossæ, pæoniæ, cyperi
centaurij, agarici. Ligna, polypodium
rhabarbarum, lignum aloes (perfectum
cognosces si oblongum frustulum ab
vno capite accendes, ac rectum velut
candelam si teneas & flammam nō per-
dat, nisi prius totum crescat ardens, infe-
rius verò humorem emittit: saporē ha-
bet mordacem xyloaloes): Xylobalsa-
mum (quod vix reperitur) ebanum, &
guaiacum lignum, cinamomū, omnes
sandali, caryophylli, cortex thuris, ta-
mariscus. Folia salicis, myrti, oleandri,
tamarisci, oliuæ, citri. Glandes myroba-
lani citrini, cataputiæ, nux moschata, ma-
cer, amygdalæ amaræ, mora immatura,
& reli-

& reliqua quæ ab alijs authoribus enumerantur. Grana, milium, panicum, lolium, lupini, oryza, orobi, berberis, myrtilli: aloe, lycium, vinum, mastix, thus, myrrha, ammoniacum, galbanum, laccæ, balsamus qui amplius (nisi sophisticus) non reperitur, mel, hæmatites, gypsum, cerussa, lapis lazuli, lithargyrum, lateres, vitrum, coraliū, caro piscium salforum, moschus, ambra. Cum his ergo rebus affiges quintam Essentiam in cælo nostro, vt influat in nobis siccitatem in secundo gradu cum fuerit necesse.

*Scientia ad extrahendum quintam Essentia à rebus sic
cis in tertio gradu. Cap. XXVII.*

POlypodiū, seseli, hypericon, chamædrys, chamæpitys, hypocistis, hyssopus, sampucus, calamintha, pulegium, origanum, ruta domestica, apiū, ischoenantum: semen, petroselini, ammos, vrticæ, anisi, cardamomi, cari, epithymi, nigellæ, cumini, fileris montani, rutæ domesticæ, raphani, erucae. Flos, sambuci. Radices, hyoscyami, dictanni capparidis, hellebori vtriusq, serpentariæ

doronici, gētiana, tapsia, virga pastoris,
 cassia lignea, turbith, galanga, piper lon-
 gū, costū. Folia, lapullæ. Fructus, gallæ,
 cucumeres agrestes, cappares. Grana,
 baccae lauri, staphisagria, sumac. Gum-
 mi & succi, acacia, scammonia, acetum,
 & omnis pix, sagapenon, opopanax,
 asa, euphorbium, gummi iuniperi. Ma-
 gnes, ferrugo, spodium, sapo, sal gemma
 sal commune, nitrum, asphaltum, mu-
 mia. Castoreum. Cum quinta Essentia
 igitur harum rerum cælum nostrum in-
 fluit siccitatem in corpore nostro in ter-
 tio gradu.

*Scientia ad affigendum in cælo nostro quintam Essen-
 tiam rerum siccarum in quarto gradu ut in-
 fluant in nobis si fuerit necesse.*

Cap. XXVIII.

CVM igitur erimus humidi supra
 modum, ecce res siccas in quarto
 gradu. Ruta agrestis, nasturtium,
 papauer nigrum, semen, nasturtij, sina-
 pis: pyrethrum, anacardi, piper nigrū.
 ammoniacum, æs vltum, tutia, calx, sal.
 Flos

Flos eris, sulfur viuum, petroleum. cum
his ergo &c.

*Scientia extractionis quintæ Essentiæ à rebus humidis
in primo gradu. Cap. XXIX.*

A Ccedo ad reuelationem quintæ
Essentię rerum humidarum in pri
mo gradu, vt quintam Essentiam
earum affigamus celo nostro, vt influat
in nobis tempore siccitatis humiditatē
in primo gradu: Inula, borago, mercu-
rialis. Semen, althęæ, pastinacæ, atripli-
cis. Flos, fabæ. Zingiber, pastinaca. Li-
gnū glycyrrhyzæ, amygdalę dulces, mo-
ra matura, vuæ maturæ, iuiubæ, caro po-
mi citrini, pruna. Fabæ virides, cicer al-
bum, lingua auis, piper longum. Lada-
num, gummi Arabicum, tragacanthum
bdelium. Plumbum, argentum, cadmia
argentea. Caro porcina, pecorina, pul-
lina columbarum, anserum iuuenum, fa-
sianorum, coturnicum, anatum, pisciū
recentium. In secundo gradu humida
sunt, althęavel alcæa, psyllium, portula-
ca, atriplex, lactuca domestica, malua.
Semen, maluæ, lactucæ, sesami, portula-
cę. Flos, nenufaris, fructus, persica, chry

Tomela, cerasa, dactyli, cucumeres, cucurbita, melones, citrulli. Faseoli, asparagus, grana cidoniorum. In tertio gradu semē psyllij, papaueris albi, ceparū. Flos violarum, papaueris albi. In quarto gradu humida sunt, argentum viuum, nix,

*Scientia ad cognoscendum de omnibus prædictis
quæ simul duas habeant proprietates.*

Cap. XXX.

Valde necessarium indicaui, vt reuelem scientiam ad cognoscendum de quacunque re quam proprietatem habeat connexam, quia omnes res ex quatuor elementis plures habent proprietates: quia elementum aquæ est frigidum & humidum, aer calidus & humidus, terra frigida & sicca, ignis calidus & siccus. Et quia quatuor qualitates primæ quæ sunt, calidum & humidum, frigidum, & siccum, quatuor modis tantum combinari possunt ideo sunt tantum elementa, quatuor: nam siccum & humidum quia contraria sunt, simul in eodem nunquam in actu sunt, & eodem modo frigidum & cali-

& calidum contraria sunt, & nunquam in eodem simul actu consistunt. Cum ergo scire volueris de aliqua re ex prædictis, vtrum sit calida & humida, sicca & calida, frigida & humida, frigida & sicca: quære eam in tabulis calidorum, & si ibi inuenies eam, extrahe vel nota eam: deinde eandem quære in tabulis humidorum, & si ibi eam inuenies, extrahe: & ita inuenies complexionem & gradū eius: exempli gratia, quæras argentum viuum in tabulis calidorum, & inuenies eum calidum in quarto gradu, quære idem in tabulis humidorum, & inuenies in quarto gradu, id est in summo calidum & humidum. Et nota quòd primus gradus non attingit ad plenum sensum gustus vel tactus: secundus gradus sensibus adæquatur: tertius gradus excedit sensum, sed non destruit illum: quartus gradus lædit & vulnerat sensum. & ab hac consideratione ordinatio quatuor graduū in qualibet re est excepta.

Scientia ad affigendum in celo nostro temperatissimam complexionem. Cap. XXXI.

NOminemus res temperatissimas, ex quibus extrahamus quintam Essentiam, vt affigamus eam in celo nostro, vt influat in nobis summè temperamentum, & æquatissimum esse super modum excellentius quod fieri possit in mundo. Et sunt res temperatissimæ & æquatæ in suo esse ad summè confortandum & reparandum & continuandum complexionem nostram: quæ sunt aurum nostrum, aurum Dei, nō hominis id est alchymie (aurum vulgaris alchymie non curat leprosos, & vulnus ex eo factum tumescit) perle, capillus Veneris, radix lilij, cassia fistula & manna: extrahe ergo quintam Essentiā ex his, & infige eam in celo nostro, quia profectō tunc celum influet in nobis sanitatem & vitam & continuationem eius vsq; ad vltimum terminum nobis à Deo constitutum. Et iam docui qualiter quintam Essentiam auri affigas in celo nostro: sed à perlis & cadmia aurea & similibus extrahe quintam Essentiā
sic;

DE QVINTA ESSEN. 77

sic: puluerizes ea donec efficiantur sine tactu, & tunc puluerem projice in cælo nostro: quia profectò totam pulueris virtutem quintam Essentiam associa- bis ibi.

(Tribus modis aurum fieri potest: primò est aurum naturale seu mineræ, secundò aurum alchymicum, tertio au- rum lapidis Philosophorum: ex effectū autem sic discernuntur: nam aurum al- chymicum in potu datum non lætificat cor hominis, sed nocet, quia ex corrosi- uis compositum est, & vulnus ex eo fa- ctum tumescit. Aurum verò naturale datum in potu, nihil agit, quia taliter vt comestum est, excernitur. Aurum au- tem lapidis Philosophorum est solum quod quæritur in nutrimentum, & etiā liberat leprosos & omnem infirmitatē datum in potu vel comestum, & voca- tur aurum Dei. & nota quòd aurum ni- hil aliud est quam argentum viuum a- natizatum id est adæquatè digestum).

Docet affigere quintam Essentiam rerum attractiuarum, vt possit extrahere lignum vel ferrum à vulneribus. Cap. XXXI.

ATtractiua necesse est esse calida vt subtiliēt partes: sunt verò istę: magnes, sagapenum, assa foetida, maiorana, apium, pyrethrū, petroleum, sulfur, ammoniacum, lolium, aristolochia longa, radix cannæ, dictamum, cataputię, cyclaminū, thapsia: cum putrefactione attrahent, vt cancer pistatus, omne sterminus vltum, fermentum, sanguisugæ: infunde ergo istas res in cælo nostro, & attrahet ad se quintam Essentiam eorum & tunc attrahit ab omni vulnere faciliter & statim lignum vel ferrum immissum.

Docet purgare humores nociuos corporis, & affigere ista in cælo nostro. Cap. XXXII.

QVædam laxant ventrem, vel prouocant vomitum dissoluēdo & attrahendo naturam & humores sibi similes abominabiles ipsi nature, attrahuntq; eos iuuante expulsiua virtute membrorum, ad stomachum & intestina

intestina, quæ impedimentum ferre nequeuntia, humores à se eijciunt. Quædam purgant cum viscositate, vt mercurialis: Quædam cum acuitate vt euphorbium: Quædam comprimendo, vt myrobalani: Quædam cum falsedine vt semen atriplicis: Quædam cum dulcedine, vt cassia fistula. Sed alia purgāt hunc humorem, alia alium.

Sanguinem purgant (seu mundificant) cassia fistula, manna, succus mercurialis, malua agrestis (vel alcea) viola, lupuli, fumusterræ Flauam bilem purgāt aloe, myrobalani citrini, absinthium, capillus Veneris, rhabarbarum, mercurialis, viola, pruna, serum lactis, cassia fistula, tamarindi. Phlæagma purgant sarcocolla, sambucus, anacardi, cnicos seu carthami semen, cocognidium, turbith, colocynthis, thymus, staphisagria, hermodactyli (à quibus caue) euphorbium, thapsia, salgēma. Melancholiam pellunt myrobalani chebuli, lapis lazuli, lapis ammoniacus (vel porius armenus) thymus epythimum (parthenium seu brusaculum) stœchas, sena, chamæpitys, cassu-

ta: helleborus niger. Aquosos humores efficiunt sarcocolla, euphorbium, cognidium, radix cucumeris agrestis (vel elaterium) succus ebuli. Bilem flauam purgant & phlegma, colocynthis, scamonia, agaricus. Phlegma & melancholiam purgant polypodium, helleborus vterque, polycaria, cataputia, elaterium, condisi, tithymali, centaurea minor, agaricus. Bilem vtranque purgant myrobalani Indi, succus caulium, nitrum, fumus terrae, esula, sena, helleborus niger. Haec res miraculose creatae sunt à Deo cum determinata virtute ad expellendum mortales & superfluos humores de corpore nostro: & quanquam sint alia plura, non ponuntur tamen in hoc capitulo, quia ista sufficiunt. Cum ergo volueris quintam Essentiam harum rerum in caelo nostro affigere ad purgandum sanguinem vel alios humores, accipe res de capitulis suis & infunde eas in caelo nostro, & extrahe virtutem earum: utere tamen cautè, quia multum plus agunt in caelo nostro quam sine illo: ideo necesse est ut sis cautus.

Ad

DE QVINTA ESSEN. 81

Ad extrahendum quintam Essentiam à rebus re-
strictiuis & affigere in calo nostro.

Cap. XXXIII.

EA autem quæ constringunt com-
muniter sunt terrestria & frigida:
& quædam constringunt, quia ex
sua frigiditate partes coniungūt, vt gal-
la: quædam quia crassos humores gene-
rant & lubricos, nimis virtutem reten-
tiam confortant, & multum nutrimen-
tum præstāt. Et de numero eorum stip-
ticorum, quædam stringunt ventrem;
quædam sanguinem. Hæc sunt quæ san-
guinem restringunt: coraliū, bolus, nu-
ces cupressi, terra sigillata, charabe, myr-
tus, acacia, hacynthi, galla, sumac, hema-
tites, plantago, succus salicis, tragacan-
tha, gummi Arabicum, cinis tamarisci,
balaustia, mumia, hypocistis, ferrugo,
virga pastoris, alumen, thutia, penta-
phyllon, portulaca, sanguis columbe et
& vacca, stercus asininum, cinis corti-
cis nucis, pili leporis, gypsum, filtrum
vstum, argilla, antimonium, atramētum
vstum, cinis factus ex pāno cānabis, ita

f

vt sanguinem ex vena fracta restringāt:
 thus etiam sanguinem restringit conso-
 lidando & carnem reparando. Ex his
 ergo infige in cælo nostro, & miracu-
 lose sanguinem restringent.

*Scientia ad extrahendum quintam Essentiam à rebus
 que ventrem restringunt, & affigere cælo no-
 stro. Cap. XXXIII.*

SVnt verò hæc: cidonia, sorba, cor-
 na, mora celsi immatura, pruna im-
 matura, myrtilli, caules nimis cocti
 pyra immatura, mala pontica, locustæ
 marinæ coctæ, coagulum leporis, lac co-
 ctum, lac asinæ coagulatum, caseus, amy-
 gdalæ, simila tritici, milium, glans, faba
 semen papaveris nigri, galla, mentha cū
 aceto, rosæ, folia cupressi, bolus, terra si-
 gillata, mastix, coraliū, sumach, berbe-
 ris, sanguis draconis, hypocistis, acacia,
 balauſtia, spodium, plantago, tragacan-
 tha, gummi Arabicum. Quædam siccitate
 sua confortant & constringunt, vt
 cubebæ, & caryophylli. Infunde ergo in
 cælo nostro ex his vim vnicam ad con-
 stringendum ventrem.

Scientia

Scientia extractionis quintæ Essentiæ à rebus induratiuis &c. ut indurare possimus.

Cap. XXXV.

FRigida nimis & humida sunt quæ materiam congelant, & membra indurant: Et aliqua ex his sunt frigida & sicca, & sunt ista: myrtus: psylliū, semperuiua, portulaca, lenticula, aquæ, solatrum, hyoscyamus & maximè semen eius, illud enim argentum viuum restringit. Affige ergo ea in cælo nostro, & influet tantam indurationem quòd vehementius obstupebis.

Scientia ad extrahendum in quintam Essentiam à rebus mollificatiuis &c. Cap. XXXVI.

QUæ mollificant sunt calida temperatè, quæ non multum calefaciant nec exiccēt: chamemilla, absinthium, eupatorium, meliloton, styrax liquida, mastiche, ammoniacum, bdellium, galbanum, opopanax, radix althææ, oleum vetus, adeps caprinus, asferinus, hircinus: medulla ceruina & vitulina. Cum his ergo rebus nostrum cælum mollificatiuum reddes.

*Scientia ad extrahendum quintam Essentiam &
rebus maturatiuis & mollificatiuis.*

Cap. XXXVII.

PErueniamus ergo ad notitiam rerū
quæ maurant & saniem inducunt,
quæ temperata sunt, vel tempera-
mento vicinia caloris naturalis: aut er-
go sunt viscosa claudencia poros, vnde
naturalis calor intus confortatur & ma-
teriam apostematis digerit, & sunt ista:
Ladanon, styrax liquida, anetum, buty-
rum, stœchas, radix althææ, semen lini,
fœnum Græcum, frumentum, fermentum
cum oleo, vua passa & butyro, sudor
hominis nudi se exercitantis, saliuā
seu sputum hominis ieiuni cum frumen-
to. immitte ergo in cælo ista & matura-
bit apostemata supra quā credi pos-
sit. Obstruentia seu oppilantia sunt quę
terrestria & viscosa sunt & præcipue
quę crassos humores & tenaces gignūt:
& sunt ista, panis azymus, cœpe, granum
fractum, simula dactyli, mustū, pingue-
do, caseus, glandes. Quæ verò aperiunt
attenuatiuam, incisiuam, corrosiuam, &
mundifi-

mundificatiuam virtutem habent: aperiunt enim meatus obstructos attenuando abrarendoque humores viscosos & spissos, & mundificando eorum superfluitates, & expurgando vulnerum sordiciem: sed eorum quædam aperiunt intus & extra, vt sunt quæ viscositatem amaritudinem siue ponticitatem habent vt amygdalæ amaræ: quædam tantum interius operantur per largitatem interiorum venarum, & exterius operari non possunt propter angustiam venarum, sicut ea quæ ponticitatem habent admistam vt absinthium. Quædam verò sunt vehementer aperitiua, quæ præcipue valent ad fortem oppilationem splenis vt citrach seu scolopendrion: quædam debilia sunt in suis actionibus quæ ad debiliorem valent, vt semen vrticæ. Aperitiua item sunt hæc, cappares, asphodelus, costum, gentiana, zingiber cinnamomum, xylocassia, semina asari, dauci baccae lauri, hyssopus, chamædrys, chamæpitys, anisum, policaria, calametum, hypericon, apium, trifolium, petroselinon, lygusticum, chelidonium, stœchas

lion (vulgò cresson) scariola, absinthiū,
 cuscuta, agaricus, eupatorium, spica, o-
 zimum, cubebe, fumus terræ, rubea ma-
 ior, xyloaloes, acorus, aristolochia rotū-
 da, polium, pæonia, sisymbriū, myrrha,
 sambucus, prassium, lacca, cyperus, ma-
 rathrum, porrus, cape, fermentum cum
 sale & oleo, orobus, fystici, cucumeres,
 asparagus, crocus, ebuli, scilla, lupini, se-
 men vrtice, iris, abrotonon, farina hor-
 dei & fabæ, alumen, vitriolum, es vstum
 sal ammonicum, vitrum, aloe hepaticū
 & cretense, semen atriplicis, porrus, pi-
 neæ, raphanus, anetum, cocognidium,
 sapo, tamariscus, malua, pix liquida, di-
 ctamus, thapsia, staphisagria, fel porci,
 stercus canis, semen melonum, glycy-
 rhyza, cassia fistula, mel: imprimes ergo
 quintam Essentiam harum rerum in cæ-
 lo nostro, & habebis vim miram ad ma-
 turandum & mollificandum.

Res quæ mundificant vulnera tem-
 peratē ac carnem bonam in vulneribus
 reparant, sunt, thus, aristolochia longa,
 iris, orobi, lithargyrium, cerussa, plum-
 bum, asphaltum, myrrha, semen atripli-
 cis

cis, semen tamarisci, mel, aloë: affige ergo ea in cælo nostro cum fuerit necesse & influet mundificationem valde mirabilem.

Corrosiua & vlceratiua superficiem in hoc differunt, quia corrosiua siue sint calida siue non, decet esse sicca & substantiam habere subtilem, & ponuntur super carnem: vlceratiua superficiem aliquantulum vehementiora esse necesse est. Hæc nanque cutem vulnerant quæ carne est durior, sicut prædicta carnem corrodunt.

Vritiua sunt valde calida vt citò perforent, & crassa in substantia, vt diutius immorando carnem eliquescant: in quo ostendetur quòd electrum vritiuā non haberet virtutem, nisi esset crassities suæ substantiæ in qua agit, & quæ est eius fomentum, & quæ sua violentia ignem teneat in se. Inde est quòd ignis ille supernaturalis vritiuam virtutem non habet.

Corrosiua verò sunt hæc: æs vstum, sal gemma, flos æris, alumen, vitriolum tutia, antimonium, arsenicum,

Vlceratiua in superficie ponuntur ad rumpendum cutē vt expellatur humor superfluous, & sunt ista: sapo, cātharides allium, adarce, radix asphodeli, os sepię & omnia falsa, acuta & amara.

Ista vrunt, allium, pyrethrū, euphorbium, piper nigrum, calx viua, sinapis, argentum viuum, sapo, cinis foliorum ficus, flammula.

Cicatrizant quę stiptica sunt, & sine mordicatione parum desiccant, sufficiunt cicatricem inducere, & rarò sunt apponenda, & sunt hæc cicatrizantia: æs vstum, galla, alumen, balauſtia, spodium, pumex vstus, aloe, lithargyrium charabe, plumbum vstum & cerussa: pone ista infra cælum nostrum, & influent tibi conditiones eorum.

Scientia fixationis in celo nostro rerum conglutinantium. Cap. XXXVIII.

Conglutinant medicinæ vel sua viscolitate, vel mundificando vlcera, & reparando carnem, vel constringendo distantia labia solutorum adinuicem, & sunt ista: gypsum, folia cupressi,

pressi, sarcocolla, bolus, aloë, cortex thuris, myrrha, bdellium, lithargyrum, balauftia, mumia, sanguis draconis, asphaltum, amidum, loliū, folia & grana quercus, serpentaria, testa vsta oui, pili leporis vsti. Hæc ergo affixa in cælo nostro, vim conglutinatiuam influent.

Affixio in cælo rerum attenuantium.

Cap. XXXIX.

ISta sunt quæ attenuant & dissoluunt calorem, separant namq; partes rei in qua agunt suo calore, sicut videmus ad ignem mel aut niuem dissolui: fumus enim dissolutus intra positionem suam partem à parte separat: & sunt hæc quæ præcipuè in corpore humano hæc operantur: asphodeli, cuscuta, abrotonon, ameos, aristolochia: ammoniacum, assa foetida, agaricus, amomum, allium, balsamum, cæpe, cyperus, chamædrys, chamæpitys, eruca, capparis, carica, cinamomum, coriandrum, calamintha, bulbus caninus, eupatorium, ruta & semen eius, ierice, euphorbium, foenum Græcum, fæx vini, galbanum, gumma

citri (vel cedria) gentiana, iris, hyssopus
sulfur, mastiche, mētastrum, vitriolū, se-
men vrticæ, xylobalsamum, poliū, ptar-
mica, pæonia, sauina, polycaria, petro-
leum, thapsia, ruta, vitrum, sambucus, se-
rapinum, terebinthina, opopanax, nar-
cisus, pix liquida, scolopendria, sesamū
semen lini, vua passa, sanguis mustelæ &
murium, stercus vaccæ, pinguedo leo-
nis, castoreum. Harum ergo quintam
Essentiam affiges in cēlo nostro, & eam
reddet attenuatūam.

Incidunt mediocriter & diuidunt hu-
mores à calore cēli operante, omnia a-
cetosa, maximē acetum quod ex vino
forti factum est: hoc enim ex nimia sub-
tilitate in remotis operatur locis: & sūt
ista, eupatorium, scilla, cyperus, chamæ-
drys chamæpitys, petroleum, piper ni-
grum, ruta, nitrum, mel, cepe, ius ciceris
& orobi, sal & acetum: infige ergo quin-
tam Essentiam harum in cēlo nostro, &
habebis virtutem incisiuam vltra mo-
dum.

Mundi.

Mundificantia cutim.

QVæ cutim mundificant, debent esse calida, non tamen multum, & crassam aut terrestrem debent habere substantiam: & sunt ista: absinthium, cæpe, chamæmalō, radix sambuci, radix cucumeris agrestis, althæa, abrotonum, oleum vetus, costus, rosmarinus. Cum quinta Essentia harum cælum nostrum mundificat cutim.

Diaphoretica necesse est esse calida, vt per poros apertos humorem in fumum extenuent & euaporare faciant, & sunt hæc, farina hordei, anisum, assa fœtida, ruta, pyrethrum, pix, nîtrum, galbanum sal, ficus sicca, petroselinon, maiorana, semen vrticę, sauína, bryonia, oleum vetus, mentastrum, mel, cæpe, raphanus, vaccinum stercus, abrotonon, aristolochia, radix asphodelorum, radix cucumeris agrestis: hæc operantur in cælo nostro vt humores euacuēt in fumum.

Repercussiuæ sunt ea quæ humores à parte patiente repellunt, & sunt frigida naturæ, vt astringendo membrum,

92 IO. DE RVPESCIIS.

retinendo spiritum, virtutem membri
expulsiuam confortent: & sunt hæc: ci-
molia, glandes, hyoscyamus, papaueris
succus, plumbum, solanum, semperuiua
hypocistis, acacia, capreoli vitis. Cum
his cælum nostrum percussuum red-
des.

*Ad affigendum in cælo nostro vim ob-
dormitiuam.*

OBdormire faciunt quæ nimia fri-
giditate sua nervos constrin-
gendo & obturando aditus seu
meatus animalis spiritus, stuporem in-
ducunt, & sunt hæc: papauer vtrūq; sed
magis (& periculose) nigrum, opium,
mandragora, hyoscyamus, torpedo pi-
scis, salamandra, aqua frigida, lenticula
aquatica, sēperuiua, portulaca, psylliū.
Istorum quintam Essentiam affige in cæ-
lo nostro, & sine dubio mirabilius quā
credis, dormire facient.

Mortificant quæ falsedinem habent
multam cum acumine, & sunt hæc: oli-
uæ cum sale & aqua conditæ, porrus, ar-
senicum, cantharides, succus hellebori,
radix

DE QVINTA ESSEN. 93

radix cucumeris agrestis: infunde ergo in cælo nostro harum quintam Essentiam, & mortificabunt.

Confortant quæ humores è cerebro vel à corde & alijs principibus membris proprie purgant, vt sena, stœchas Arabica, cassuta, sarcocolla, myrobalani omnes, fumus terræ. Confortant quæ cordis sanguinem clarificant, vt aurum, argentum, perlæ. Confortant quæ ponticitatem aliquam habent, quia stipticitate sua & substantiæ crassitudine partes membrorum coadiuuant & spiritû ac calorem retinent, cuius adiutorio virtutes operantur, vt absinthium & cet. Corroborant etiam quæ vitalem spiritum vel animale reparant, vt rosa: & quæ ventriculi seu stomachi vim concoctricem confortant, vt cinamomum. Cætera confortantia sunt, vt caphura, crocus, sumac, berberis, folium, mentha cyperus, xylocassia, santala, galanga, zedoaria, pomum citrinum seu citreum, cardamomum, borago, ozimum, spica, cubebæ, sponsa Solis, mastix, moschus, xyloale, nux moschata, macis, caryo-

94 IO. DE RVPESCIS.
phyllus, calamus aromaticus. Infunde
ergo in cælo nostro quintam Essentiam
harum rerum & eum reddet conforta-
tium mirabilius quàm credi possit.

Hæc pellunt venenum.

HAbebit cælum nostrum virtutem
ad expellendum venenum si in-
fundas in eo carnes galli vel galli-
næ, nuces, theriacam, maiorem & mino-
rem, raphanum, & alia quæ contra ve-
nenum in libris Philosophorum & me-
dicorum communiter assignantur: cum
his enim cælum nostrum adipiscetur vim
expulsivam venenorum.

*Canon in extractione quintæ Essentiæ omnium mine-
ralium aliter quàm prius, & primò qualiter
extrahitur quinta Essentia ex auro.*

Caput XL.

Licet supra docuerimus extrahere
quintam Essentiam à rebus quan-
tum nostro proposito sufficere vi-
debatur, ex superabundanti tamen de
extractione omnium mineralium ali-
ter quàm prius, auxilio omnipotentis
Dei, theoricam specialiter faciemus: &
primò

DE QUINTA ESSEN.

9
85

primò qualiter extrahatur quintaEssen-
tia ex auro:& iste est modus: Reduces
aurum in calcem per magisterium no-
strum quod te supra docui in canone
quarto in scientia vltima, quo facto ac-
cipe acetum Philosophorum nobilissi-
mè distillatum, vel vrinam antiquā (ali-
bi vinum antiquum) in vase vitreo & la-
to, & sit liquor in altitudine digitorum
quatuor, & intus pone calcem auri, &
pone ad fortissimum Solem in æstate
& dimitte, & videbis eleuari quasi liquo-
rem olei desuper natantem in modum
pelliculæ, collige id cum cochleari vel
penna infundendo in cyatho vitreo v-
bi sit modicum aquæ, & sic pluribus vi-
cibus collige in die donec plus non a-
scendat (intelligo ad calorem similem
calori Solis in æstate quando Sol est in
leone) postea facias ad ignem euapora-
re aquam ex cyatho, & remanebit tibi
quinta Essentia veri auri. Et multi voca-
uerunt hanc quintam Essentiam sic ex-
tractam oleum incombustibile, quod
posuerunt pro maximo secreto Philoso-
phi. Quòd si hanc quintam Essentiam

affixeris in celo nostro, poteris sine omni falsitate perditam virtutem naturæ hominis & iuventutem recuperare & reducere, & vitam prolongare vsq; ad vltimum terminum à Deo nobis constitutum. Et modo in veritate tibi aperui illud quod est in re secreti maximi in recuperatione naturæ, & maximis rebus, quod nulli debes referare. Et habet oleū istud siue quinta Essentia auri dulcedinem maximam ad mitigandum dolorem vulnerum, & ad sanandum vulnera & vlcera, & mala multa, & infirmitates multas, supra quàm credi possit.

Ad extrahendum quintam Essentiam ab argento. Cap. XLI.

Quanuis quinta Essentia ex argento posset extrahi vt ex auro, tamen aliter te docebo: Et magisterium maximum est vt habeas acetum Philosophorum distillatum, optimum, infra quod infunde nobile tartarum calcinatum ac sal ammoniacum in amphora vitrea, quam statim claudes quia virtus exhalaret: ammoniaco immisso

DE QVINTA ESSEN. 97
misso infra amphoram pisto, pone cal-
cem argenti quam supra docui te face-
re, si audiuiſti, qua sigillato luto Sapien-
tiæ absconde in fimo calido, vt ibi pu-
trefiat octo vel decem diebus: postea
pone in distillatorio, & primò ascendet
acetum, deinde, quod mirabile est, ascē-
det quinta Essentia argenti in modum
argenti viui, quæ talis est & tantæ virtu-
tis existit in operibus miris, vt nemini li-
ceat reuelare.

*Scientia ad extrahendum quintam Essentiam ex
argento viuo & vitriolo Romano.*

Cap. XLII.

GLoriosissimus Deus ita ordina-
uit vt quinta Essentia argenti vi-
ui simul cum quinta Essentia cu-
perosæ seu vitrioli Romani mirabiliter
extrahatur: quoniam quando argentū
viuum sublimatur cum eis & cum sale
petræ (alibi communi) tunc ascendit ar-
gentum viuum albiſſimum, & quintam
Essentiam vitrioli sine dubio trahit se-
cum. & cum habes argētum viuum sub-
limatum cum istis, habes inuisibiliter

g

quintam Essentiam eorum absconsam infra albedinem argēti viui: & illa quinta Essentia inuisibilis, vocatur sulfur Philosophorum, quod est inuisibile. Ideo dicunt Philosophi, quod sulfur eorum non est sulfur vulgi, vel commune: Et paucissimi hominum ad hanc notitiam peruenerunt. & ipsum est quod statim congelat Mercurium supra albedinem niuis: & hoc quia sunt ferè eiusdem naturæ, ideo secum sublimatur.

(Pluribus modis reperitur sulfur: primo sulfur Philosophorum est propriè argentum viuum de prima compositione Mercuriali: alius sulfur Philosophorum, est illa virtus excellentissima à Deo concreata in omni re in hunc mundum nata seu generata: qua virtute ab ea re extracta per se, valet centuplum plus, quàm cum adhærētis suis, vt ait author iste. Aliter sulfur Philosophorum non est aliud quàm actus purus aeris & ignis calefaciens & digerens seu concoquens terram & aquam sibi cōproportionales & homogeneas in Mercurio, secundum Bernardonum, Aliter, sulfur Philo-

DE QVINTA ESSEN. 99

Philosophorum propriè est vapor argenti viui, coagulans se ex sua substantia terrea, subtili, aerea, & digesta à mīstione prima sibi vnica caloris actione, postea eleuata, decocta, & digesta, donec habeat vim sulfuream coagulatā).

Et scito quòd argentum viuum sublimatum habet quasdam partes incombustibiles, & habet quintam Essentiam quæ corrumpi non potest per ingenium nostrum. Et dicimus quòd si intra aquā corrosiuam factam ex vitriolo & sale petra immittas argentum viuum sublimatum absq; vitriolo, laniabitur totum & in atoma conuerteretur. immitte ergo argentum viuum sublimatum cum vitriolo vel cuperosa & sale petra (vel communi albissimo) infra aquam corrosiuam prædictam, donec totum argentum viuum dissoluatur in aquam: & consequenter pone totum illud ad distillandum: ascendet enim primò aqua corrosiua, deinde sequetur quinta Essentia Mercurij & vitrioli simul, ita alba, vt albedo niuis illi non valeat adæquari: & remanebit in fundo pars Mercurij com

busta & turbis: reiterna huiusmodi distillationem quintæ Essentiæ in aqua forti prædicta, & sublima illam aquam ter vel plus, donec post sublimationē nullę faeces remaneant in fundo vasis, sed totum sublimetur in album: & habebis, iussu Dei, quintam Essentiam Mercurij & vitrioli simul perfectissimè sublimatā. Si quis caperet & intelligeret mysteriū eius, maximum foret: quia res grandes habet, ex quo eius quinta Essentia est incorruptibilis effecta & de natura incorrupti auri & incorruptibilis plusq̃ aurū. Quòd si cupis quintā Essentiam vitrioli seu cuperosę extrahere à quinta Essentia Mercurij, infunde illud in aceto distillato vel alio, & dimitte resolui diu, & argento viuo residente in fundo, quinta Essentia vitrioli vel cuperosæ in aceto sine dubio remanebit: (percola acetum paulatim, exhibit cum aceto quinta Essentia vitrioli & cuperosæ quia leuiiores sunt, & argentum viuum remanebit in fundo vasis). Quod sic ad oculū probabis: extingue pluribus vicibus ferrū in aceto, & postea illud acetum misce
cum

cum illo in quo est quinta Essentia vitrioli seu cuperosæ, & habebis rem rubicundissimam & splendidam supra modum: distilla per filtrum, & pone ad leuissimum ignem, & collige nebulas nigras quæ generabuntur in superficie, & quinta Essentia pulchrior omni auro tibi remanebit in fundo, quæ valet ad vulnera sananda & morbos corrosiuos. Sic & quinta Essentia Mercurij sanat fistulam & cancerum & plurima alia mala.

Ad extrahendum quintam Essentiam à ferro & cupro.

A ferro & à cupro extrahitur quinta Essentia hoc modo: accipe eorum limaturam, & intra acetum distillatum mittere cum sale communi vel sale ammoniaco & ad fortem Solem deferueat, & eleuabitur ex ferro crocus ferri, & ex cupro æs viride quod vocant flos æris. Et cum aceto fit cerussa ex plumbo laminato, quod est eius quinta Essentia, quæ omnia ad medicinas valent.

*Extractio quintæ Essentiæ ex sulfure
& auripigmento.*

ET erit necessarium tibi pulueriza-
re sulfur, quo facto, in vrina anti-
qua pone illud ad leuissimum vel
lentum ignem donec fuerit vrina colo-
rata: quam coloratā extrahe, & ad partē
pone. Item super ipsum sulfur aliam vri-
nam pone donec fuerit colorata, & illā
adde primæ, & aliam iterum appone
quandiu poterit colorari vrina: conse-
quenter coniunge simul omnes colora-
tas vrinas istas & pone ad ignem lentis-
simum vt euaporentur, & remanebit ti-
bi quinta Essentia sulfuris in fundo va-
sis: quam pone in vase lato cum aceto
distillato ad ignem lentissimū, & si quid
de pinguedine sulfuris dissolutum ele-
uabitur virtute aceti in forma nebulæ
nigræ, eam remouebis cum penna, & re-
manebit tibi quinta Essentia sulfuris sic
purgata, vt pulchritudo auri illi nō va-
leat adæquari nec comparari. Eodem
modo operaberis in alijs rebus simili-
bus, vt in arsenico, auripigmento, mar-
chassita, & quocunq; alio.

Scientia

Scientia in extrahendo quintam Essentiam ab antimonio, quæ appellatur Marchasita plumbea.

DE V S benedictus cæli ipse testis est, quòd nunc ego tantum secretum reuelabo, quod reuelatum alicui nunquam fuit, aut paucissimis notum: & hoc est arcanum omnium secretorum: Extrahere quintam Essentiam ab antimonio: & modus est, vt antimonium puluerizes donec fuerit sine tactu: quo facto, accipe acetum Philosophorum nobilissimè distillatum, & puluerem antimonij pone intus in vase vitreato, & pone in fimum equinum 70, diebus: Postea pone antimonium in cucurbitam in cineres super furnellum cum aceto, & da ignem ita lentum vt cineres calefactas posses in manu tolerare, donec acetum coloretur in rubeum, &c. deinde acetum rubificatum auferatur, & mundè ponatur ad partem, & de alio aceto superponatur facibus donec super modicum ignem etiam coloretur. & sic toties fiat donec ibi acetum amplius non

104 10. DE RVPESCIS.
coloretur. Et collectis acetis sic coloratis, pone ea in balneo distillatorio cum suo alembico, & distilla lento igne, & ascendet acetum primò, deinde videbis miraculum stupendum, quoniam per rostrū alembici videbis quasi mille venulas liquorum benedictæ mineræ descendere per guttas rubeas sicut rectē esset sanguis: quem benedictum liquorem collige ad partem in vitro, vel in amphora vitreata: quo habito, habes rē cui totus Orbis thesaurus adæquari nō possit. Vide miraculum manifestum, tantam dulcedinem antimonij in rubea quinta Essentia eius reperies, vt dulcedo mellis ei æquari non possit. Et dico tibi in charitate Dei, quòd intellectus humanus non posset capere nec credere valorem nec virtutem stupendam quintę Essentiæ antimonij supradicti. Quid dicam tibi? Aristoteles dicit, illum esse plumbum suum, in libris de Secretis secretorum, licet non nominet nomine antimonij. Crede mihi, nūquam fuit in natura secretū maius: nec erit. Attende quod dico: omnes homines

nes laborauerunt vt spiritus minerales
 sublimarent, & nunquam inuenerunt
 quintam Essentiam antimonij sicut di-
 xi. Si dicerem tibi millies, hoc est secre-
 tum secretorum, nunquam posset suffi-
 cere ad exprimendum medietatem ar-
 cani: aufert dolorem omnium vulnerū
 & mirabiliter sanat. Virtus eius est in-
 corruptibilis & miraculosa & utilis su-
 pra modum. 40, diebus indiget putre-
 fieri in amphora sigillata in fimo, & tūc
 operatur arcana. Hic est maximus stu-
 por, vt ex minera tantus dulcor proce-
 dat: & non credas impossibile quod ti-
 bi reuelaui. Et nota quòd si cerussa ap-
 ponatur in aceto distillato & bulliat in
 eo per duas horas vel plus, sic vt acetū
 euaporetur, & donec cerussa remaneat
 in spissitudine olei, illud vocatur oleum
 plumbi, & habet dulcedinem mellis, sed
 fatuam. Et scias quòd dulcedo quintæ
 Essentiæ antimonij quæ rubea est, in
 qua est arcanum omnium arcanorum,
 est dulcis & melior omni dulcedine
 mellis, vel sacchari, vel alterius cuiusq;
 rei. Crede mihi, & volues libros omnium

106 IO. DE RVPESSISS.

Philosophorum, & quæras plumbum
Philosophorum & nunquam inuenies
quid sit illud: neque artem veram inue-
nies, vt quid præter argentum viuum
possit mineram in calore rubeo subli-
mare. Labora satis, & lauda Deum in
hoc quod dixi. alius nominat antimo-
nium, leonem viridem. Omnia aposte-
mata curat hoc oleum antimonij in bre-
ui tempore, si illis superponatur in mo-
dum vnguenti.

*Scientia ad reducendum argentum viuum sublimatum
vel quintam Essentiam eius separatam, in aquam
que apud Philosophos Lac virginis
appellatur: & de athanor.*

Cap. XLII.

OMnes spiritus sublimatos sicut
est argentum viuum sublimatū,
aut eius quintam Essentiam, aut
arsenicum sublimatum, aut sulfur, aut
ammoniacum, & maximè argentum vi-
uum sublimatum, sic etiam reduces in
aquam, vel in lac virginis secundum no-
minationem Philosophorum; & mo-
dus est iste: Recipe argentum viuum sub-
limatum,

limatum, vel eius quintam Essentiam,
& pone in vitreo vase vel vitreato lato
seu amplo, & constitue illud in tripode
& athanor id est in furno Philosopho-
rum, vbi est ingenium mirabile, vt illud
quod in eo ponitur digeratur equaliter
ab omni parte, & sic fit: Construe parie-
tes furni rotundi in altitudine vnus pe-
dis, & super parietes eleuatos adapta
laminam ferream talem cum pedibus
quatuor, & facias vt latera laminæ non
tangant parietes furni, sed sustententur
in illis quatuor brachijs seu pedibus, vt
calor qui ascendet ab infra, tantum per
latera ascendere possit in circuitu lami-
næ atq; furni: supponitur enim quod fe-
ceris ostiolum iuxta terram vnde immitt-
tantur carbones: deinde supra parietes
à lamina supra ædificare incipies alios
parietes in rotundum vt supra per me-
dium palmum vel circa: & locabis desu-
per testudinem rotundissimam inge-
nio figuli factam, cum qua cooperies
furnum tuum: & in latere supra laminā
foramē facies, quod claudes cum ostio-
lo terreo aptato, vt apponere possis

manum ad iudicandum caloris gradū,
& sic habes furnum tuum. Certum est
enim tibi, si intellectum habes, quòd i-
ste furnus æqualiter se calefaciet ab om-
ni circumferentia eius, quia calor pro-
pter laminā impeditur ab infra, & proij-
citur ad latera æqualiter, & à lateribus
reflectitur æqualiter ad medium & ca-
put ollæ: ideo furnum scienter fecimus
rotundū. Cum autē vas volueris in fur-
no locare, in medio laminæ constitues
tres dentes per duos dígitos eleuatos,
æqualiter distātes, & scutellam terream
desuper appone, vt in aere eleuata re-
maneant: et infra scutellam terream alios
tres dētes minores similiter erigemus,
& super hos constituemus amphoram
vitream sigillatam, quam cooperiemus
cum alia scutella terrea vel vitrea, vt in
medio ambarum scutellarum amphora
seu ampulla, in medio interstitio aeris
collocetur non tangens fundum nec la-
tera vtcunq;. Et quia supponitur q; ca-
put siue medietas furni eleuari potest,
aperiemus & cooperiemus quando vo-
lemus. Hic est furnus secretissimus Phi-
losophorum

Iosophorum, qui athanor appellatur: & ad notitiam eius pauci homines deueniunt: & in hoc fit concoctio, & digestio æqualiter, ab omni parte. Cum autem voles Mercurium sublimatum vel alium spiritum sublimatum conuertere in aquam seu lac virginẽ, pone super laminam inter dentes scutellam cum re diligenter trita, & non cooperies eam, sed aer calidus materiam mundam tangat, & da ignem trium carbonum, quia modicus ignis sufficiet tibi, & continua ignem iugiter per octo dies & noctes. & ibi in stupha calida & sicca spiritus calcinatur. extrahe ipsum deinde, & diligentissimẽ trituram super marmor materiam, donec sit sine tactu: post hoc pone in distillatorio vitri, quod colloca in balneo Mariæ in caldario, ita vt per duos digitos distet ab aqua, ita quod taliter non tangat aquam, sed in aere suspendatur. Fiat ignis sub balneo in stupha humida & calida, scilicet vt nõ tangat aquam, & tunc materia argenti viui resoluetur in aquam: & hoc fiet si fuerit bene calcinatum & bene trituratum,

Posito ergo desuper alembico, distillabitur virgineum lac clarissimum: quod est quinta Essentia tam Mercurij quam vitrioli simul mista; & est in ea secretum secretorum. Et ignis mensura seu pondus in digestionem omnium volatiliū in nostro athanor id est in furno, est, vt per ostium, quod est factum supra laminam, immittas manū in furnum quam tenere possis in aere sine læsione. Et si nimis magnus ignis fuerit, minue eum. Et caue in fixatione omnium rerum volatiliū ab igne nimio: ideo necesse est rem infra amphoram vitream sigillare, & ignem debilem dare. Intellige ergo extractionem quintæ Essentiæ in hac parte, quia hæc est res magna supra quā credi possit.

(Aqua alba aliter etiam fit sic: Recipe salis ammoniaci subtilissimi, & tartarū calcinatum ana, & tere simul, & pone in fimo vel in loco humido donec dissoluantur in aquam albam. Aliiter fit alia aqua: Recipe lithargyrium bene tritum & pone in aceto in quo dissolutum sit sal ammoniacum & alumen, deinde distilla

DE QVINTA ESSEN. III

stilla, & habebis aquam albam & acutā,
quæ excedit omnes alias aquas).

*Scientia ad faciendum ignem adeptum, qui quasi ha-
bet tantam actionem vt ignis infernalis.*

Cap. XLIII

EXcellentia secreti ignis adepti est
tanta, & talis, vt eius virtus expli-
cari non possit. & sic fit: Accipe ar-
gentum viuum sublimatum cum vitrio-
lo & sale comuni: sed melior est eius
quinta Essentia superius extracta: dein-
de accipe sal ammoniacum septies vel
decies distillatum vel sublimatum, &
per æquas partes misce, & tritura dili-
genter, & expande puluerē supra mar-
mor, & pone de nocte ad aerem quie-
tum & serenum, vel in cellario frigido,
& ibi conuertetur in aquam, quam col-
lige in vase vitreo vel vitreato bene co-
cto & fortissimo, obturato, & serua.

(Alibi sic: Recipe argenti viui quintā
Essentiam extractam per aquas corrosi-
uas, deinde recipe sal ammoniacum pu-
rē sublimatum, & per æquas partes iun-
ge, tritura & cet).

Et hæc aqua tantæ actionis est, vt si vna modica gutta tibi super manū ceciderit in ictu oculi perforet manū & eodem modo si ceciderit supra laminā argenteam, cupream, vel ferreā: & nota quod tantæ virtutis est hæc aqua, seu ignis, vt metalla intus proiecta, sicut arg. cuprū vel stannum, conuertantur in similitudinem margaritæ seu perlæ. Si quis sciret temperare hanc aquam siue hunc ignē, sine dubio omnem ignem sacrū extingueret in ictu oculi, & omnem morbum corrosiuum sanaret. Et scias quod multi hanc rem, sal amarum in suis libris appellauerunt, quanquam non doceant magisterium eius.

Scientia operationis aquæ fortissimæ & virtuosæ supra modum.

BEatissimus Deus creator arcanorum, tot mirabilia condidit in natura, vt nec intellectus noster nisi pauca possit percipere, nec lingua valet mirabilia Dei, nisi balbutiendo, narrare. Et ex arcanis reuelabo tibi aquam diuinę actionis: & magisterium eius est
vt acci-

vt accipias optimum tartarum album
 calcinatum (vel salem tartari soluti &
 congelati) & pone in aliquo vase terreo
 vel vitreo (in vrinali vel simili vase vi-
 treo) & infunde desuper meliorem a-
 quam ardentem quam poteris habere,
 & pone desuper alembicū, & distillabis
 aquam ardentem debilem valde, quam
 remoue, quia nihil valet aut parum, nisi
 pro oculis aut membrorum lotionē: de
 inde accipias tartarum tuum, & inue-
 nies eum fortificatum in duplo, & hoc
 qualibet vice probabis cum lingua. Ite-
 rum aliam aquam ardentē desuper plu-
 ribus vicibus appone, quia qualibet vi-
 ce infortiabitur seu fortificabitur supra
 modum: & in tantum eum fortificare
 poteris, vt nulla creata actio ei valeat
 comparari. Qualibet vice communi-
 ter inuenies vas fractum, & erit tibi ne-
 cesse plura vasa habere in opere eius.
 Quod si vis vim eius centuplicare, tritu-
 ra eum & pone super porfidum vel su-
 per marmor vt conuertatur in aquam,
 quam pone in fortissimo vase vitreo, &
 infunde intus sal ammoniacum, & subi

h

to sigilla, quia virtus eius exhalaret. Vis huius aquæ est, omne vulnus sanabile sanare in ictu oculi, quod fit ex læsura vel scabie in cute: omnem scabiem & exituram curat valde subito, sed nō est tibi necesse pro cura scabiei vel vulnorum sale ammoniacum immiscere, & si vis eius virtutem adaugere ad summum, misce cum ea ignem adeptum, & operabitur plus quàm ignis inferni. sed si intra illam aquam primam sine sale ammoniaco argentum viuum sublimatum immiseris, cum modico caloris viuificabis illud. Et similiter omnes calces corporum reducet in corpus, id est in massam, & mirabilia operatur. Et si contingat tibi quod ignis adeptus in præcedenti capitulo reuelatus fracto vase spargatur per cineres, collige illud diligenter quod in cineribus inuenies impastatum, & pone super marmor & sicut prius conuertetur in aquam, & tantum valebit vt prius: serua illud, quia secretum est.

(Oleum tartarinum seu tassi sic fit: recipe tartarum album vel rubeum & calcina

cina ipsum in fornace calcinationis, postea dissolue in aquā calidam & distilla per filtrum totam salsedinē, postea congela in vase terreo: congelatum tere in mortario, & pone ad distillandum in vno sacculo vel per filtrum, postea congela in vase vitreo, congelatum fac dissolvere super marmor, & distilla per filtrum, & habebis bonum oleum tassi: & si ter iteraueris melius erit ad Solem & Lunam. Nota quod si vis calcinare tartarum est necessarium quod ponas eū in fornace vitreariorum per duos dies in vno vase, & sic calcinatur: & si nō fuerit bene candidum, reitera iterum in fornace. Melius autem fit in fornace figuli seu vrcēorum aut ollarum terrearum: posito verò tartaro in fornace, & facto bene candido, ponatur postea in vase terreo vel vitreo prout supra narratur, & de aqua ardente ponatur desuper, & fiet vt supra narratur. Oleum tartari sic fit: Accipe tartarum calcinatum secundum quod dixi, & tere in mortario quousq; fiat puluis subtilis, deinde ducatur super marmor & die, & nocte

pone marmor in locum humidū super terram, & soluetur: pone in ampullam vitream, & bene cooperiatur ampulla.

Aqua fortis secundum Aristotelem: Recipe vitrioli Romani libram vnā, salis nītri libram dimidiā, cinnabari vncias duas, tere simul & distilletur faciendo ignem paulatim primò lentum & cet.

Nota secundum Bernardonū quòd aurum nec argentum non dissoluuntur in aquis fortibus, sed corroduntur: & ideo propriè illa non appellatur solutio, sed corrosio. Nota etiam, quòd nulla aqua notabiliter reductiue, verè, metalla dissoluit, nisi illa quæ in congelationibus remanet secundum eundem Bernardonum).

*Excusatio mirabilis quare arcana Philosophiæ
sublimia vltèrius non reuelat.*

Cap. XLIII.

QVia secundum Philosophiam catholicam id est secundum scripturam sacram, melior est obedientia quàm victimæ: propter reuerentiam statutorū ordinis nostri & obedientiam

dientiam praelatorum Ecclesiae sanctae Dei, medicinas valde mirabiles ac summe desideratas à mundo, quae non solum quasi miraculose corpora nostra sanarent ab omnibus morbis, sed etiam ipsa metalla imperfecta in aurum & argentum in ictu oculi transmutarent: quarum magisterij veritas est mihi in tribulationibus carcerum, volente Deo, intellectualiter refferata, minimè reuelabo: quia de alchymicis operationibus scilicet religioni nostrae pertractare non licet. Ideo tibi in consideratione quintae Essentiae finem constituo, ubi operationes & considerationes alchymiae possent vel deberent misceri: Contestor autem omnibus Euangelicis viris, Deo inuocato in testem, quod si diabolo instigante in operationes alchymicas prolabantur, in reprobum sensum dabuntur, & scito, quia est via perditionis & mali, pro eo quod nullus Philosophorum scripsit veritatem in libris, nisi fictè & sub parabolis, quae non valent intelligi nec comprehendi ingenio humano. Et nota etiam quod nullus valet ad sublimia

huius artis peruenire, nisi fuerit per altissimam contemplationem & sanctissimam vitam deificata prius mens eius, ita vt non solum cognoscat omnia interiora naturæ, sed etiam cognoscat transmutabilem trāsmutare naturam, & hoc paucissimis est concessum. Et communiter hi fictionum & sophisticationum sectatores sunt, & efficiuntur falsificatores monetæ, & sigillorum prælatorum & Principum, vagabundi, deceptores, & sine religione, & damnabilis vitæ: de quibus verificatur ad literam prouerbiū Pauli secundi ad Corinth. 3. dicentis, Semper discētes, & nunquam ad scientiam veritatis peruenientes. Quia quando non possunt ad scientiam perfectam peruenire, ad sophisticationes inutiles se conuertunt, & communiter malo fine clauduntur. Reliqua autem opera philosophica summè stupenda quæ hīc subticeo coniectus (contra Deum & iustitiam sicut in die iudiciū Deus ostendet) ab æmulis in vincula integris iam septem annis, inter compedes & catenas, per sublimes theorias & illuminationes

nationes cælestes, didici, inferius per libros singulos, si Deus voluerit, vobis viris Euangelicis, quibus scribo, plenissimè reuelabo vt potero. In hoc ergo finem accipiat primus liber de Consideratione quintæ Essentiæ appellatus, & ad gloriam & laudē omnipotentis Dei & Domini nostri Iesu Christi, ad consolationem bonorum virorum & honorem Ecclesiæ Dei:

Amen.

h 4

LIBER SECVNDVS

QVI DE GENERA-

libus remedijs appellatur.

Caput I.



ICET primus liber qui est de Consideratione quintæ Essentiæ, tantæ virtutis in rei veritate existat, vt per eum possit curari omnis morbus curabilis, si quis vult profunda ruminare naturæ, & artificij cælica principia quę de texti: tamen quia non omnes, etiam qui videntur aliquid scire, ex principijs conclusionem rectè deducere sciunt, contra infelicitates naturæ, docebo in hoc secundo libro sanitatis remedia subito procurare & quasi miraculosè Euangelicis viris, vt ex his diuinis remedijs redantur habiles, animosi, & fortes, ad vniuersos perfectionis labores.

Remedium

Remedium primum qualiter impedimenta senij curentur, & de remedio restorationis.

MAgisterium in cura incommo-
dorum senij & reparationis pri-
stinæ iuventutis, & restauratio-
nis nature perditæ & conseruationis vi-
tę in grādi & læta sanitate vsq; ad termi-
num vitę nobis constitutum à Deo, est
vt accipias quintam Essentiam aquæ ar-
dētis in vase circulationis rectificatam
vsque ad summam fragrantiam, sicut li-
ber primus te docuit: in quam infundas
auri quintam Essentiam & perlarum: &
hac diuina potione senex manē & sero
vtatur qualibet vice ad quantitātē ple-
næ nucis, & infra paucos dies ad tātam
perueniet incolumitatem quod manife-
stē se sentiet ad robur & statum. 40, an-
norum aut 50, rediisse, & gaudebit per-
uenisse ad pristinam iuventutem. Ma-
gisterium est in hoc, vti modestē & rarō
quinta Essentia supradicta, vt solūm iu-
uentus reparata, sanitas obtenta, natu-
ra restaurata, in suo esse sine augmenta-
tione & diminutione notabili seruetur:

& expedit in magisterio isto addiscere quòd vtatur bono vino in comestioni-
bus suis, in quo sit affixa quinta Essentia
auri & perlarum, sicut docuit primus
liber.

*Remedium secundum contra mortem & magi-
sterium in suscitatione mortuorum.*

Caput II.

IN hoc capitulo mortuos appellamus
nō simpliciter, sed illos de quibus vlti-
matè desperamus de vita, qui quidē
morti propinqui sunt, & à medicis dere-
lictī, & à vitæ actibus destituti, ita vt nō
vtantur etiam sensibus, dum possint ta-
men modicum deglutire, huic mortuo
in respectu subuenimus in hoc, vt satis
citò resurgat & loquatur, & viuat, nisi
sibi aduenerit vltimus terminus vitæ
sibi datus à Deo. Et magisterium eius
visitationis mortuorum est, vt quintam
Essentiam cum qua supra reparas iuue-
tutē, homini mortuo administres: quo-
niam statim cum modicum quid infra
stomachum glutendo vel qualitercun-
que receperit, influet in corde influxū
radij caloris naturalis & vitæ: & videbis
eum

eum resurgere manifestè, & roborari, & confortari miraculosè iam quasi defunctam & consumptam naturam. Et si vis ut hoc fiat in instanti & in ictu oculi, ita ut credatur illusio ex subito miraculo evidenti, habeas de herba chelidonia, cuius flos & fructus sunt caloris aurei, extractis quatuor elementis secundum ingenium primi libri: & de elemento ignis pone in dictam aquam seu quintam Essentiam quantitatem vnius grani tritici, & statim cum habebit illud in stomacho, resurget & loquetur: Et deinde eum conforta cum administratione quintæ Essentiæ, & curabitur, ubi Deus nō iubeat eum mori. Et dico tibi quòd hoc est sublimius magisterium quod sit in tota transmutatione naturæ: & ad hoc nullus medicorum nostri temporis peruenit. in usu autem huius magisterij necesse est tibi fore præparatum in rebus & cet.

Reme

*Remedium tertium in cura lepræ & eius occul-
tatione. Cap. III.*

QVoniam iustus Deus in poenam peccati nobis inflixit infirmitatum grandium percussuras & inter alios morbos plaga lepræ detestabilis est humano generi & ignominiosa, & difficilior aut impossibilior eius cura: quoniam aliquando immittitur à Deo, vt lepra Constantini Magni, & Giezi, quæ nunquam curari possunt nisi virtute Dei eandem infligētis. Nos verò hîc loquimur de plaga lepræ quæ hominibus ex naturæ corruptione nascitur, non efficaci imperio creatoris illam permissione creantis. Et hic morbus potest dupliciter esse: vno modo à patre aut à matre leprosis: alio modo vt aliquis quatuor humorum (imò vt massa sanguinis) principalium putrefiat & corrumpatur in nobis. Primus modus quando est à generante, aut est difficilis aut impossibilis omnino nobis ad curandum. Secundus modus dicitur etiam, quando nimis processit, difficilis, sed

sed non impossibilis ad curandum: & isto modo hîc intendimus de cura lepræ. Et quia istud capitulum & eius virtus est supra quàm credi potest mirabile, quia accidit casus lepræ etiam maximis & potentibus viris, recipe cum gratiarum actione à Deo hoc cæleste arcanum: & scito, quòd eadem quinta Essentia iam dicta cum additione quintæ Essentiæ auri & perlarum, perfectè curat. aut si nimis processit toto tempore vitæ hominis dissimulat plagam lepræ. Et causa huius est, quia humores corruptos corrodit & vastat, cuiuscunq; conditionis existant, & humores inæquatos æquat, & humores sanos debiliatos confortat: & in casu quo subito accideret plaga lepræ, vtatur aqua ardente, donec quinta Essentia fuerit præparata: quia dico tibi in Christo Iesu, quòd non solùm quinta Essentia surpradicta sanat sed etiam aqua ardens lepram aut totaliter extinguit, aut dissimulat eam. Et dicam tibi arcanum magnum & vtile in magisterio curæ lepræ: accipe aquam factā ex fragris, sunt enim fructus Maij

mensis, redolentes, & aqua illa in cura
 lepræ habet supra cælestē virtutem. Et
 scito quòd vnā cum quinta Essentia præ
 dicta curat lepram modo mirabili: & cū
 aqua vitæ, si non habes quintam Essen-
 tiam, bene operatur. Et expertus sum il-
 lam aquam esse summē humanam con-
 fortans naturam, & stomachum, expel-
 lens venenum à corpore, & menstrua
 prouocat, humores ardentes expellit,
 & conceptui multum confert. Dicta a-
 qua magisterij fragorum sic fit: Recipe
 fragra matura, & pone in vase facto de
 iuncis, & dimitte putrescere: aquam di-
 stillatam in phialis recipe, & vtere ea.
 Virtutes eius aquæ sunt, quia maculas
 oculorum recentes de vtroq; humore
 frangit, dummodo causa calida nō mul-
 tum excedat. Lachrymas in vtraq; cau-
 sa exiccat: visum de vtraque causa im-
 peditum clarificat. Et ego vidi mu-
 lierem recenter in tota facie pustulis le-
 præ ex calefactione percussam, quæ so-
 la lotionē huius aquæ fuit statim quasi
 miraculosē sanata. Et nota quòd eius
 virtus est in centuplo mirabilior & effi-
 caciior

cacior cum aqua ardēte, quàm sine ea:
& multo plus cum quinta Essentia. Ser-
ua istam, quia non errabis, si voluerit
Deus, nec erit tibi opus vti alio medi-
corum opere.

*Remedium quartum contra omne genus scabiei,
& lœsuram eius. Cap. IIII.*

A Qua diuinæ actionis quam te do-
cui facere diligenter in primo li-
bro in scientia octaua quę incipit,
Beatus Deus creator &c. Sanat omne
genus scabiei & exituræ in cute, & cru-
stas in manibus, brachijs, collo, capite,
scapulis, coxis, tibijs ac pedibus, & om-
nibus membris tollit & curat. Vel quan-
do pauperes Euangelici vadunt prædi-
cando per mundum, & læduntur in pe-
dibus, cū solo tartaro calcinato statim
sanabuntur: quia habet vim quintæ Es-
sentia, cum sit eiusdem naturæ. Nam
aqua diuinæ actionis, omnem impeti-
ginem & serpiginem sanat. necesse est
enim tales vti quinta Essentia supradi-
cta, vel saltem aqua ardente, vt humo-
res interiores purgentur, & ad concor-
diam reducantur. Ad purgandum hu-

mores qui peccant prout conuenit, inferius destinguetur: quas res purgatiuas accipias de canonibus (aut capitibus) primi libri.

Remedium contra paralyfim. Cap. V.

OMnes concordauerunt in hoc, quòd paralyfis fit ex abundantia humorum viscosorum claudentium meatus virtutis animalis motiuae ac sensitiuae. Et dixerunt omnes quòd ea quae vritiua nimis & desiccatiua sunt & calida, nocēt in eius cura: sed oportet curatiua huius morbi esse calida, humida (potius sicca) temperata, incisuiua viscositatis, & paulatim attractiua, & confortiua neruorum. Et quia nullum tale in tota natura potuit reperiri, pauci fuerunt qui scirent hanc infirmitatem, maximè quia est vniuersalis, curare: quia omnia incisuiua & euacuatiua sunt debilitatiua vt plurimum, & membra debilitata nimis, cum talibus destruuntur. Sed conditor noster Deus gloriæ, creauit in adiutorium hominis paralytici quintam Essentiam supradictam,

Etiam, quæ supra omnia in hoc mundo
 vsui corporis creata confortat, restau-
 rat, & temperatè agit. Affige in eam
 quintam Essentiam rerum quarundam
 purgantium phlægma & viscosos hu-
 mores, sicut modicum euphorbii &
 turbith, aut sambuci, vel croci hor-
 tensis id est carthami, (seu cnicos): &
 tunc sine dubio, si morbus est curabilis
 & impedimentum non fuerit ab impe-
 rio Dei, sanabitur paralyticus homo
 (quod dictum mirabile est) cum confor-
 tatione & reparatione naturæ: vt facias
 ei stupham calidam & humidam cum
 herbis iua & saluia, quæ habent vim di-
 uinam & supercælestem ad confortan-
 dum iuncturas, & nervos, & musculos,
 ac virtutem motiuam: & si non habes
 quintam Essentiam præparatam ad ma-
 num, vtere aqua ardente, donec præpa-
 raueris eam: quia sine dubio aqua ar-
 dens est radix infallibilis curationis cor-
 poris & salutis animalis contra omnem
 morbum, maxime si, vt dixi, fuerit illi ad-
 iuncta quinta Essentia. Continua reme-
 dium, quia morbus grauis indiget non

breui tempore: sed sanabitur qui in labore curę longo tempore perseuerat.

Remedium contra consumptos in toto corpore, & nimium macilentos, sicut sunt homines rarę complexionis, mulieres delicatę, phtisici.

Ecet. Cap. VI.

ETt autem omnium horum cura infallibilis cum quinta Essentia: iam enim dixi quod naturam debilem confortat, deperditam restaurat, restauratam conseruat. Et si carnes notabiliter in corpore nimis macilento & consumpto restaurare desideras, extrahe de herba chælidonia quatuor elementa secundum magisterium primi libri (nā chælidonia est perfecta ad faciendum pinguescere) & elementum aeris, quod est oleum bonum, misce in quinta Essentia vel in aqua ardenti: & infra paucos dies erit utens miraculose restauratus, & pinguis supra quā credi possit. Non est res quæ in hac cura his remedijs valeat comparari. Inferius te docebo in cura febris acutę cibum confortatiuū, quo uti debent hectici, phtisici, & macilenti.

Remedium

Remedium contra phantasticas passiones, imaginationes, & fatuas dæmonum infestationes & tentationes. Cap. VII.

Certa experientia docet homines cholericos quibusdam esse imaginationibus deditos, phlægmaticos quibusdam alijs, & alijs sanguineos occupatos: Sed eos qui nigra bile abundant, hi sunt qui super omnibus horribilibus cogitationibus inuoluuntur. Humor enim ille adeò plenè ascendit ad cerebrum, & potentias cerebri omnes turbat, imagines nociuas generat, & turbam horribilium cogitationum vigilando & dormiendo inducit. Et huiusmodi sunt, in quorum generatione siue dispositione corporis fluxit infortunium Saturni, & maximè si fuerit mali esse: talibus enim hominibus dæmones libenter assistunt, & suas tentationes occultas intra concursus cogitationum ministrant. Et hi sic afflicti cogunt à passionibus secū contēdere, secū loqui, secū disputare, etiam ut à circumstantibus audiantur. Et hi sunt qui tam à passionibus melancholi-

cis quàm à dæmonibus vexati, aliquando desperant, & semetipsos occidunt. Cura omnium horum est sine dubio (nisi fortè morbus efficaci Dei imperio ministretur) donec sentiant se penitus curatos, vt vtantur supradicta quinta Essentia, vel optima aqua ardente, donec quinta Essentia habeatur: & in aqua ardente pone modicum senæ vel fumi terræ aut medullæ ebuli, aut lapidis lazuli: & discretè vtaris, quia sine dubio sanaberis perfectè. Quia non solùm quinta Essentia perfectè sanat, sed etiã aqua ardens cum aliquantulo eorū que choleram nigram expellūt, & choleram nigram superfluam purgant, splenem sanat, turbationem cogitationum tollit, cor triste lætificat, cerebrum & omnes eius potentias mundificat, lætas cogitationes inducit, artificium tentationis dæmoniacæ aufert, & imaginationes desperatiuas annullat, ac facit malorum quorunq; obliuisci, & homines ad sensum naturalem reuerti.

Remedium

Remedium contra timorem & inconstantiam ac destructionem cordis & amissionem fortitudinis: & magisterium ad reparandum audaciam, fortitudinem, & virtutem.

Cap. VIII.

NON dixi tibi in vanum, quòd nec intellectus potest capere, nec nostra lingua narrare, miraculosas virtutes quas creauit Deus quinta Essentia: & non solùm in ea, sed etiam in eius matre, scilicet aqua ardente. Recipe ergo pæoniam & herbam (vel radicem) angelicam quæ aliter dicitur angelaria, & crocum & quintam Essentiam auri & perlarum, & misce cum quinta Essentia: nam subito quasi miraculosè, si homo, qui nimio terrore correptus est, hæc sumpserit, timorem amittet, fortitudinem ex timore perditam recuperabit, audaciam assumet, mortem contemnet, in periculis non pauescet, supra modũ efficietur audax, ita vt appareat hominibus quòd sit muros ferreos penetrare paratus. Experto crede, quia pro certo verum & certum dico expe-

rimentum probatum: ideo est cautela
vt princeps populi Christiani in ordine
bellorum habeat sic in dolijs aquam ar-
dentem paratam, vt cuilibet pugili tri-
buat medium scyphū vel circa in prin-
cipio bellicosi congressus: & debet hoc
arcanum omnibus inimicis Ecclesie oc-
cultari: imo nec princeps, nec alij mini-
strantes debent hoc alicui reuelare.

*Remedium ad maleficia & dæmones fu-
gandos. Cap. IX.*

Scriptura sacra in libro Tobie capi-
tulo sexto nos manifestè docet, vir-
tute creata à Deo in animalib. pos-
se, imò de facto, dæmones fugari, & ab
habitatione domorum expelli: sicut ex
præcepto angeli Raphaelis capite octa-
uo posuit partem iecoris supra carbo-
nes & dæmonem fugauit. Et Raphael
angelus cap. sexto dicit, Cordis piscis
particulam si super carbones ponas, fu-
mus eius extricat omne genus dæmo-
niorum siue à viro, siue à muliere, ita
vt ultra non accedat ad eos. Et fel valet
ad vngendum oculos in quibus fuerit
albugo,

albugo, & sanabuntur. Ergo virtus in rebus corporalibus à Deo creata, est vigorosa ad fugandum omne genus dæmoniorum siue à viro siue à muliere: Et est quæstio maxima quã doctores theologi mouēt, Vtrum per talem virtutem à Deo in rebus corporalibus concreatam, possint dæmones in rei veritate fugari? Et nullus est quem viderim aliquid sentire nisi quòd, quantumcunq; per talem vim corpus nostrum disponitur vt dæmones non inueniant humorem melancholicum, vel aliter aptum ad operandum in nobis per talem virtutem, aliter dæmones non fugantur à nobis. Sed quicquid homines opinentur, hoc est fideliter tanquam dogma catholicum confitendum à nobis, quòd si cordis piscis illius particulam super carbones ponamus, fumus extirpat omne genus dæmoniorum: siue à viro siue à muliere, ita vt non accedat vltra ad eos. Et sic euasio loquentium ad quæstionem satisfacere non videtur. Et ipsi verterunt in quæstionem hanc rē, quia viderunt dæmones fore spiritus sine

corporibus: & non potuerunt capere
quòd virtus corporales actionem vio-
lentam possit inferre naturaliter in spi-
ritualem substantiam angelorum. Qui-
bus nos dicimus ecòuerso, quòd Deus
gloriæ concreauit in spiritibus angeli-
cis & spiritu hominis quandam poten-
tiam sensitiuam, non carnalem sed spi-
ritualem, per quam subiicitur passionib.
rerum corporalium, vt actioni ignis in-
fernalis: & hæc est fides nostra. Et quòd
spiritus noster post separationem à cor-
pore habeat talem potentiam sensitiuā
non carnalem, sed spiritualem, per quā
subiicitur passionibus: non est senten-
tia mea, sed expressa vox doctissimi Au-
gustini, sicut in libro de Spiritu & ani-
ma expressè docet. Et quia in hoc dece-
pti sunt communiter opinantes, vt non
cogitarent quòd corpora non agunt in
spiritum secūdum actiones corporum
quæ corpus non sunt: sed res spirituali-
tate agentes, possunt comparata actio-
ne sensibili primò spirituum angelico-
rum & humanorum, proportionaliter
applicari, nō debemus propter eorum
debiles

debiles coniecturas à veritate textus
 deuiare: sed si modum agendi non capi-
 mus, debemus animum nostrum capti-
 uare in obsequium Christi, & honorem
 scripturæ Dei. Et vt homo Dei capias
 clarè quæ dico, credo omnem hominẽ
 catholicum aduertere, quòd nulla res
 creata sit spiritualiter simplex ea simpli-
 citate qua dicitur simpliciter esse sim-
 plex: quòd si sic est, ergo omnis res crea-
 ta declinat & cadit à simplicitate diui-
 na. quid ergo mirum est si omnis spiri-
 tus angelicus, qui licet longum, latum
 & profundum corporales dimensiones
 non habet, etiam aliquid sine corpore
 potentiæ sensitiuæ, per quam ab actio-
 nibus quæ non sunt corpora, sed forme
 potius, statim patiatur? Omni intelle-
 ctum habenti apparet fore phantasti-
 cum contrarium affirmare. Dico ergo
 cum angelo, quòd actiones rerum qua-
 rundam corporalium, omne genus dæ-
 moniorum extricant, & totaliter eos fu-
 gant: & quædam actiones eis displicent,
 quædam eis placent. non credas me ta-
 lia asseuerare de nouo. Nam in collatio-

nibus patrum quidam sanctus abbas asserit, quod aliqui ex spiritibus immundis carnalibus libidinibus & coitibus hominum & mulierum pariter delectantur, licet ex se, quia corpora non habent semen corporale non habeant, unde possint naturaliter generare: assumunt enim tantum effigiem corporum mulierum, & cum viris coeunt, & semen eorum recipiunt: deinde hominum similitudinem assumunt, & cum mulieribus coeuntes generant filios ex semine humano. Qualiter diceret ergo sanctus abbas quod in talibus obscœnitatibus delectantur, nisi quia habent spiritualement potentiam in qua ab actionibus patiuntur? Dimittamus opinantes in vanum & dicamus, quod manifesta experientia docet: demones delectari rebus quæ sunt de Saturni complexione ac Lunæ & Martis potissimum. & hoc ad oculum probant operadores artis magicæ, qui communiter in operationibus nocuenti & mali observant constellationes duorum malorum planetarum Saturni & Martis, & etiam Lunæ, ut patet

tet in his qui frequenter malè à dæmonio vexantur, sicut patet in caducis & alijs qui secundum fluxum & motum Lunæ læduntur: nam & omnia opera necromantica apta ad præcantandum sunt sub obseruatione Lunæ, & aliter non valerent, nec dæmones incantationibus assisterent, nec eis in suis læsionibus opẽ ferrẽt. Et quia Saturnus habet influxum plumbicum, terreum & nigrum, obscurum, occultum, foetidum, influens super loca terrena, nigra, & foetida, & syluas nigras, & habitacula solitaria, horribilia, libenter dæmones in his omnibus conuersantur: sicut probatur in collationibus patrum. Et quia Luna habet influxum supra noctem, & humiditatẽ nimiam, & vias, & itinera quatriuia, in talibus dæmones conuersantur, & suis sectatoribus demonstrantur. Ea autem quæ sunt de natura Iouis pulchri & benigni, & Solis, eis displicent (vt lucifugis) & eis aduersantur, & naturaliter ea fugiunt, & eorum influxum abhorrent. Manifestum est autem quòd res quæ sunt in hoc mundo quæ

dam sunt quæ gloriam cælestem præfigurare videntur, & quædam quæ præfigurant statum æternæ gehennæ. Sol enim & Iupiter, aurum & omnia quæ lætificant præfigurant ratione luminis, claritatis & lætitiæ, gloriam magni Dei. Et Saturnus niger, & Luna maculosa, & nigra, & carceres nigri, præfigurant conditionem inferni: Et hinc est quòd sicut dæmones sunt damnati, & ira infernali pleni, habentes odio gloriam & charitatem Dei realem scilicet beatorum, & figuralem ac participatiuam mundanam, ipsi habent odio Solem & claritatem eius, & omnia quæ lætificant, & per modum vestigiij figure vel imaginis participant gloriam & imaginem paradisi. Ideo abhorrent cælum & habitationem cælestem, & naturaliter sibi complacent in tenebris & in vmbra, in ira, tristitia, melancholia, & in rebus alijs quæ prætendunt complexionem inferni. Sed vide hoc, cum quinta Essentia nostra sit cælificata & ad tantam fragrantiam perducta vltra quàm credi possit vt quasi videatur gloriam participare

pare paradisi, & hominem lætificare, & tristitiam phantasticam quam dæmones amant, fugare possit, manifestum est quòd conditionibus dæmonum cōtradicit, & eos ab homine & muliere extricat & expellit. Maximè autem hoc efficacius fiet cum quinta Essentia auri & perlarum, & semine herbæ quæ vocatur hypericon seu perforata, & in vulgari Aquitanico transcalam. Illud enim semen à Philosophis probatissimis vocatur fuga dæmonum: & est pluries expertum quòd illud solum semen dæmones infestos expellit ab habitationibus domorum. Et tempore nostro incubum dæmonem à quadam puella fugavit. Et fortior operatio eius est, si solum semen colligatur cum herba: fert enim in se influxum Iouis & Solis & planetarum, quorum influentias dæmones detestantur, rationibus supradictis. Et quia Scriptura sacra in libro Tobie nec alibi nō nominat piscem illum cum cuius corde, iecore, & fumo eorum dæmones expellantur, labor Philosophorum multis experimentis adinuenit, quòd si

fel alicuius piscis & maximè saringerij
 (vel sarigij) habeatur in pyxide iuniperi
 & aliqui incantati vel à diabolo malefi-
 ciati & fascinati cum ibunt dormitum
 ponant illud super carbones vt domus
 fumo impleatur, omnes fascinationes
 & maleficia dæmonum & ipsi dæmo-
 nes expelluntur. Et virtus iuniperi est
 maxima & valde mirabilis: ita vt si fa-
 cias ignem de lignis iuniperi, & de cine-
 ribus illis vnum viuum carbonem ex li-
 gnis iuniperi cum modico ligno coo-
 perias sicut vnum titionem ardentem,
 fertur quòd post annum inuenies ignē:
 quod valde mirum est. & eius gummi,
 & omnia quæ ab ipso procedunt, sunt
 valde virtuosa: & eius gummi est illud
 cum quo scriptores scribunt, spargen-
 do super pergamenum: Et virtus eius
 non potest in vno anno exhauriri & cō-
 sumi ab igne, eo quòd habet nobile
 humidum radicale & vitæ nostræ vtile,
 eo quòd à planetis optimis recipit in-
 fluxum. Et Philosophi dixerunt pluri-
 bus experientijs informati, quòd fel ca-
 nis ni-

nis nigri masculi tantum foetet & displicet dæmonibus, ut si in domum aspergatur, statim maleficia cessant, dæmones fugantur, nec fascinationes poterunt in ea fieri. Et dixerunt in tanta eos abominatione habere sanguinem canis nigri, quod si ex eo parietes domus aspergantur, & domus ipsa ab omni maleficio liberabitur, & demones fugient. Cæterum si maleficia sint acubus, quibus suuntur in pannis eorum mortui, vel ex fabis, vel ex alijs fructibus, ab ijs qui faciunt maleficia destrui procurentur, vel habitaculum relinquatur, si per modos naturales supradictos sanari non possunt. Et Philosophi dixerunt quod si claudas intra cannam argētum viuum, & cooperias eum & occultes secreta sub lecto maleficiato, efficacia fascinationum cessabit. Catholicum autem remedium est, ut ab exorcistis & præsbyteris qui potestatem ab Ecclesia receperunt, ipsos in virtute Iesu Christi fugare. Et omne remedium ab Ecclesia prohibitum, est evitandum. Et hæc quæ dicta sunt Ecclesiæ sunt re-

144 IO. DE RVPESCIIS.
linquenda, vt de eis discutiat ac iu-
dicet.

*Remedium contra pediculos, & pruriginis, & su-
percalefactiones in corpore humano.*

Caput X.

FOmentum generationis pediculo-
rum, & pruriginum, & calefactionū
in corpore, est humorum putredo.
Humores enim putrefactos emittit na-
tura per poros cutis, & in orificio poro-
rum ex humoribus corruptis generan-
tur vermes, pruriginis, & calefactiones
cutis, quæ vexant, & hominem dormi-
re non sinunt. Et quia ista ex corruptio-
ne nascuntur, non est aliquid in mundo
medicinale quod melius curet, quàm il-
lud quod à putrefactione præseruat, &
humores corruptos cōsumit, vt nostra
quinta Essentia: quam si non habes ad
manum, vtaris loco eius optima aqua
ardente, quia in ea est virtus Dei, vt eius
iussu non sinat putrefacere carnes mor-
tuas & pisces, si ponantur in ea. Pro-
pter quod concluditur, quòd si seruare
potes in ea res mortuas quòd sint sine
putre-

putrefactione vel corruptione, multo fortius carnes viuę à corruptione serua buntur: & istud est quod putrefactioni & pruriginì repugnat. Et cum ab inimi cis meis iniuste in obscuro carcere tene rer, quia corpus meum à malitia ferra- mentorum & carceris corrumpebatur, ingeniaui, benignitate seruitoris, habe- re aquam ardētem à quodam viro Dei & amico meo: & sola vnctione cum ea facta circa locum, curatus fui. Sed ego docebo te centuplicare vim eius: quo- niam si infra aquam ardentem immisce ris argentum viuum & staphisagriam, augmētabitur virtus eius ad pediculos necandos, in tantum, quod solo odore fugantur, ac etiam perimuntur. Nam solus odor argenti viui est eorum mor- tale venenum: ita vt ibi Dei virtus mira culosa appareat manifestē. Et si argen- tum viuum in albumine oui immiseris motu forti eum agitando, seu mortifi- cando, & inde cimossam (lembum) lini vel panni imbiberis, & cimossam in pā- num lineum sueris ne cadat argentum viuum, & illud cinctum vel aliter super

k

te portaueris, omnes fugient pediculi,
morientur, & cadent, quod est mirabi-
le: & si staphisagriam immiseris, fortior
erit virtus eius. Sed aliquando infirmi-
tas est incurabilis, vt in Herode, quem
percussit Deus poena illa, quod vermi-
bus est consumptus. Item quidam Im-
perator nullo remedio à pediculis cura-
ri potuit, vt in chronicis Romanis ap-
paret. Ego autem detexi possibilem cu-
ram per quintam Essentiam, vel per a-
quam ardentem, quæ accipiatur in po-
tu, & de ea corpus vngatur, & in illa cū
qua corpus vnges, argentum viuum &
staphisagria misceantur.

*Remedium ad expellendum venenum & cui-
tandum. Cap. XI.*

PL A G A veneni curatur cum hoc
quod potentissimè contrariatur ei:
quid est quæso quod morti con-
trariatur nisi vita? Ergo nihil fortius
creatum in mundo contrariatur vene-
no quàm aqua vitæ, & potissimè quin-
ta Essentia quam dixi. labora satis, quia
nihil est fortius in hoc mundo quod cō-
trarietur

trarietur mortalibus & letiferis venenis
quàm aqua vitæ, quæ est aqua ardens,
& maximè eius quinta Essentia; quia
conseruat vitam & augmentat, cor cu-
stodit, quia statim cum est in stomacho
currit ad cor, & reprimît læsuram. Et
quia est fortissimæ actionis, commisso
prelio cum veneno, ipsum pellit extra
corpus, vel saltem fugat à corde. Infun-
de ergo in quinta Essentia qualitates
contrariantes veneno & quæ cor con-
fortant, vt quintam Essentiam auri, per-
larum, croci, pæoniæ, angelicæ, nucum,
alliorum, theriacæ optimæ, fœniculi, ra-
phani, rutæ: & augmentabuntur virtu-
tes eius: nec non & omnes lapides qui
sunt vtilēs ad expellendum venenum
pone infra quintam Essentiam, vel a-
quam ardentem, & obtinebit vim &
proprietatem eorum, & multiplicabi-
tur virtus eius, quoniam aqua ardens
augmentatur virtute lapidum precioso-
rum, & trahit ad se occultas naturas &
actiones eorum: & vltra remediũ quan-
tum ad medicinã naturalem est vt quin-
tam Essentiam omnium rerum quæ re-

pugnant veneno apponas in aqua ardente, vel in quinta eius Essentia. Hanc cælestem medicinam cum ipsam reduceris ad perfectum, pone in vase vitreo bene clauso, vt nullo modo possit vaporare: & cum timebis à veneno infici à spectis famulis vel inimicis, statim de mane modicum sume in nomine Domini nostri Iesu Christi, gratias agens Deo, & nihil tibi nocebit atrocitas veneni. Et si vltèrius times à veneno, omni mane recipe modicum in Christi nomine.

*Remedium contra quartanam & omnes passion-
nes quæ oriuntur à melancholia.*

Caput XII.

A Pud vniuersum orbem ille medicus habetur maximus inter alios, qui intra paucos dies potuerit ab homine fugare quartanam: quia infirmitas illa ex nimia diuturnitate occidit diuites, damnificat pauperes, impedit famulos, & mortem frequenter inducit. Et quidam qui se prædicant maximos, fingunt se posse eam citò fugare cum

cum nil sit: sed suam ipsorum ignoran-
tiam occultare nituntur, dicentes, non
esse vtile quod curetur: cum valde mor-
tale sit quod seruetur. Et omnes con-
cordant in hoc, quòd quartana genera-
tur ex abundanti melancholia quæ cor-
rumpitur intra corpus: & est humor ter-
reus, & de natura tardus, & durat in plu-
ribus vltra annum. Si ergo vis in breui
ipsam curare, sola quinta Essentia hanc
curat. Iam dixi quòd humores corru-
ptos expellit, & naturam reducit ad æ-
qualitatem, & fugat tristitiam, & indu-
cit lætitiā: igitur remota causa febris
humor corruptus, remouetur & eius
effectus. Sed vt subito fiat, hæc est eius
cura: si non habueris quintam Essentiā,
recipe optimæ aquæ ardentis lib. 1. in-
tra quam aquam ponas medullæ ebulli
& maximè albi, & de illa aqua da patiē-
ti manè & sero duas plenas nuces vel
minus, & certè curabitur si continuetur
donec sit curatus. Et licet hoc sit verissi-
mum & expertum, tamen consulo vt
vadas ad canonem nonum libri primi,
& ibi recipe in tabulis quancunq; rem

volueris ex his quę purgant melancho-
liam, & pone modicum in aquā arden-
tem, & ea vtere, prudenter & modicum
recipiendo, donec materia concoqua-
tur : quia vtilius est paulatim agere,
quàm subito grauare naturam. Dixe-
runt Philosophi quòd dens extractus
ab animalì viuo, liberat à quartana si
portatur. item dixerunt, quòd si succus
herbæ quę dicitur morsus gallinæ, ru-
beæ, ponatur in naribus patienti quar-
tanam, quando incipit pati, curatur.

*Remedium contra impedimenta medicinæ, & pericu-
la quę à medicina contingunt in corpore hu-
mano. Cap. XIII.*

AB origine orbis vniuersa naturali-
ter philosophantium multitudo
grauissimo labore non desit inda-
gare circa medicinas laxatiuas inueni-
re tria : primò vt non faciant casum
virtutis : secundò vt non interficiant :
tertiò cum fuerit necesse efficaciter &
sine periculo in remotis partibus agant
& ab eis potenter corruptos humores
abducant; & nunquam hæc tria inueni
re po-

re potuerunt perfectè: quoniam omnis euacuatio habet oculum ad casum virtutis, debilitatem corporis, læsionem luminis, & annexa: & nunquam ita certa mensura potuit inueniri, quæ æquo pōdere possit omnibus ministrari. Quia corpora non recipiunt æqualiter actionem dosis in raris, densis, & solidis. Et ideo frequenter accidit, vt quod quibusdam ministratur salubriter, alijs letaliter propinetur ad mortem. Et fit aliquando, vt quia medicinæ plures laxatiuæ sint etiam venenosæ, lædant ex vna parte, & ex alia sanent. Et inter medicos solennes aliqui summè laudauerūt aloen, eo quòd minus videtur facere casum virtutis, & membra cōfortare probatur, sicut patet ex Mesue in libro suo de Simplicibus medicinis. Sed omnipotens Deus creauit quintam Essentiā aquæ ardētis per vas circulationis summè rectificatam, vt in primo libro docetur: quæ vnā cum quinta Essentia auri & perlarum, omnes humores æquat, & interficit omnes febres cum admistione rerum quæ humores corruptos purgāt

si fuerit necesse vt misceantur aliquando ratione horribilitatis & fortitudinis morbi, dum cautè & prudenter fiant, omnia supradicta inconuenientia vitat: quia quinta Essentia & etiam aqua ardens, si quinta Essentia haberi non potest, conseruat naturam & eam augmentat, & casum virtutis fieri non permittit. Item quia ipsa influit vitā. interfectioni medicinarum etiam contra facit, dum tamen modestè laxatiua ministrantur cum ea. Et etiam quia omnibus nobilior & penetrabilior est, omnes medicinas laxatiuas secum ducit efficacissimè ad membra longinqua, & ad loca profunda, & ab eis locis remotis miraculosè humores nociuos educit. Est & aliud quod nunquam medici potuerunt perfectè vitare in ministracione medicinarum laxatiuarum, scilicet ne aliquando expellantur per vomitum, & perdatur iuuamentum sanitatis, & beneficium & labor ministrantium. Sed hoc per quintam Essentiam euitatur, vel per aquam ardentem: nam quia sola quinta Essentia rerum laxatiuarum in nostra quinta
Essentia

Essentia vel in aqua ardente specialiter ministratur, nulla nausea in stomacho generatur, vt speciale quod assumptum est vacuetur. Possibile tamen foret, vt humores corrupti congregati in stomacho vacuentur etiam vomendo. Confert etiam in hoc, quòd multæ ex medicinis multum habent venenum, & per eum lædunt aliquando: & quia aqua ardens & quinta Essentia venenis repugnant, non vt à venenis earum aliquod detrimentum natura patiatur. Nunc autem volo dare remedium contra pericula quæ possunt accidere in ministracione medicinarum laxatiuarum cum quinta Essentia, vel cum aqua ardente. Iam enim docuit primus liber quòd medicinae laxatiuæ multò viuacius agunt cum quinta Essentia vel cum aqua ardente, quàm agerent sine. Sed cum hoc sit verissimum, ita patet quòd quātitas medicinae quæ assignatur ab vnoquoque accipienda sine damno mortis à summis medicis, si ministraretur cum aqua ardente hominem interficeret, quia in decuplo plus ageret quàm per se ageret

medicina. Et vt mihi credas, dabo tibi exemplum. Infirmabar grauiter in pectore & repletionem viscosorum humorum, & dictaui fieri pilulas ex hierapicra & euphorbio minutas ad modum cicerum, & tres pilulas tantum ex his posui in modico aquæ ardentis, quas tres ibi cum digito conterui, quam aquam recepi tarda hora valde, fortè in fine tertiæ horæ noctis, & operata est medicina post mediam noctem, & ferè miraculosè decem vicibus ante diem: post verò quietè dormiui, & verè surrexi sanus & hilaris, & non debilitatus in visu nec in membris.

Considerent ergo perfecti medici, quòd si decem ex illis pilulis valde minutis recepissem sine aqua, non tantum operatæ fuissent, quantum solæ tres cū auxilio aquæ ardentis. Est ergo cautela adhibenda, vt prudens medicus cum aqua ardente vnā tantum pilulam patienti ministret, & probabit quantum agit vna, deinde duas ministret, deinde tres, donec sine periculo experimentum recipiat medicinæ, pariter & personæ

næ sanandæ: quo modo & quantum medicina agit in talem personam putandam vel raram: aliter autem nunquam potest dari regula generalis qualiter possit dari æqualiter omni personæ de quacunque medicina. & ex hoc apparet quanta utilitas est tibi medicinam recipere cum quinta Essentia vel cum aqua ardente: quia non debilitat naturam, nec visum, nec interficit. Sed prudenter probes virtutem: educit à remotis, præseruat à venenis medicinarum, nec euomitur: sed parum venenosorum recipiatur, & verè corpus sanatur. Voco igitur istud capitulum Clauē artis: sine cuius claro intellectu, per istum librum nunquam medicinas laxatiuas ministrare præsumas.

Remedium contra febrem continuam, & cura eius. Cap. XIII.

OMnes viri Philosophici decreuerunt febrem continuā generari ex putrefactione sanguinis & corruptione humorum: in ea igitur, cura est

sanguinem purgare, totam eius corruptionem remouere, humores inordinatos & inæquatos æquare, naturam lapsam reparare, & reparatam conseruare. Sed omnia hæc perfectè operatur & complet quinta Essentia: ergo ipsa est quæ perfectè curat febrem continuam supradictam. Experientia enim ad oculum docet, quòd aqua ardens emittit à sanguine humores aquosos & corruptos, & carnes mortuas à putrefactione præseruat: ergo multo magis sanguinem corporis viui & animati à putrefactione seruabit.

Et si aqua ardens ad plenum ab ardore quatuor elementorum depurata nō est, non consulitur in cura febris continuæ eius vsus: sed quinta Essentia eius rectificata, cum non sit calida nec humida, frigida nec sicca sicut quatuor elementa, ipsa plenè & securè, sanat febres continuas, maximè cum quinta Essentia auri & perlarum. Quòd si vis eam perfectè curare, habeas quintam Essentiam sanguinis humani summè rectificatam sicut docet primus liber. Ipsa est enim

enim quæ febrem perfectè curat, non solum bibita, sed etiam si cum ea, tempora & ubiq; in corpore venæ pulsatiles inungantur. Si ergo istas duas quintas Essentias iungas, veram medicinam habebis. Quòd si curam eius vis augere, pone in quinta Essentia cassiam fistulam vel succi mercurialis in proportionem prudenti, & habebis iuamentum (vel intentum) perfectum in cura. Quòd si alij humores peccant cum sanguine, appone ex tabulis quintas Essentias eorum quæ competunt in cura, & adiuuabit te Deus si rogaueris eum. Pone ergo in corde tuo quæ dicta sunt & non deficies si egeris prudenter secundum regulas tibi datas tam in primo quàm in secundo.

Remedium contra febrem tertianam, & eius cura. Cap. XV.

Tertiana febris ex nimia abundantia cholerae rubeae ac putrefactione causari à sapientibus est probata. Quòd si curare illam subito volueris recipe quintam Essentiam, vel si nō ha-

bes eam, recipe aquam ardentem, & in ea pone modicum rhabarbari, vel aloes Cretensis, seu aliam rem ex tabulis primi libri de cholera rubeam purgantibus, & bonam quantitatem endiuiae & herbæ quæ caput monachi appellatur, & manè & sero ista aqua vtatur, & sine dubio curabitur citò.

Remedium contra febrem quotidianam, & curacius. Cap. XVI.

VNiuerſi magiſtri cōcordāt, quòd febris cotidiana generetur ex putrefactione phlægmatis & eius abundantia: & cum phlægma ſit frigidum & humidum, quinta Eſſentia autem noſtra, & in eius abſentia aqua ardens, habet vim vt inordinatam & nimis frigidam & aquoſam putrefactionem humidam eradiceſcit & curet: pone igitur in ea modicum euphorbiæ iuxta regulas ſapientum, vel ſambuci vel aliorum quæ phlægma purgant ex tabula primi libri, & vtare manè & ſero, & ad ſalutem, Deo dante, peruenies.

Remedium

*Remedium contra febrem acutam & cura eius, ac
phreneticorum & amentium & stultorum
cura. Cap. XVII.*

ET quia expedit in magisterio me-
dicinæ vniuersa tam verba quàm
opera pōderare prudenter: quia
aqua ardens ascendit ad caput, & liben-
ter inebriat, cum febris acuta speciali-
ter vigeat in capitis regione (ob vapo-
res ascendentes) excluditur à magiste-
rio curæ febris acutæ. Est ergo tibi ne-
cesse quintam Essentiam nostram recti-
ficatam sumere cum quinta Essentia au-
ri & perlarum: & ex alia parte habere
quintam Essentiam sanguinis humani
bene rectificatam: & hac vttere in nomi-
ne Iesu Christi, mittēdo sextam partem
supra decem nostræ quintæ Essentiæ
prædictæ cum quinta Essentia aquæ ro-
saceæ, & etiam violaceæ, & boraginū, &
lactucarum, & habebis profectio cæle-
stem medicinam in vera cura eius. Et
cum febris acuta communiter genere-
tur ex violenta bile flaua, adustissima, &
sanguine adusto, & bile nigra adusta, &

aliquando vno ex istis, & aliquando simul ex duobus, aliquando simul ex tribus : Et secundum hoc febris acuta in gradu positiuo, comparatiuo, & superlatiuo à sapientissimis est reperta. omnibus ponderatis, quintam Essentiam sanguinis (quia à tota specie adustioni repugnat) cum parte sexta quintæ Essentiæ nostræ præactæ dabis patienti, & curabitur citò, opere Dei. Cum autem videbis conualescere modicum patientem, pone in quinta Essentia sanguinis quintam partem de quinta Essentia nostra: Et postea in ampliori conualescentia quartam partem, deinde tertiam & postea medietatem, deinde minus de quinta Essentia sanguinis, donec totaliter vtatur & vti possit de quinta Essentia nostra superius explicata. Et quia febris acuta communiter habet annexam alienationem sensus & apparitionem rerum phantasticarum, ibi sic perpendes quia humores adusti sunt qui febrem causant : Nā si patiēs dicat se videre res nigras, cholera nigra est adusta : si res aureas, cholera rubea est adusta : si res
rubeas

rubeas & effusionem sanguinis, tunc sine dubio sanguis est adustus. Et si aliquando loquatur de tribus his, hi omnes humores prædicti peccant. Ad curandum autem phrenitidem & stultitiam eius, & furiam mitigandam: Recipe bonam quantitatem vnguenti populeonis & de meliori aceto quod haberi poterit, & de ruta domestica in bona quantitate, tere & confice cum prædictis, & admisce cum eis si potes habere quinram Essentiam sanguinis: & cum hanc supercælesti confectione inuolue caput patientis, & pone de ea ad nares: & hæc diuina confectio statim fugat phrenitidem, apparitiones phantasticas curat, sensum & discretionem restituit, & quiescere facit. Serua hoc & perseuera in opere, & iuuabit te Deus.

Remedium in cura hemitritæorum.

Cap. XVIII.

Illi qui in magisterio medicinae perfectè nouerunt tres hemitritæos aliquando in nostro corpore periculosos esse generatos, asseuerant minorem, me-

dium, & maiorem. Est enim hemitritæus febris ex humoribus corruptis & contrarijs generata: sicut si componatur febris in homine ex phlægmate putrefacto, sic erit febris frigida & humida, & si ex cholera rubea putrefacta: sic erit febris calida & sicca: & simul in vno corpore duæ febres erunt & contrariæ per naturam: imprudens medicus earum curas impossibiles iudicabit: quia si huic patienti ministret contra febre[m] calidam & siccam, frigida & humida, summè frigidam & humidam augmentabit, & è conuerso. Et si calida & sicca, frigida & humida, simul per æquas partes ministres, vnum impedit reliquum in agendo, & non sequetur cura. Est ergo eius cura verissima, vt ministres quintam Essentiã supradictam mediatam cum quinta Essentiã sanguinis, & cum quinta Essentiã auri & perlarum, & cum quinta Essentiã rerum purgantium humores peccantes: & cum hac dosi citò & miraculosè vniuersi hemitritæi sine dubio euanescent. Et nota quòd tot modis hemitritæi in nostro corpore

corpore generantur, quot modis poteris copulare quatuor humores principales corruptos. Vno scilicet modo, duobus, vel tribus, vel pluribus modis: vt phlægma & bilis flaua, primus modus: phlægma & bilis adusta, secundus: phlægma & bilis nigra, tertius: phlægma & bilis nigra adusta, quartus: phlægma & sanguis adustus, quintus: & sextus ex pluribus istorum.

Remedium contra febres pestilenciales, & cura earum. Cap. XIX.

PHantaasticum & stultum esset querere remedium quando esset morbus insanabilis & immissus ad interimendum populum efficaci Dei imperio, contra quod nullum esset remedium, nisi ex Dei benignitate: quia durum est nobis contra stimulum recalcitra-
re. Quod autem efficaci imperio mittat Deus pestem in populum, patet Deuter. cap. 28. vbi dicitur, Si audire nolueris vocem Domini Dei tui, vt custodias & facias omnia mandata eius &c. Veniet super te omnes maledictiones istę, & apprehendent te: maledictus eris in ciuita-

te & in agro &c. Adiungat tibi Domi-
nus pestilentiam, donec consumat te
de terra &c. Hæc Moyſes, imò Deus
per eum. & infra, Percutiet te Deus vl-
cere Aegypti &c. Ad propositum, quid
phantaſticas tu has pestilentiales pla-
gas incurabiles immiſſas ita à Deo, vt
dicit textus ſacer, vt nequeant curari?
ſi curare præſumeres, phantaſticum ef-
ſet attentare pariter & iſanum. Et
quia in volumine directorij ſimplicium
electorum de hac materia agendo, de
clade maxima anno Domini. 1348.
multipliciter diſputauī, nunc ad propo-
ſitum breuiter redeamus. Eſt autem
ſciēdum quòd homines tripliciter mo-
ri poſſunt: vno modo in termino con-
ſtituto nobis à Deo morte naturali
quem aliquo ingenio naturali præteri-
re non poſſumus: alio modo morte
violenta: & iſtis duobus modis medici-
na eſt fruſtra: alio modo caſualiter, vel
occasionaliter, citra terminum à Deo
nobis conſtitutum: vt qui nimia reple-
tione vel diſſolutione, vel aſtera abſti-
nencia, vel deſperatione, vel negligen-
tia

tia vitandi mortis periculum, se occidunt. Et isto modo quando Deus mittit clades & pestes ad certas personas populi per mundum, illi quos Deus non iubet per cladem efficaciter perimi, possunt gratis vel negligenter incurrere periculum mortis si volunt: quia Deus constituit hominem rectum, & illum posuit in manu liberi sui arbitrij. Sic ergo de cura pestis agamus: dico ergo pro regula generali, quod Deus siue immittat pestem ex influxu Saturni, sicut est plaga leprae, rheuma, phthisis, tabes, & omnia quae ex pestilentialis frigoris malitia in homine contingunt, siue ex influxu Martis, ut est febris pestilentialis cum sputo sanguinis, apostema sub diaphragmate ad cor suffocandum, pustulae maximae sub ascellis, seu in inguine, seu anthrax, carbunculi, vel ignis sacer, et similia: siue ab influxu Mercurij maleficiati, ut sunt bubones in supercilijs, in barba, in pectore: siue a Luna maleficiata, ut sunt epilepsia, somnia horribilia, quae faciunt homines amētes: siue quascunque alias pestes per alios influxus.

immissas à Deo, perfectè curatur & vitantur cum quinta Essentia nostra: & talia vniuersa pericula vitantur. Et si quid videnti de his adueniat, non nocebit, Deo dante. In febre autem pestilentiali & omnibus ardoribus egritudinum, & vsturis, adde cum quinta Essentia medietatem quintæ Essentiæ sanguinis humani, & buglossæ radicem, vel totā herbam, etiam acetosam (siue oxalidem) & modicum aloes hepaticæ, euphorbiæ, hieræpicæ, & quintam Essentiam radicis lilij, auri & perlarum, capilli Veneris & hyssopi. Hæc omnia efficaciter talibus febribus & apostematibus contradicunt. Expediit enim vt cum prædictis sit quinta Essentia laxatiua, & tantū recipiatur qualibet die, vt semel in die naturali, ter in septimana hominem ducat in materia liquida. Et omni die de mane recipiat modicum aquæ bonæ ardentis videlicet testam oui, & quatuor vel sex vicibus in die si expedierit plenam nucem Gallicam siue auellanae testam: & corruptus aer sine dubio non nocebit, & vtatur omnibus his quæ Philosophi

losophi in suis libris pesti contradicere probauerunt. Et pilulas ex ipsorum libris accommoda in quinta Essentia vel aqua ardente: sed per se & moderate ponantur. & hospitia suffumigentur ter in die & fortiter, thure, myrrha, resina, terebinthina vel laricina, ruta, & talibus. Et hæc est cura perfecta pestium iam dictarum.

*Remedium vltimum, vt in spasmō generetur febris
& cura eius. Cap. XX.*

Sapientissimi Philosophi affirmauerunt sanum esse nasci febrem in spasmō: & dixerunt experti quòd si de succo flammulæ frices omnes arterias, continuò febricitabunt patientes: & sic temperatur malitia spasmī. Et quia spasmus, secundū sapientes prouenit ex læsione & debilitate neruorum, sicut patet aliquando in medicinis ex helleboro sumptis, nihil efficacius spasmum sedat quàm nobilissima quinta Essentia vel in eius absentia aqua ardens.

Explicit liber de Consideratione quin-
tae Essentiae omnium rerum pauperi-
bus & Euangelicis viris erogatus; nec
non de famulatu Philosophiae Euange-
lio Iesu Christi. Omnipotenti Deo pa-
tri, & filio' & spiritui sancto, sit
laus per infinita seculorum
secula, amen.

EPISTOLA MAGI- STRI ARNALDI CA-

thelani de Villanova ad Magistrum Ia-

cobum de Toletto, de Sanguine humano.



MAGISTER Iacobe amice charissime, dum me rogastis ut vobis secretum meum de sanguine humano (quod divina gratia fauente, & si per mei industriam, quanuis non totaliter, per multiplices tamen experientias cum multiplicibus laboribus adinueni) aliqua de quibus expertus essem transmittendo, significarem. Et quanquam diu distulerim, tamen iam senio appropinquante, omni liuore semoto, ea quæ de hoc secreto sum expertus, plenius enodabo. Audiatis ergo, & audiant secreti & electi verba oris mei, quæ spiritus sanctus ubi vult spirat: Et ideo in puteo penitentiae recludatur,

nemini fatuo vel impotenti hoc secretum reuelando, quod antiqui quæsiuerunt, nec inuenire potuerunt: & scrutati sunt, & illud non habuerunt. Est etenim donum cæleste, nobis indignis à Deo destinatum: quod nec medici cognouerunt, nec etiam Philosophi qui in alchymia laborauerunt. Sed testor Deum, quòd per varios labores quos iam longo tempore sustinui in arte alchymia, prout scitis, per experimenta cognoui istius rei efficaciam tantam esse, vt non sufficiam vobis tantæ virtutis vigorem plenius explanare: & ideo in puteo pœnitentiæ recludatur &c.

Accipiatis ergo hoc secretum, scilicet sanguinem humanum, & sit sanguis virorum sanorum, & ætatis annorum viginti vsq; ad triginta, & extrahatis quatuor elementa prout nouistis bene in alchymia, & obturetis bene quodlibet elementum per se, ne aer subintret.

Aqua enim valet in omnibus ægritudinibus tam calidis quàm frigidis, eo quòd occulte est naturæ: etiam complexionem lapsam reducit ad temperamentum; &

tum: & maximè valet patientibus vitiū
in spiritalibus, & venenum depellit à
corde, arterias etiam ipsas habet hume-
ctare & dilatare: & dico pro constanti
quòd phlæagma crassum in pulmone cō-
tentum sine molestia dissoluit, & ipsum
ulceratum, non obstante commotione
consolidat. Et breuiter omnia corrupta
contenta in pulmone & membris spiri-
tualibus purgat, & ea purgata præser-
uat à putrefactione & corruptione san-
guinis, etiam ultra omnem nostram me-
dicinam mundificat. Item fluxum ven-
tris à tota specie curat, apostema etiam
lateris mirabiliter sanat.

Aer etiam multum valet ad prædi-
cta, & fortè plusquàm ipsa aqua, & ma-
ximè valet iuuenibus vt in eodem statu
fortitudinis & plenitudinis permaneāt
si vtantur eo paulatim & in modica quā-
titate: & est quasi tantæ virtutis quòd
nullo modo permittit sanguinem pu-
trifieri nec phlæagma superdominari,
nec choleram aduri. Propterea multi-
plicat ultra modum sanguinem & sper-
ma, & ideo oportet quòd vtentes co-
sape flobotomentur. Insuper istud ele-

mentum aperit nervos & venas: & si aliquid in ipsis fuerit diminutum, reducit ad debitum temperamentum. Insuper probavi quòd si iuuenis aliquis ante statum suæ ætatis scilicet in augmento, habuerit oculum obscurum vel crepatum quòd si quolibet die de hoc elemento vna gutta intra ponatur, & si se tenuerit inquietè per mensem, redditur sibi visus sine dubio. Item si in aliquo membro aliquod superfluum inueniatur putrefactum vel aptum ad putrefactionē, putrefactum statim tollit & dissoluit, & si inueniatur diminutum, addit restaurando. Et valet hoc elementum in apoplexia, epilepsia & scotomia, vertigine, dolore hemicraneo: & in omnibus istis debet administrari cum aliquo electuario infra vncias sex ad propositum valente.

Ignis verò preciosior & admirabilior est, & ad omnia valet ad quæ valet aer, & quod plus est, de mortuo homine facit viuum. Hoc ita intelligendum, quòd si in hora singultus mortis detur de hoc igne ad quantitatem grani tritici di-

ci distemperato cum vino, ita tamen quòd guttur transeat, reuiuificat ipsum hominem, & ingreditur ad cor subito ad expellendos humores superfluos, & cum hoc viuificat calorem naturalem ipsius hepatis, ita quòd quasi per vnam horam ipse infirmus loqui poterit & disponere de testamento confessioneque: & per hunc modum feci vel videbar facere miraculum apud dominum Comitem Faustinum, qui quasi mortuus iacuit, & postquam hoc medicamen sumpsit, confitebatur delictum suum cum multa contritione, & post horam expirauit: et istud quàm pluries aliàs sum expertus. Item si senex vtatur hoc igne in modica quantitate, omni die subleuat senectutem exhilarando corda ipsorum, ita quòd iuuenacula possidebunt corda. Et ideo vocatur hic ignis Elixir vitæ nec tamen est Elixir alchymiae: quia hic fit de sanguine putrefacto: & natura humana nimis abhorret huiusmodi medicamen. Et scias, quòd si elementa ista secundariò distillata fuerint, meliora erunt in effectū, Et

si tertio fuerint distillata, optima fient:
quibus homo vivere poterit usque ad
periodum ultimam & terminum vite
sue absque infirmitate aliqua, si ipsis
utatur omni die, vel alternis diebus: &
tanta est scientia in his ultimis distilla-
tionibus quemadmodum est in di-
stillationibus ultimis alchy-
mia, ut bene nostis.

Finis Epistolæ Magistri Arnaldi.

ARS OPERATIVA,

MEDICA, MAGISTRI

Raymundi Lulli.



V M ego Raymundus
 llerde existēs essem ro-
 gatus à quibusdam cha-
 ris amicis meis, vt eis
 quædam medicinæ ar-
 tis occulta & simplicita,
 ab antiquis in practica imperfectè di-
 cta declararē, librum aliquē super hoc
 faciens: Ego verò voce eorum motus,
 noctibus varijs ante crucifixum Domi-
 num nostrum Iesum Christum eius au-
 xilium humiliter & lachrymabiliter po-
 stulando, septies etiam in die ipsum col-
 laudando, vt aliquem modum diffici-
 liorum morborum humanæ fragilitatē
 deputatorum, quæ ab antiquis medicis
 incurabiles dicebantur, demonstraret.
 Ecce quadam nocte semel à somno sur-
 genti mihi vilissīmo ac indigno pecca-
 tori hæc sequentia fuerunt reuelata.
 Quæ quidem secreta, fuerunt prius re-

uelata beato Aegidio degenti in heremo. Vnde qui hæc habet, omnia habet. Ex quo intelligitur, per orationem congruam, occulta & diuina secreta hominibus reuelari: heu indignis & maleuolis Deus ista non largiretur, quia diuine eius iustitiæ repugnaret: cum virtus & vitium in contrarietate existant.

Cum igitur aliquis dignus esse nequeat absq; Dei bonitate, & magnitudine, & gratia, ad ipsum inuocandum deuotè recurrendum est. Vnde summè necessarium est, ante quàm alicui propines aliquid medicinarum sequentium, pure mente ac deuotè flexis genibus, oculis in cælum eleuatis, sequentem orationē ter dicere ad honorem sanctissimæ Trinitatis, ad hoc vt medicina tua meliorē effectum inducat, & tutiori modo infirmum à languore defendat. Vnde nota quòd iste tractatus in quatuor diuisiones diuiditur: quarum prima & quarta non fuerunt mihi Raymundo reuelata, vt secunda & tertia, imò ea recepi & habui à serenissimo Rege Roberto sub secreto sigillo, quæ quidem experimenta
ipse

ipse habuerat à peritissimo doctore Arnaldo de Villanoua, qui meritò fons scientiæ vocari debet, quia in omnibus scientijs præ ceteris hominibus floruit: cuius doctrinam libenter amplector, atque de eius doctrina cōfusus, ista quæ dicta sunt in hoc libro ad laudem tanti doctoris catholici apposui, vt eius recolibilis memoria à filijs meis recoli & diligere possit in vita perenni.

Domine Iesu Christe, qui es vera salus omnium: Domine tu es ille qui omnia in bonitate & sapientia tua creasti valde bona, vnde Domine sine te nihil scio boni esse in seculo: Quare Maiestatem tuam suppliciter adoro, quia scio & firmiter credo nihil bonum esse absque tua bonitate, nec magnum absque tua magnitudine, nec durans absque tua duratione, nec potens sine tua potestate, nec verum sine tua veritate, nec sapiens sine tua sapientia, nec diligēs sine tuo amore, nec virtuosum sine tua virtute, nec gloriosum sine tua gloria, nec iustum sine tua iustitia. Scio etiam quòd tu mirabiliter hominem creasti, & mira

bilius hominem formasti : qui dedisti
medicinam ad recuperandum sanitatē
humanorum corporum, da benedictio-
nem tuam isti medicinæ, vt omnes vir-
tutes quas à principio posuisti in ea, ad
finem perducātur, vt in corpore in quo
introierint, sanitatem mentis & corpo-
ris mereantur conferre, per eundem
Dominum nostrum Iesum Christum
&cet.

Cum à principio optimo omnia con-
sistant, & regulari debeant, ideo ipse
Deus voluit creaturam quæ est homo
creare, quem rationali anima insigniuit
& omnia sub pedibus suis constituit, iu-
xta illud: Omnia subiecisti sub pedibus
eius: de quo Theologi, Homo est crea-
turarū creatura dignissima. Et Aristote-
les in libro de Animalibus: Homo est di-
gnissimum animalium &c. Et licet ho-
mo his sit insignitus virtutibus, tamen
cum sit ex contrarijs compositus elemē-
tis adinuicem agentibus & patientibus
ideo est corruptibilis, & multis incom-
modis & infirmitatibus subiacere com-
pellitur. Vnde non est mirandum de
homine

homine qui est magis passibilis, qui est magis ex tenui materia compositus, ideo habet plura contraria, cum sit indifferens inter omnia contraria. Et quia altum, & medium, & extremum, est conuersiuum: ideo habet infinita contraria: vnde ex dictis bonitas diuina consulenda, & ei tribuet medicinam quam altissimus de terra creauit, Ecclesiastici 38. quæ, vt dicit Auic. est scientia per quam hominis dispositio cognoscitur, & non aliorum. Et sicut medicina conseruat sanitatem habitam, & amissam similiter recuperat, ita aqua vitæ habet sanitatem conseruare & amissam recuperare. Et vocatur aqua vitæ à Philosophis, & recta medicina: vnde qui ea vtitur, non habebit in corpore suo aliquam infirmitatem quæ non sit habilis ad curandum: si quis ea vtitur vt debet, non morietur aliqua ægritudine præterquam naturali à Deo ordinata, nisi violenta aut alia extrinsecus occurrat mors.

Aqua vitæ ornatur pluribus virtutibus & laudibus: & est, vt quidam dicunt,

calida & sicca. Quidam verò dicunt nō esse calidam, frigidam, siccam, nec humidam: & tamen has virtutes continet. Et dixerunt quòd vna est vis aliena, quæ ex quatuor elementis deciditur, & non est elementum. Nam in materia de qua extrahitur dicta aqua post eius separationem, ab ea remouentur quatuor elementa, quæ per eorum separationem videri possunt, & per eorum separationem vnus ab altero, nisi occupet manum artificis error.

Ista aqua vitæ ardet vt candela, si in ea pannus intingatur aut tomentum, ardet sine læsione subiecti: imò videtur ardere, & non ardet. Hæc aqua sapit supra omnes sapes, habet odorem supra omnes odores, vt videtur per experientiam. Et scias quòd ista aqua dat nutrimentum cordi, & sanitatem reddit & custodit si recipiatur vt oportet, & quantum natura sustinere valebit. Concoctionem confortat in stomacho & in hepate: Et dicit quidam Philosophus, quòd nulla medicina inuenitur quæ adeò sit caloris naturalis confortatiua & augmen-

augmentatiua, prout est aqua ardens propter familiaritatem & consortium quæ habet cum natura, & quia est conueniens humanis corporibus. Et eius calor est similis calori naturali, ideo citò conuertitur in sanguinem naturalem. Item non solùm confortat virtutem naturalem & calorem, imò etiam turbidū clarificat sanguinem, & totius corporis ac membrorum aditus & maximè venarum orificia aperit & mundificat: hepatis obstructionem aufert, tenebrosam fumositatem & tristitiam in corpore genitam expellit, totiusq; corporis membra corroborat. Et non solùm sua bonitas agit in corpore, sed etiam in anima operatur: facit enim obliuisci tristitiam & angustiam, inducit lætitiā & confortat ad inuestigandam difficilem & subtilem rem, & reddit strenuitatem & audaciā, vt non sentiat dolorem vel laborem. Et scias quòd triplex est aqua vitæ: prima simplex, secunda composita, tertiā perfectissima. Simplex est, quæ sine admistione alicuius rei alterius simpliciter de vino elicatur: ista sine

admissione vini vel aquæ esse debet.

Composita est illa quæ sic componitur: Recipe radicem fœniculi, petroselin, brusci, asparagi, radicem raphani, milij Solis, iringorum, endiuia, scariole, capilli Veneris, ana, permisceantur, & in distillatorio igne lento distillantur.

Alia composita: Recipe residuum aquæ vitæ, caphuram candidam, rosarum, vtriusque papaueris albi & nigri, lactucam satiuam, portulacas, violas, solatrū, capilli Veneris, cymbalariam, semperuiam, vermicularem, herbam dictam rostrum porcinum, folia celli: terenda terantur &c.

Perfectissima sic fit: Recipe euphorbij, bdellij, sagapeni, opopanax, pyrethri, capparis, squinanti, spodij, piperis longi, nigri, & albi, cubearum, castorei zedoarij partem vnam, musci boni parum: ambra, croci, ossis de corde cerui, ana, secundum quod videbitur. Item recipe omnia antedicta in aquis composita & igne lento distillantur. Est enim res mirabilis, omnium medicinarum & inestimabilis mater & domina: Cuius
innumera

innumerabiles & mirabiles sunt virtutes contra omnes passiones siue defectus: & talis fit secundum instrumentū serpentinum: Recipe vinum vetus rubeum vnius anni, vel vinum album optimum, tamen rubeum preualebit: quia largius & vberius reddit aquā: de quo pone primò vnā mensuram in vase mundo & diligenter clauso, & distilletur igne lento aqua vitæ: quam cum in primo vapore exierit, collige vsq; quod peciolam lineam subtilem ardebit, & non substantiam peciæ. Et cum ardere desierit, hoc quod in vase remanserit pone deorsum, quia nihil valet. Scias tamen quòd in quatuor mensuris consuevit vna exire in prima distillatione, aliquando plus, aliquando verò minus, secundum vini bonitatem. Secundò distillabitur modo prædicto, & de vna mēsurā habebis mediā: semper enim medium illius habebis quod in distillatorio posuisti. Si verò ter distilles, de quinque mensuris quatuor habebis. Si quartò distillaueris, & rectè ac debite operatus fueris, illud quod posuisti reci

pies quasi sine aliqua diminutione. In prima ergo distillatione semper de quatuor mensuris vnā habebis, & sic distillabitur vsque ad sex distillationes: in septima distillatione talis aqua erit perfecta. In nona & decima perfectissima est: scias tamen quod non propter difficultatem operis, sed propter expensas, in omnibus medicinis vtimur tantum tertia distillatione, vel ad plus quarta, sed secundum instrumentum canonum vel canonis in prima distillatione dicitur perfecta propter vaporem ascendentem, quia vapor plus distillatur in prima distillatione canonis quam in tribus serpentini. Et scias quod trium aquarum quæ fiunt in prima distillatione, prima est perfecta, illa scilicet quæ ardet se & substantiam peciolæ: secunda simplex, quæ ardet se, & non substantiā peciolæ: tertia nihil valet, nisi tantum ad oculos clarificandos & faciem: ita tamen quod ex illa lauentur quolibet sero & manē, hyeme & æstate, manē, meridie, & sero. Distillatorium debet impleri vsque ad duas partes & tertia pars debet

debet remanere vacua, causa faciendi vaporis: & ita dicitur perfecta in prima distillatione. Si quis enim ea uti sciuerit in omnibus passionibus calidis & frigidis, curat, & sanitatem præstat. Omnium siquidem herbarum, florum, violarum, radicum, & specierum virtutes & proprietates attrahit, si fortè per tres horas in prædicta aqua maneant. Huius verò aquæ in corpore humano effectus, mirabiles sunt: quoniam citò curat & sanat omnes ægritudines tam frigidas quàm calidas, vt cerebri, neruorum, & iuncturarum in potu sumpta & foris posita. Tamen si ægritudo fuerit cum humore intenso, permittatur purgatio: vel non oportet purgari de necessitate, si quantitas in potu est vnciæ vnius: vel vsq; ad duas vel plus vel minus: & hoc secundum virtutem patientis. Item valet ad omnes humores fluentes à capite vt in cephalæ, hemicrania, & vertigine. Item contra omnes humores venientes à cerebro & nares, vt coriza &c. Ad branchos, catarrhum, & omne genus rheumatismum, & ad syncopen cordis

cum aqua tamarisci. Ad dolorem inte-
stinorum & ventositatem bibita cum
aqua anisi, vel alia cōuenienti. Valet ad
stranguriam cum aqua saxifragiæ. Ad
sputum sanguinis cum succo plantagi-
nis & puluere sanguinarię. ad spasmum
de repletionem cum castoreo, ruta & sal-
uia. Contra tirones seu vermes manus,
inunctione. Contra hæmorrhoidarum
dolorem bibita cum puro vīno & super
dolorem inuncta. Item contra omnes
febres, præter acutas, bibita ante acces-
sionem. habet vim theriacæ & est pro-
bata contra theriacam. Valet super om-
nia contra morbos pestilenciales, & epi-
demiā & epilepsiam sumpta per os,
& inunctio valet super dolentem locū
in omnibus causis frigidis. Item nullum
animal venenosum ei audet appropin-
quare. Valet contra omnem tumorem
& inflaturam sæpius inuncta. Expellit
omnem ventositatem & torsionem in-
testinorum sæpius bibita. Item regium
morbum sanat bibita & inuncta. Con-
tra omnem inflaturam cuiuslibet mem-
bri, si intingatur lana succida, calida, &
tumori

tumori apponatur. Valet contra rupturam sumpta ieiuno stomacho. Item si caput scabiosum frequēter irroretur cum puluere sanguinis leporis. Item omne genus vermium in capillis necat & occidit si sæpe inungatur, & cutem mundificat saniemq̃ consumit: mutos facit loqui si sæpius sumatur cum theriaca per os. Valet ad peripneumoniam omneq̃ apostema phlægmaticum sumpta per os cum aqua maluarum calida. In dolore capitis antiquo ex frigida causa multum valet, si caput ex ea inungatur: nam canos retardat, iuventutem conseruat: tineam capitis & scabiem sanat si quolibet manē, meridie & sero lauetur ex ea. Item memoriam specialiter iuuat sæpius bibita. Valet cerebro confortando si sæpius ex ea caput vngatur & odoretur. Item si in caput purgia apponatur, & distemperetur cum modico theriacæ, recipiaturq̃ ieiuno stomacho bis vel ter diebus dispositis, curat perfectē. Item contra epilepsiam si bombyx in ea intingatur ponatūque ad nares, & deinde pulsus inungatur.

Item valet contra oppilationem narium
ſæpius bibita, ſupraq; caput poſita, &
ſæpius odorata. Item contra apoplexiã
ſimiliter adminiſtrata. Item contra para-
lyſim lingue & membrorum tremorem
& conſumit phlægma ſi bibatur modo
prædicto, & peciola linea teneatur in
dicta aqua intincta ſuper linguam reite-
rando, & ſaluabitur perfectè. Si neceſſe
fuerit bis vel ter reponatur, donec per-
fectè ſanetur. Item contra torturam fa-
ciei ex verberatura factam vt contingit
ungatur facies ex ea, quia ſanabitur per-
fectè. Contra melancholiam & triftitiã
quolibet manè ſumatur medium co-
chlear cū paruo ſcypho vini odoriferi:
nam ſumentem lætificat & hilarem red-
dit. Omnes virtutes animales potata
confortat. refert odorem cuiuslibet rei
ſecum commiſtæ: & omnis liquor cum
ea commiſtus eſt conuertibilis. nec ali-
quid in ea poſitum poteſt vnquam pu-
treſcieri. Contra caliginem oculorum
poſita vel iuncta lachrymas deſiccatur &
telam diſſoluit: & eſt mirabilis guttæ
frigidæ oculorum, & contra vngulam
& la

& lapidem oculorum intus & extra posita, ac sæpius bibita. Valet omni visus debilitati ex spiritibus turbidis & crassis, si sola circa tempora & palpebras intus & extra posita & inuncta sit. Lapidem in renibus aut vesica induratum nouem mensibus frequentata dissoluit, vt dicitur à Philosophis. Contra omnem passionem, iliacam & colicam & omnes dolores stomachi inuncta & bibita. Contra dolorem dentium & corrosionem gingiuarum bibita & inuncta. bibita & gargarizeta anhelitum foetidum emēdat. Valet ad asthmaticū decoctione ficuum & liquiritiæ. Item contra obstructionem splenis & hepatis & renum. bibita & inuncta valet super omnem medicinam. nervos de nouo contractos sanat inuncta sæpe ac sæpius. Omnem dolorem ac guttam ex frigida causa factam cum bono vino odorifero sumpta & super dolorem inuncta. Item rugam & lentiginem faciei depurat & facit faciem splendidam & bene odoratam: impetiginem & serpiginem destruit superposita. Item hydropem

ex frigida causa in potu sequentata curat, si ex ea sumatur quotidie ter ad quantitatem dimidiæ testæ oui. Item omnem quartanam additis debitis radicū & herbarū proprietatibus quæ ad morbi indigentiam spectant, sanat citò, data ante accessionem. Item contra dysenteriam diariam, lienteriam, dysuriam, præcedentibus alijs medicinis physicalib. Valet ad sterilitatē ex frigida causa, sæpius potata. Valet ischiadicis, arthriticis, podagris ex frigida causa, purgatione conuenienti præmissa, si cum ea lauentur, multum valet, quia malas carnes corrodit, & bonas conseruat, nec permittit eas putrescere. Valet contra fistulam, Noli me tangere, & omnes similes morbos. Venenum expellit data cum theriaca vel cum aqua calida & in dolore capitis: eodem modo cum quis percussus est à malitia Mercurij. Vinum corruptum & acetosum reparat & reducit ad pristinam bonitatem: mustum clarificat, si modicum de ea imponatur: omne crudum in ea proiectum statim se apprehendit, vt coctum ad ignem.

ignem. Item si peciola linea subtilis in ea balneetur, comburitur in pulueres. Vitellum oui crudum in ea positum, cōgelatur. Percussus à malitia Mercurij loco inducto ista aqua & oleo benedicto vel laterino, curatur: & ex eis ana parū bibat. Quicquid ex ea linitur, ardet: vinum & acetum corruptum reparat, & ad pristiuam bonitatem reducit, si de ea aliquid ibi ponatur. Per secundum autem modum vsque ad decimam distillationem deducta verè omnia facie quæ de aqua vitæ & oleo Philosophico in libro Aristotelis Perfecti magisterij sunt conscripta. Si in aqua vitæ carnes crudas aut coctas vel pisces ponantur nunquam putrescunt. Matricem vitiatam etiam gallinæ sanat. Vulnera putrida sanat & cōsolidat vehementer. Multa quidem & alia vtilia humanæ nature procurat per gratiam dulcissimi Domini Iesu Christi. Si vis eam probare præsertim quæ tertio distillata est secundum artem: accipe pullum bene deplumatū & exenteratum, & calefac eum ad ignē in manu tua ita quòd vix tenere possis

in manu, & statim linias eum intus & extra cum dicta aqua calida bis vel ter, postea pone dictum pullum ad Solem per duas horas, postea pone ipsum ubi vis, & nunquam putrescet neque corruptionem patietur, dum mundus fuerit.

Nobilissima aqua pro oculis & cet. Cape rutam, agrimonium, satyrion cum radicibus, chelidonium, saccharum, lapidem calaminarem. Ista simul contere & pone in alembico & distilla inde aquam ad leuem ignem. Hæc aqua multas habet virtutes: nam nullus dolor oculorum tam magnus inuenitur qui sit curabilis per aliquam medicinam, quando curetur per istam prædictam. Ista aqua bibita ieiuno stomacho depellit omne venenum, & purgat stomachum ab omnibus malis humoribus. Item ipsa potata ieiuno stomacho, liberat hominem hydropicum ex causa frigida. Extinguit sacrum ignem in tribus diebus, si stupe cannabis in ea intingantur & per modum emplastri superponantur. Et scias quod ista medicina valet contra ignem sacrum nigræ dispositionis

nis exterius calidum. Et quando est vndiq; exterius rubeus non apponas emplastrum supra ignem illum. Aqua ista bibita cum aloe curat morbum cancri, dummodo fiat emplastrum de prædicta stupa in ea intincta, & emplastrū bis in die mutetur.

Aqua ad multa vtilissima & potabilis sic fit. Recipe semina pimpinellæ, sinapis, petroselini, apij, caryophyllorū, mastiches, ana: bene ista terantur, & misceantur cum sanguine hirci, & apponantur in modico aceto boni vini & dimittantur simul, & cooperi hoc bene in aliquo vase & dimitte stare per aliquot dies secundum industriam medici: postea ponantur in alembico & distilletur inde aqua ista, quæ multum valet calculosis, siue calculus sit albus siue rubeus, acutus vel planus, vel confirmatus, si patiens biberit vel comederit ieiuno stomacho de illa aqua, calculus recedet & frangetur & emittetur vt arena. Item si capita scabiosa in hac aqua laueris semel, curabuntur, & noui capilli renascentur. Item in quacunq; parte

corporis fuerit scabies, si abluatur cum hac aqua curabitur infra tres dies vel quatuor. Si bibatur ieiuno stomacho facit bonum sanguinem & colorem in corpore hominis super omnes medicinas. bibita bis in die fugat omnem paralytim de corpore hominis, dummodo paralytis non sit mortua in membro vel nervis: hæc vltra omnes species confortat nervos: specialiter depellit morbum caducum, si bibatur bis in die.

Aqua optima ad morbum caducum & alia multa, & vocatur aqua hirundinū. Accipe hirundines iuvenes & pulveriza, & puluerem misce cum castoreo & modico boni aceti & pone in alembico & distilla inde aquam quæ habet multas virtutes. Primò hæc aqua bibita ieiuno stomacho est vera medicina contra morbum caducum à quacunq; causa provenientem etiam si homo passus fuerit talem morbum per quinquaginta annos, curabitur si quotidie vtatur patiēs ipsa aqua per quadraginta dies. bibita ieiuno stomacho nouem diebus curat phrenitidem, Supra omnes medicinas

cinas facit bonum cerebrum. Purgat stomachum & pectus: mollit & confortat nervos: eradicat paralyſim: augmentat naturam, & inſrigidatos homines calefacit. Item ſi coquatur cum hyſſopo & bibatur ieiuno ſtomacho, curat hydropiſin ex frigida cauſa proueniētem & febres quotidianas. Caueat tamen mulier imprægnata, quia abortiret aut foetum interficeret: bibita cum hyſſopo remouet dolorem capitis facitq; hominem bene dormire, comedere, & digere, bene aſſellare, vrinare &c. Hæc aqua remouet pilos de quocunq; loco ſi locus inde lauetur, & nunquam reuertentur.

Aqua laſſida ſic fit. Cape hyſſopi, gladioli, ſauinæ, abrotoni, ana, ſimul pone & cum alembico aquam diſtilla: quæ ſemel in die bibita ieiuno ſtomacho curat omnem capitis dolorem. Valet contra omnes febres calidas & frigidas. In mulieribus ſummè prouocat menſtrua, ſi ex ea ter bibant. Caueant ſi ſint prægnantes, quia foetum interficerent. Valet contra omnes fluxus ventris, & be-

ne purgat stomachum à malis humoribus. Interficit omnes vermes in corpore hominis existentes, si ieiuno stomacho patiens de ea bibat. Ista aqua manè bibita cum castoreo curat omnem paralytim in tertia die: & debet sumi ita calida vt homo potest sumere.

Aqua dealbatiua. Recipe talpam & pulueriza cum sulfure, & appone succum chelidonij, & dimitte simul stare per aliquot dies, postea pone in alembicum & distilla aquam quæ habet plures virtutes. Primò, si cum illa aqua ablueris per nouem dies aliquod animal nigri coloris, illi pili dealbabuntur vt nix in loco vbi inunctum fuerit. Item hæc aqua commista cum cera & aloë curat omnem guttam, si locus cum ea vngatur. Cum ista curatur morbus qui dicitur Noli me tãgere, si cum ea fiant emplastra & superponantur. Purgat capita scabiosa inuncta super ipsa. Curat igne sacrum per emplastra superposita. Hæc aqua cum lapide calaminari & aloë commista, curat perfectè lupam morbum, si bis in die super ea emplastretur, & infirmitas

mitas bene abluatur cum eadem commistione. Et scias quòd ista aqua nullo modo debet sumi per os.

Aqua conseruatiua sic fit. Sume petroselinon & pista in mortario, & distilla aquam quæ multum valet: nam bibita ieiunè consumit omnes ventositates & de corpore expellit. Facit bene digerere & comedere. Bibita cum saccharo & cinnamomo valet contra tussim, & pectoralia purgat à malis humoribus.

Aqua mystica saluiæ, sic fit. Cape saluiæ, pulegij, ana, & contere in mortario, & pone in alembico ad distillandū. Hæc aqua calefacit omnes in frigidatos quicuncq; fuerint bibita ieiuno stomacho per nouem dies. Cocta cum castoreo & bibita ieiunè calida per tot dies prolongat vitam infirmī vel sanī vsque ad periodum. Remouet omne malum ventris, & curat similiter omnem guttam & scabiem, facitq; bonum sanguinem & optimum in facie colorem. Item ter bibita in die & calida valet contra multas infirmitates, & curat infra octo dies,

Et nota quòd omnes prædictæ aque
secundum suam primam distillationem
præter dealbatiuam, acceptæ & in
decoctione prudenti & proportionem
cum castoreo, rhabarbaro & saccharo
quousq; tertia pars sit consumpta, sunt
veræ medicinæ contra omnes infirmi-
tates corporis internas, & debent sumi
per os: & hoc nunquam fuit inuentum
nec inueniri potuit per medicos. Si au-
tem infirmitas fuerit extra corpus, su-
matur quantitas aquæ prædictæ & po-
natur in aqua dealbatiua in sua propor-
tione: & species prædictæ, & decoqua-
tur prius, & lauetur infirmitas cum hac
medicina, & de ipsa fiat emplastrum su-
per morbum, & patiens de ipsa sine a-
qua dealbatiua sumat per os, & cura per-
ficietur. Et est sciendum quòd beatus
Aegidius existens in heremo examina-
uit & probauit omnes virtutes aquarū
prædictarum. Ergo hūc lib. compilauit
dicens, Quicumque vult malum sancti
Aegidij sanare, apponat in profundita-
te infirmitatis de hac aqua, & postea de
super emplastrum de canapo intinctū
in

in aqua ipsa, & impleat totum vulnus. Ista est perfecta medicina vt probauimus. Et isto modo curatur cancer & fistula, ita quòd nunquam amplius lædēt in tali loco. Hæc medicina curat lupam & ignem infernalem, & ignem Græcorum, & Sodomorum. Item si quis de ista commistione aquæ frigidæ biberit in sero, liberabitur ab omni lepra, & ab omni paralyti & speciebus eius, à quacunque causa proueniant: & quod hac medicina non curatur, nec alia curabitur.

Aqua viuificans, & de antiquo iuuenem faciens secundum Raymundum Lullium. Accipe terebinthinæ libram vnā, mellis libram semis, aquę vitę ter vel quater distillatæ quartum vnum, ligni aloes bene triti, sandali citrini ana ʒ. iij. gummi Arabici ʒ. j. nucis moschatæ, galangæ, cubebę, cinnamomi, mastiches, caryophyllorum, spicæ nardī, croci, zingiberis ana ʒ. iij. musci finī ʒ. j. ambræ ʒ. ij. Hæc omnia bene terantur & inuicem misceantur imponendo in alembico vitreo bene clausis iuncturis

quousq; habueris primam aquam lim-
pidam sicut aquam fontis: & cum secun-
da voluerit exire quæ erit sicut carbo i-
gnitus, tunc fortifica ignem motu con-
tinuo, & non per saltum, & ipsam aquã
per se recipe. Postea cum tertia exire in-
cipiet quæ est nigra & spissa sicut mel,
fortificabis ignem quousque totum li-
quorem habueris.

Et scias quòd quælibet harum aqua-
ram est calida, vltima tamen magis cali-
da quàm secunda, & secunda quàm pri-
ma. Prima vocatur mater balsami: secun-
da oleum balsami: tertia balsamum arti-
ficiale. Prima aqua est clara, quam pota-
bis cum vino tepido præcisè. Secunda
autem & tertia valent ad fomētandum
& remouendum infirmitates quæ noui-
ter carnes erodunt humani corporis.
Prima aqua tepida potata cum vino al-
bo tepido cōsumit phlægma in ore sto-
machi, & reddit appetitum comeden-
di & purgat stomachum ab omni malo
humore: ipsa etiam potata non permit-
tit apostema venire ad cor nec ad par-
tes cordiales; & probaui hoc sæpius. Itē
panniculus

panniculus subtilis lineus madefactus in hac aqua & positus in naribus quantum potes intromittere cum paruo digito curat à rheumate: & hoc fiat dum patiens intrat in lectum, & panniculus intra dimittatur. Item ipsa aqua anhelitum foetidum à quacumq; causa, si bibatur manè & sero curat: dentes cum ea lotos fortificat & dealbat, Idolorémque totaliter remittit, siue sit ex humore (seu pituita) siue ex sanguine putrefacto. Itē quicquid fuerit in ea positum integraliter custodit à putrefactione. Vulnere ex ea lota & fistulam & quācunq; aliam infirmitatem reducit vt probauī per pannum madefactum positum super vulnera. Valet contra quartanam si spinam dorsi fortiter fricaueris cum ea per aliquot dies. Valet contra scabiem si cum aqua ista eam laueris. Valet hemorroidibus si pannum madefactum super eas posueris. Valet contra omnem surditatem, si modicum cum bombyce imbibita in ea, posueris in aure. Valet contra ruborem faciei si cum ea inunxeris, Valet contra linguæ paralytim, Ec

generaliter valet contra omnes infirmitates etiam ex frigida causa prouenientes. Secunda & tertia valent contra No lime tangere, contra morbum regium colli & gulæ. Contra fistulam & malum mortuum, præsertim si recenter venerit, omnia prædicta lauando, fomentando, pannum superponendo frequenter, curat. Item si collisus lapidibus, fustibus, vel baculo fueris, aut ab alto cecideris, costas sue fractas habueris, si ad ignem cum ista aqua bene fricatus fueris, curaberis. Item interficit araneam, si cum illa fuerit tacta, quia ei nullum venenum applicatur. Item paralyfim omnium membrorum curat, si quis cum eisdem vnctus fuerit: confortat omnia membra corporis si cum ea lauata fuerint. Et scias quod prima aqua istarum trium generaliter continet omnes virtutes illarum. Sed in infirmitatibus corrosiuis plus valent aliæ duæ quàm prima: & plus tertia quàm secunda. Et harum aquarum virtutes nō dicuntur tot, quin plures sint. Quare vtiliter habeas, quia valent cōtra omnem infirmitatem quæ procedit

procedit ex sanguine vel phlagmate putrefactis. Et sic finitur tertia diuisione aquarum.

Candida sic fit. Recipe Mercurialis & sacchari, ana, & simul commisce, & fac stare per nouem dies: postea extrahe oleum ad modum & vsum laicorum. Istud oleum est perfectum si bene & perfecte fiat. Si ponatur in ampulla vitrea lucet de nocte. Istud oleum facit pulchrum colorē in facie hominis vel mulieris. Item si quis de hoc oleo quolibet manē bibat etiam si esset centum annorum, color eius in facie iuuenescit, & omnia membra eius alleuiantur, & non posset fieri aliquo modo tristis. Si quis de hoc sumat ieiuno stomacho usque ad quadraginta dies perfecte curat morbum caducum de quadraginta annis. Item ista candida confortat nervos ultra omnes species. Item ista cum castoreo & sumpta per os remouet omnē contractionem nervorum, & facit nervos dormientes (seu stupidos) sanos. Quare ipsam his rebus præferimus preciosam. Item gutta eius summo manē in

oculis posita vltra modum clarificat ipsos & sanat. Item recipe istam aquam candidam, seu oleum, aurum foliatum, margaritas orientales, rhabarbarum, ana, simul terantur: ipsa enim est summa medicina lepræ, dummodo quolibet sumatur ieiuno stomacho, perfectè curat lepram & facit pulchrum colorem: sed oportet quòd parum bibat & bonũ vinum in hac cura: & tandiu vti debet ea medicina quòd color eius in facie sit bonus, & erit perfectè sanus & curatus Deo concedente.

Sperma solis sic fit. Recipe semen solsequij & contere & postea pone in lacte mulieris nutrientis infantem masculum diebus quatuor vel decem: deinde fac oleum ad vsum laicorum. Istud oleũ confortat virtutes principales, si illum decoxeris cum auro foliato leuiter bulliendo per vnum diem, & in hoc oleo si laueris capillos hominis, facit ipsos de colore auri. Item si quis faciem hominis vel mulieris cum hac medicina lauerit vel fricuerit, faciet carnem planam & elaram & nimis pulchram. Et scias quòd

quòd si ista medicina fuerit bene continuata, durabit color eius per annum. Ista medicina clarificat visum & sanat de quacunque infirmitate infra decē dies, dummodo pupilla oculorum sit salua. sanat omnem infirmitatem dentium infra tres dies, si gingiuæ inde fricentur bene. Et si ibi esset vermis morietur & cadet. Item si infirmitas gingiuarum sit ex gutta vel aliqua alia specie paralyseos curatur infra tres dies. Item si quis bibat de hac medicina nouem diebus curatur de paralyfi à quacuncq; causa proueniente, etiam si per quadraginta annos durasset.

Sperma rutæ sic fit: Semen rutæ pulveriza & commisce cum auro foliato, & pone in aceto per vnum diem naturalem, postea leuiter desicca ad Solem, & extrahatur oleum ad modum laicorum; nam istud oleum est valde preciosum. Si quis bibendo vel comedendo sumpserit venenum, & biberit de hoc oleo, venenum euomet. Et si secundò biberit, euomet omnes malos humores ex hoc veneno creatos, Et si tertio sum-

pferit, curabitur. Item hoc oleum sanat omnem dolorem oculorum à quacunque causa, dummodo pupilla remanserit in oculis, & bis in die cum oleo hoc lauetur, & vna gutta in oculo infundatur, & fiat cura perfectè infra tres vel quatuor dies. Item dictum oleum sumptum ieiuno stomacho non permittit venenum appropinquare homini illa die. Item si homo vulneratus vulnere mortali ieiuno stomacho sumpserit de oleo isto perfectè euadet de hoc vulnere, dummodo medicinis pertinentibus vulnere & vnguentis regatur. Item sperma rutæ bibitum ieiuno stomacho depellit omnem guttam & scabiem de corpore humano. Si patiens hydropis in à causa calida vel frigida biberit de ipso per quadraginta dies, absq; dubio sanabitur. Item sperma rutæ viuificat membra dormientia.

Rubria sic fit. Cape semen nasturtij & madefac in aceto bono, postea de sicca ad Solem & extrahe oleum ad modum laicorum. Ista medicina mista cū aloe & oleo laurino, est perfecta contra
omnem

omnem scabiem & guttam, si locus cū ea inungatur. Item rubria mīsta cum aloē & oleo laurino est perfecta contra omnem scabiem & guttam, si locus cū ea inungatur. Item rubria mīsta cum aloē & carbonibus de oliuo simul pistata & bibita ieiuno stomacho depellit febrem tertianam & quartanam si per tres dies ieiuno stomacho sumatur. Item rubria cum oleo oliuæ & petroselino decocta & comesta ieiuno stomacho, curat rupturam in corpore. Item rubria cocta cum ptisana & bibita depellit fluxum sanguinis, & fundamenta constringit. Item rubria cum furfure cocta depellit omnem guttam.

Sperma pimpinellæ sic fit. Semen pimpinellæ pone (quantum vis) in vino rubeo per dies aliquot, postea desicca ad Solem & pista, & ex hoc fac oleū ad modum laicorum. Hoc oleum bibitum ieiuno stomacho sanat arenam in vesica. Si homo de alio calculo (vt renum) torqueretur, si bibat de spermate pimpinellæ, quanuis lapis sit confirmatus, dissoluitur ab eo per modū arenæ.

Et breuiter ipsum sperma bibitum ieiuno stomacho frangit calculum cuiuscunque naturæ fuerit. Item hoc sperma bibitum alleuiat membra hominis aggrauata.

Finis Artis operatiuæ Magistri
Raymundi.

AQVA DVPLICATIVA.

RE C I P E seminis papaueris albi & teratur in mortario, & adde aque conseruatiuæ præcedentis, postea pone in alēbico & distilla aquam: ista est summē medicinalis tussientibus & his qui habent malum pectoris si sumatur ieiuno stomacho, de manē frigida, de sero tepida. Item causat quietem & facit bene dormire, & bene quiescere. Item bibita calida cum castoreo valet contra epilepsiam, & sanat membra paralytica dum modo sit in membro mortificato. Item lætificat omnia membra, & ipsa rectificat

cat & purgat è malis humoribus. Item confortat caput & cerebrum.

Aqua ardens facta è vino in quo prius remollitus fuerit rosmarinus per tres dies, curat phlegma salsum, cancerum, et fistulas, quæ aliàs curari non possunt.

MODVS FACIENDI QUINTAM

Essentiam simplicem, breuiter descriptus à Guilhelmo Gratarolo Medico.

ACcipe vinum melius quàm inuenire queas, quod nec turbidum, nec corruptum sit, & illud per canonem seu tubonem toties distilla, vt facias meliorem aquam ardentem quàm possis, vt est è tribus vsq; ad septem distillationes: & hæc est aqua ardens ad quam medici hodierni & physici aliqui peruenerunt: ex qua elicitur quinta Essentia. Facta dicta aqua, cures fabricari in fornace tua duo vitra vel vnum, nempe distillatorium integrum & vnius frusti, cum solo foramine in capite (appellant aliqui vas Hermetis vel vas cæcū) per quod inijcitur & extrahitur aqua,

o

videbís apud alios tale instrumentum mirabiliter formatum: nam quod ignis vi sublimatur & ascendit intra vas per canones seu tubos brachiales, idem regreditur, & postea descendit: & rursus ascendit, & descendit quotidie, die noctuq;, quoad aqua ardens versa est in ether, seu quintam Essentiam, quæ quæritur à doctis.

Facta verò per multos dies tali distillatione, vel sublimatione, & circulatione, aperies vas in foramine quod sigillatum erit luto Sapientiae facto ex farina tenuissima & albumine oui & papyro seu charta humida diligentissimè confusa & mista, bene obturando ne respiret. Et tunc cum foramen aperies, senties odorem qui supermirabilis esse debet: ita ut alius quicumq; odor illi æquiparari non possit. Et cum dictum vas haud videretur in aliqua domo (ut etiã ex Ioanne de Rupefcissa habes in hoc volumine) qui talem odorem sentirēt, coacti essēt (dulci violētia) sequi odorē. Quē si nō reperies talis excellētię, sigilla ut prius tuū vas, & pone ad ignē inferius

rius descriptum, vt per sublimationem & circulationem ipsius vasis, habeas rē desideratam: Et vt inuenias hanc quintam Essentiam inæstimabilis odoris vt superius dictum est: & reducetur ad certam incorruptionem, & non habebit illum odorem quem in ore tuo præbet aqua ardens: quia aquæ ardentis odor et sua humiditas ex toto corrumpitur & remanet separata in fundo vasis: & ita habebis quintam Essentiam.

Ignis autem, de quo supra, sic paratur: stercus equinum bonum seu recens cape, & in aliquo vase aut in fouea in terra tere, quæ intus circumcirca sit ex cinere illita & coaptata ex pasta cineris: & in medio stercore bene pistati pone vas distillatorium vsq; ad medium vel parū plus: nam necessarium est vt totū caput vasis maneat in aere frigido, vt quod caloris vi ex fimo ascendit in vase caput eius petēs, vi frigoris ambiētis aeris conuertatur in aquam & cadat infra continua circulatione, sic ignem habes sine sumptu.

DE VIRIBVS, VSV, AC MI-
stione aquæ ardentis: eodem authore Guilhel-
mo Gratarolo Medico.

INter medicorum plurima instrumen-
ta, mirabilia quædam fiunt ex ferro,
lignis, vitro, vt peritis chirurgis no-
tum est: item oleis, vel simplicibus, vel
compositis probè distillatis, vt petro-
leo: quod simplex esse potest, vel ei ad-
di euphorbium, ammoniacum, & huius
modi, pro vsus varietate & intentione:
quibus quidem mistio fit vel dum fiunt
vel dum facta sunt: de quibus, tum etiã
aquis extrahendis, cum ab Euonymo
Philiatro amico meo, atq; ab alijs: tum
nuper à Iacobo Bessono, methodus tra-
dita est: quo in oleorum numero sunt,
olea balsami vocata, oleum terebinthi-
næ, iuniperi ex granis vel ex ligno: scor-
pionum, &c. de quibus alij tractarunt.
fiunt etiam mirabilia de vinis artificiali-
bus, de quibus præter Dioscoridem &
alios, Arnaldus Villanouanus propriũ
edidit libellum: Et nos quoque, si Do-
minus vitam & ocium dederit de vtilio-
ri & vario vini aliorumq; potuum arti-
ficio

ficio, conseruatione, cognitione, ac vfu, nonnulla scripsimus & propediem edemus. Sed mirabilia fiunt iisdemmet vinis distillatis, simplicibus, aut compositis, atq; aquis exinde distillatis, pro iterationis & varietatis ratione: veniunt in vsum & aquæ fortes vocatæ, vt ad mortificandum cancrum, fistulas, dolorem dentis sedandum &c. Quæ potius ad chirurgos & artifices, præsertim aurifabros, spectant: in quorum gratiam fortasse olim non pauca, optima, & hætenus ferè occulta, in lucem dabimus. Sed nunc de laudata & mirabili illa vini aqua, seu anima, & spiritu, dicamus: ex qua ritè selecta & circulatione multiplici perfecta, fit tãdem æther, de quo multiscius Cardanus superiori anno libellum, sibi clauæ suæ seruata, edidit.

Aqua igitur ardens (vt in summa dicam) potest fieri vel è simplici vino, vel admiscendo species, aut herbas, aut gumi, aut tartarum: semel, aut pluries distillando: vel cum simplici alembico, vel cum cupa aqua frigida plena, per quam distillationis coluber ponitur, & quo-

modocunq; fiat, ea possumus cum alio liquore vti sicuti est, vel aliqua, iuxta casus, adiungere: vt mastiches puluerem &c. Pro frigido ventriculo: flores anthis pro vita ad præfixum terminum protrahenda: virtutes enim miraculose illi probè factæ attribuuntur. In primis ardet sine dāno subiecti, redolet, sapit: ad omnes valet ægritudines, passionēs & dolores ac languores ex causa frigida: atq; tales morbos & mēbra affecta, dat cū his quæ vnicuiq; aut singulæ rei magis appropriantur, vel simplicia sint vel cōposita: quantitas autē, tempus, & alię circumstantię vix scribi possunt, sed prudentię medici & iudicio relinquuntur: in hoc tamen volumine, tum ex Rupe- scissa, tū ex Sauonarola habebit lector modum & doses seu dationes in vniuersum. De qua prius in genere sententiam meam dicam, tum ad particularia in iuniorum gratiam descendam.

Bona igitur aqua vitæ fiat ex optimo vino, id est ex spiritualiori & minus terrestri, quale est Maluaticum, Corsicum, Græcum, Montanum &c. iteretur distil-
latio

lato quinquies per circuitum serpenti-
 nae, quæ ex argento fieri deberet: fiat
 in vasis vitreis, non in plumbeis, aut ter-
 reis, aut æneis, vel cupreis, vt ab alijs
 quoque animaduersum est. Imò aqua-
 rum distillatio quæ de herbis fiunt in va-
 sis plumbi cuius humiditas est multa &
 sulfur impurum: & ex quo fit cerussa &
 venenū vel terre, cuius fex est multa: sta-
 tim putrescūt & corrūpūnt: nec vlla in
 re valent, nisi diu soli expositæ steterint
 vbi corticem superius mittunt, & faeces
 inferius: quæ amouentur colando per
 pannum subtilem &c. Si autem in vi-
 treo vase fiant, statim in vsum transire
 possunt: & vna gutta valet decem alte-
 rius. Ideo tales herbarum distillationes
 (cum etiam earum virtus aduratur) ni-
 hil curo: sed succis, aut substantia, aut ea-
 rum decoctis secundum artem factis li-
 bentius & tutius vtor. & præstaret vt
 omnis herba quæ distillari debet, pri-
 mō parum siccetur, postea temperetur,
 aut irroretur vino albo, postea parum
 siccetur, & arte distilletur. Sic diutur-
 nior & melior fieret: potest verum vini

accipi oligophoron aut meracius pro
ratione intencionis curandi: tum demū
aquæ infrigidantia vel calfacientia mi-
sceri vel infundi &c. Signum autem me-
lioris aquæ vitæ & quinquies aut plu-
ries stillata est, cum lineus pannus ea
madefactus post aquę adustionem etiā
aduritur: quia signum est quòd nulla in
sit fæx phlegmatica, quæ pannum ab
adustione tueatur. Si aquam vitæ cum
alijs (vt aromatum) additionibus face-
re vis: satis est si talem simplicē habeas
quæ quasi materia prima est ad omnia:
nam quancunque rem vis subtiliter in
puluerem redactam tribus horis immi-
sce, & tunc habebit totam rei virtutem:
cuius signum est, quòd si coletur fæx,
nullum omnino habet odorem aut sa-
porem. Aqua enim vitæ trahit substan-
tiam seu formam & animam, adeoque
odorem & saporem, quarumcunque re-
rum, vt cinnamomi &c. Ergo miscen-
do parum eius cum multo vini, facies
claretum, aut aliud, iuxta id quod in ea
dissolueris: siue sit aroma, siue radix, si-
ue gummi; nam habebit eius odorem
&

& virtutem, pones vnam vel alteram guttam in calice vini, fiet illius saporis: atq; ita qui vinorum varietate apud hospites gloriari volunt, facile hinc assequuntur quod quærunt parua (modò sciant) impensa. Parum item huius aquæ, sed bonæ, vt superius dictum est, facit multum pauciferi aut vilioris vini bonum: imò etiam corruptum rectificat, atq; pendulum vinum minimo artificio non semel ego correxi & restitui hac mediante. quid quòd aqua communis cum pauca huius efficitur quasi vinum: vel etiam si scyphus in ea intingatur. Particularium ergo exempla & exercitationes, breuiter subiiciamus: Ad rheumaticos vel hoc modo, vt alios omitteram, prodest: si propè lectum aspergatur tegulæ candenti cum calamento, amaraco & huiusmodi, vt vaporem per os & nares recipiat. Ad rheuma descendens ad pectus, sumatur cum tragacantho, penidio, styrace, vel albo marrubio: ad corizam seu narium ex pituita obstructionem, trahatur cum succo hederæ terrestris. Contra narium foror

rem, cum castoreo vel euphorbio. Contra oris foetorem cum nuce moschata & caryophyllis aut mentha. Ad faciei lentes, morpheam, seu alphos, & alias maculas, cum aqua rosacea, vel si fortius agendum, cum oleo tartari aut eius farina. Ad leproforum pustulas, ne erumpant, cum succo fumiterræ, lapathi, & aceto. Ad cutim subtiliandam, sordes, & immunditias auferendum, cum forti lixiuio, melle, & farina lupinorum aut cicerum. Pustulis cum lithargyrio & oleo. Guttæ rosæ, cum sale, Mercurio, & sanguine porci. Morpheæ veteri cum cuperosa. Valet contra venenum ferè omne in cibum sumptum cum theriaca & nucibus. Ad venenum vermium & serpentum, cum succo porri. Ad morsum rabidi cum vrina. Ad omne vitium intestinorum & membrorum interiorum (intelligo ex causa frigida) cum ligno aloes vel moscho, vel mentha. Ad siliacam passionem cum cinnamomo, vel amomo, vel semine rutæ & similibus. Colicæ passioni & intestinorum dolori cum diacatholicone: vel, si fortius,

tius, cū diaphænico. Testium infla tion
cū vuis passis vel cimino &c. Ad lūbri-
cos occidendos cū graminis radice, vel
centonico, absinthio seu semine sancto
seu Alexandrino. Vētriculo cōfortādo
cū diagalāga. Hydropi ex causa frigida
cū cōferentib. Ita hepatis obstructioni
cū mentastro, origano, eupatorio. Ab-
scessui hepatis, cū absinthio &c. Ad syn-
copim cum osse de corde cerui, vel dia-
margarito, aut ocimi semine. Ad lethar-
giā cum ruta & aceto. Ad phthisicos cū
caphura. Ad hæmorrhoidas cū sangui-
naria. Pleuritidi cum scabiosa & scario-
la. Vrinæ difficultati, cū helxine seu pa-
rietaria, paucedano. Ad impedimentū
coitus in frigidis & maleficiatis cū diafa-
tirio. nimio menstruum profluvio cū
plantagine, præferrim extra. Suffoca-
tioni à mensruis, cum rosaceo inferius
infuso. Excoriationi matricis: aposte-
mati vberum: podagræ, ischiadi, para-
lysi mēbri alicuius: quia vniuersalis nō
curatur, præcipue inueterata. Cancro
oris & gingivarum, si in ore teneatur:
dolori & motioni dentium. cancro vir-
gæ & alibi siue interna siue externa fue-

rit causa: anthraci & carbunculo iam ruptis. Fistulam mortificat, facta prius debita incisione. Omne vulnus putridum mundat & sanat. Curat quartanam si ante accessum sumatur. Ita cotidianā. Tertianā notā. Multa misceri possunt cum aqua vitæ: si gummi fuerint, dissoluantur, & addita aqua vitæ bibuntur. Herbae terantur, & cum die vna steterint in aqua vitæ, colatura bibatur. Pulueres verò cum aqua dissoluantur & bibantur: vel, pro delicatioribus, facta iusto tempore infusione, vel (pro delicatioribus auribus) diluto, & colo transfusa & expressa aqua, saccharo aut zulapio admisto, bibatur. Aqua vitæ cum vnguento malaxetur, & intus vtatur. Occidit aurium vermes si cum oleo persicorum distilletur æstate frigidum, hyeme calidū, & distilletur guttatim & paulatim quoad vermes mortui esse intelligantur. Breuiter aqua ardens simplex valet ad casus multos, potissimum materiales & frigidos: & iuxta casus potes & debes associare (vt superius tactum) alia, vt in paralyti saluiam & similia, & curabit, intus

tus extra adhibita. Superposita aqua ardens aquæ alteri vel vino aduritur, & alia aqua vel vinum manet. Si caphura imponatur aquæ vitæ, dissoluitur: & si infundatur aquæ communi, erit vt lac: si coletur per pannum, perdet caphurâ. Item aqua vitæ sparsa supra saccharum propter loci humiditatem aut temporis resolutum, eum durificat & meliorē quàm ante facit. Item carnes, pisces, etc. Cruda vel cocta, si in ea stent, non putrescunt: sed quia fortem acquirunt saporem, lauentur antequàm edantur, nisi sint senes pituitosi, qui his ita vtantur si ferre possunt. Imposita denti concavo aut aliter dolenti ob frigidam causam, aut vermes, statim sanat. Capilli vncti propè radicem prohibentur canescere: imò cani, consumpto ita phlegmate, citrinantur: & multiplicantur capilli. Item torturam faciei subitam, si lauetur & bibatur, sanat. Curat falsum phlegma. eius vnctio circa palpebras aufert ruborem, lippitudinem, lachrymas, pruritum, & oculos euersos. Mirabiliter sistit lachrymas si apponas thuris

mastiches, ana, 3. ij. sanguinis draconis
3. j. si sunt oculi caliginosi propter telam
aut pannum, vt vocant, aut ob defectū
(ex obstructione) spiritus visui, pone
in vino folia euphragiae, rutae an. m. ij.
verbenae m. i. chelidonij parum : trita
stent in vino nocte tota, & crastino stil-
lentur. Item si fel perdicum cum aqua
hac oculis imponitur, tollit caliginem.
Curat surditatem potata & imposita au-
ri cum bombyce maximè si in vino pri-
us fuerint flores sambuci macerati. sum-
pta per os destruit phlegma stomachi,
flatum, melancholiam, dolorem, vètris
torsiones, omnem cibum citò digerit,
consumit ciborum viscositates & sto-
machum mundat, calorem naturalem
auget, corpus corroborat, iuventutem
seruat, ingenium acuit, & intellectum
corroborat. Si melissa posita in vino di-
stilletur, & ieiunus sumat cochlear, au-
get maximè memoriam. Eius odor oc-
cidit muscas & multa reptilia. Si men-
tha & salvia apponantur mirabiliter ne-
cat omne genus vermium, & præservat
à gutta, & curat habentem eam. Curat
spasma-

spasmodicos bibita, & loco dolenti sepe
 apposita. Curat paralyfim si nucha vel
 occiput, spondylia tota, humeri iun-
 cturae &c. vngantur & patiens bene re-
 gatur quo ad victum, & semel vel bis
 facta humorum preparatione in heb-
 domada dentur pilulae cochiae iuxta vi-
 res &c. Si salvia addatur, melior erit, &
 tremori etiam confert, & similibus mor-
 bis. Valet potata cum suis appropriatis
 epilepsiae, & etiam vincta, & continua
 per annum vel plus de mane, vesperi da
 diapliris cum moscho, dianthos, diazin-
 giber &c. Sit patiens boni regiminis,
 & portet zonam de corio lupi iuxta car-
 nem nudam, & curat omni tempore &
 ætate. Item (facta conuenienti purga-
 tione) si palatum & nares bene lauen-
 tur intra cum ea, curat apoplexiam, li-
 thargiam, corizam, catarrhum, & omne
 genus rheumatis, & phantasticam ac
 melancholicam passionem. Valet in
 omni dolore, morbo &c. ex causa frigi-
 da, si insumatur & inungatur. Sola lotio
 cum prima aqua sanat cancerum virgæ.
 Ad hydropicum frigida causa, Recipe

aquæ ardentis libram vnā, olei iuni-
perini libras duas, mellis mundati quar-
tum vnum distilla simul, & vnge ab um-
bilico ad pectinem frequenter & diu
vsquequo iuuet, & in cibis vtatur aqua
ardenti, & de ea bibatur cum decoctio-
ne rubeæ maioris. Sumpta per os cum
theriaca destruit omne venenum. Ad-
uerte tandem, quòd quæcunq; species
aromatica vel herba viridis aut sicca im-
ponatur, manet virtus & odor, nisi vio-
læ, cuius odor perditur: & si parum vini
illius (vt superius dictum) in multo alio
ponas, facies in promptu vinum caryo-
phyllatum &c. Et ita quilibet intelligēs
potest aquæ simplicis aut compositæ
utilitates ad multa ex iam dictis exten-
dere: hoc etiam animaduertens, vt in ca-
lidorum morborum medicina parum
aquæ vitæ ponat, in frigidorum plus.
Si radicem fœniculi mundam & inci-
sam per rotulas in residuo aquæ arden-
tis (prima ex meliori extracta) ponas
per horas viginti quatuor, post distille-
tur, ardebit vt prima: & est bona ad vi-
sum clarificandum & alias oculi passio-
nes

AQVAE ARDENTIS. 229

nes, extrahit ferrum à mēbro, curat sup-
puratus. Si bibatur: sanat ficum, cancrū,
& omnia vlcera & vulnera à putrefa-
ctione seruat, abluendo & apponendo:
curat omnem guttā & pruritum pedū
hydropicum de causa frigida, colicam
& iliacam, parat matricem ad conceptū
& cetera multa.

Compositio grandis: Recipe sal-
uiam, mentham, hyssopum, stœchadem
picem, terebinthinam, oleum, sal nitrū,
sal commune, mastichem, mel, euphor-
bium, bdellium, sagapenon, opopana-
cum, pyrethrum, cappares, schœnan-
ton, spodium, piper album & nigrum,
castoreum, zedoariam æquis portioni-
bus, moschi boni parum, ambræ, croci,
osis de corde cerui &c. Hoc summè va-
let & quasi miraculosè frigidis ægritudi-
nibus, & etiam calidis si scias bene vti:
eliciatur inde cum vino aqua in vitreo
vase secundum artem.

Quidam non infimus vir, ex simplici
aqua vitæ boni vini quinquies distilla-
ta, quæ adurit etiam lineum in quo stas
&c. & de aqua sanguinis humani, (de

qua in hoc volumine) & cum diarhodonē abbatis faciebat miranda: ita quòd nullam medicinam purgatiuam, alteratiuam, aut confortatiuam, faciebat sine his. Quantum ad laxatiuas capiebat, exempli causa, electuarium succi rosarū, aut diacartamum &c. & solū tertiam partem capit dosis solitæ, quam cum paucō diarhodonē tēperat in bona aqua vitæ quæ illud tegat, & postea colat per pannum subtilem, & colaturæ addit aquam rei ægritudinī conuenientis, vt apij pro cotidiana, endiuia pro tertiana &c. & facit dosim: quæ erit parua & limpida & multarum sellarum. Si ether vel quinta Essentia sumeretur, res esset vt diuina. Si aliquis desperatè vomat, dat constringens vomitum, additque paucas guttas suæ bonæ aquæ vitæ. Et breuiter nihil operatur sine illa iuxta tempora, ætates, morbos, plus aut minus sociando: sed procurat habere bonam aquæ vitæ, bonam aquam sanguinis humani, & bonas aquas herbarum.

Nota aquam vitæ primò exeuntem esse meliorem: secundam deteriorem: tertiam

AQVAE ARDENTIS. 227

tertiam adhuc plus: cuius signum est, quòd tertia aqua est quasi sine sapore & odore. In metallis verò & cæteris quæ distillantur & è quibus elementa quatuor extrahuntur, omnino est & oppositum, quia primum est deterius. Scito denique quòd ex decem vini mensuris in prima distillatione habebis vnam aquæ mensuram, aut plus vel minus iuxta vini potentiam, bonitatem, & spiritum: in secunda verò distillatione ipsius aquæ dimidiam partem habebis: in tertia distillatione diminuetur de quinta parte: in quarta verò distillatione habebis aquam quasi tantam quantam in distillatorio posuisti. Et in septima idistillatione erit redacta quasi ad simplex: & dicitur perfecta quia mirabilia operatur: in decima autem distillatione dicitur perfectissima, & à corruptione omnino separata, quæ perfectissimos habet effectus: est enim res ineffabilis, omnium medicinarum mater & domina, atq; mirabilis contra omnes passionēs à causa frigida & humida &c.

De aqua denique ardente omni, seu quinta Essentia, de modis distillandi, & similis argumenti rebus, qui plura nosse cupit, legat Hieronymum Cardanum lib. 10. de rerum Varietate, capite quinquagesimo, & libellū eius de Aethere: qui in genere subtiliter & paucis hæc tractat. Nonnihil etiam apud Ioannem Baptistam Montanum Tomo secundo suorum Opusculorum, in libello de Vrinis, cap. decimotertio inuenies ex physices arcanis depromptum: Apud Ioannem Langium primi Tomi, Epistola 53. vt alios omittam omnibus ferè notos.

Aqua vitæ quæ vires habet ferè omnium confortantium medicinarum & sanantium præsertim in frigida causa.

Recipe saluæ libram semis.
Absinthij drachmas duas.
Florum origani drachmas sex.
Betonicæ vnciam semis.
Rorismarini vnciam semis.
Maioranæ vnciam semis.
Pulegij drachmas duas.

Rosa

Rosarum vnciam vnam & semis.

Hyssopi drachmas duas.

Satureiæ drachmas duas.

Petroselini & eius radicis ana vnciam
semis.

Polypodij vnciam semis.

Pimpinellæ drachmas duas.

Tormentillæ vnciam semis.

Lauendulæ vnciam vnam.

Bistortæ drachmas sex.

Valerianæ drachmas duas.

Ostricij drachmam vnam.

Radicis Benedictæ vnciam vnam.

Rutæ drachmas sex.

Granorū limiperorum vnciam vnam.

Zingiberis vnciam semis.

Nucis moschatae vnciam semis.

Macis vnciam semis.

Caryophyllorum drachmas sex.

Cinnamomi drachmas sex.

Cubebarum drachmas duas.

Cardamomi drachmas duas.

Galangæ vnciam semis.

Granorum paradisi drachmam vnam.

Piperis longi drachmas duas.

Piperis nigri drachmas duas.

Croci drachmam vnam.
Calami aromatici vnciam semis.
Zedoariae drachmas duas. (duas.
Baccarum lauri sine cortice drachmas
Foliorum lauri vnciam semis.
Coriandri vnciam semis.
Anisi vnciam vnam & semis.
Liquiritiae vnciam vnam & semis.
Theriace drachmas duas.
Manus christi vnciam semis.
Sacchari candidi vnciam semis.
Cimini drachmas duas.
Carui drachmas duas.
Dictami drachmas duas.
Rhabarbari drachmam vnam.
Nigellae vnciam semis.
Corticum pomi aranci vnciam semis.
Conseruae rosarum vnciam vnam.
Psidia drachmas duas.
Mellis libram semis.
Vltimo pone moschi & ambre griseae
ana gr. 4.
Caphurae drachmam semis.
Sacchari albi vnciam vnam.
Vini sublimati quinquies de vino, &
de facibus, mensuras tres.

Radices

Radices & herbæ grosso modo.

Contusæ imponantur diebus tribus in cātharo bene clauso, quarto die sublimetur totū, postea species cōtritæ imponantur, nō cribellatę: & mitte stare 10. dieb. in cantharo bene clauso, & omni die, vel alterna, commoue, deinceps totum sublimetur in vitrum stricti colli, superponendo clepsydrā beneq; claudendo ne expiret aut euaporet, & cum album velut serū exiet, vel foetēs, tunc sufficit: & tunc impone vltimò moschum, ambram, caphuram, & saccharum contusum, alia verò tria non contusa: tunc stent tribus vel quatuor diebus, omni die mouendo semel vel bis cum lignea spatula à fundo, tunc iterum stent tribus diebus vel quatuor donec resideat, tunc clarum effunde colando per sindonem in vitrum: vltimo verò cum turbidum efficietur, iterum commisce, & iterum resideat, tunc iterum cola vt prius, & ita continua donec clarum totum habes, quæ omnia simul misce seruando in vase stanneo, quoniam vitrum destrueret: reseruetur in loco nō calido: &

virtus eius durat ad tres annos & vltra,
quoniam per successum temporis forti-
ficatur eius virtus.

Quando vti volueris tunc recipe ex
eo in paruum vitrum, & reliquum iterū
bene lutando, serua. Potest confici quo-
cūq; tēpore. Reliquias aut poteris exic-
care in vmbra super panno: & tunc to-
tum impone duabus mensuris vini cla-
ri & boni decem diebus in cantharo ob-
struso (sed omnia prius contunderem)
dehinc sublima, sublimatum serua in va-
se bene obstruso, & erit aqua nobilis, li-
cet non ita vigorosa sicut prima: valet
enim pro vngendo exterius, vel in pan-
niculo superposita in multis infirmita-
tibus.

Considerare autem te oportet, vt in
omni distillatione lutes vasa benda tin-
cta in pasta ex farina alba, ne euaporet
virtus, & si inflammaretur difficulter ex-
tingueretur: Primò enim debet fieri i-
gnis de carbonibus fortibus donec ca-
lescat in tantum vt adhuc manu sustine-
re valeas superius, tunc ignis minore-
tur, considerans vt continuè distillet
lento

lento igne, vt sustinere valeas manum
superius: non sit etiam ignis nimis len-
tus, ne exsiccet materia in olla & non
distillet. Notabis etiam saepe digito ca-
piendo, nam quando virtus minuere-
tur, vel non bene sapit, & turbetur vt se-
rum, tunc sufficit: quoniam defœdaret
præcedentem: quam seorsum seruabis,
vt supra dictum est. Si verò inflammare
tur in sublimatione, tunc funde aquam
in ignem & extinguetur, & non aperies
vasa donec distilletur totum. Hac aqua
poteris vti in cibo vel potu, multum vel
parum secū dum convenientiam, tamē
melius in sero vel manē: imponatur mi-
ca panis in cochleari, & affundātur duę
vel tres guttę & comedantur, quoniam
cerebrum confortat & omnes virtutes
corporum corroborat, confert omni-
bus ægritudinibus, omnes superflui-
tates emēdat tam in causa calida quā
in frigida: omnia membra conseruat in
naturali dispositione, tam exteriora
quā interiora si quis ea omni die vsus
fuerit vt præfertur & sequitur: habet e-
nim virtutes omnium medicinarum.

Infra triginta annos existentes non debent ea multum vti, nisi in infirmitatibus constituti, tunc possunt vti quotidie, multum vel parum iuxta exigentiā morbi, & secundum quod sentiunt utilitatem. Ultra verò triginta annos existentes, possunt vti cotidie, & quanto seniores, tanto magis possunt vti: quoniam virtutes totius corporis cōfortat, vt homo ad senectutem perfectam attingere possit.

Confert etiam omnibus ægitudinibus interioribus vt supra, vel exterioribus exterius peruncta. Confert & tempore pestilentiae sumpta vt supra, vel cum theriaca sumpta, vel exterius circumcirca linita digito. Quicumque etiam ex ea sumpserit tres guttas mane eo die non incidit in pestem. Aegrotantium nares ea linire multum confortat: summa est etiā medicina apoplexiæ & alijs ægitudinibus frigidis. Si volueris potū delectabilem habere, tūc duas vel tres guttas pone in vitrum plenum vino, coniectum: nam breui fiet satis delectabilis potus.

Sumpta

Sumpta vt supra confert stomacho frigido, & viscosis humoribus eius, si hoc facit octo diebus, & exterius secundo vel tertio die perungatur, donec factis sit.

Quibusdam mellus est sumere ad intra, quibusdam ad extra peruncta: nec vllus eo tempore aliamumat medicinam, & frigidi plus ea vtantur quam calidi.

Si quis caput frigidum vel humoribus repletum habet, recipiat ex hac in os suum, & teneat in ore non transglutendo, post modicum recipiat aquam ex ore in manu, qua liniat & fricet occipitium, tempora, & mittat super caput vbi est commissura anterior.

Alia optima ac mirabilis aqua.

REcipe cinnamomi, caryophyllorum, cubebarum, macis, nucis moschatae, granorum paradisi, spicae nardi, piperis, zingiberis, mastichis, piperis longi, aloes, galangae, zedoariae, liquiritiae, ana, drachmam vnam. Omnia terantur & puluerizentur, & ponantur in sacculo lineo subtili, deinde recipe

vnum petítum (est autem genus Italicę
mensurę) cum dimidio boni vini albi,
& prædictum sacculum cum aromati-
bus permittite stare per diem naturalem
intus sæpe sæpius mouendo sacculum,
deinde claude vrinale cum suo alembi-
co modo quo claudi potest, & pone ad
ignem lentum ad distillandum cum suo
tamen recipiente.

Aqua hæc, has habet proprietates,
quòd est leuior & subtilior cunctis: &
habet omnes virtutes balsami, & natat
super omnes liquores & super oleum,
& accensa ardet sine fumo, & habet ma-
ximos odores: & si quis biberit vnam
particulam cum medio ciatho vini se-
mel vel bis ad plus in septimana, con-
seruat & augmentat visum, & repellet
membrorum tremorem, iuuentutē con-
seruabit, omnes ægritudines (à causa
præsertim frigida & humida) expellet,
faciet hominem robustum & iucundū.

Aqua ista extrahit à cunctis fru-

ctibus odores & sapes si in
ea ponantur &c.

EXCELLENTISSIMI

MEDICI MICHAELIS SA-

uonarolæ libellus singularis de arte cōficiendi aquam
vitæ simplicem et compositam : Et de eiusdem admi-
rabili virtute ad conseruandam sanitatem, et
ad diuersas humani corporis egritu-
dines curandas.

CVNCTIS BONARVM

Scientiarum Cultoribus Valentianus
Kobian. S. D.



ERT E mihi videor
rem pergratam me vo-
bis facturum, si diu ab-
sconditos & nimis de-
prauatos, ex mea officii
na non modò corre-
ctiores, verum & elegantioribus typis
reformatos publicauero, maxime il-
los, quos expertissimi medici pro bo-
na tuenda valetudine (qua nihil à mor-
talibus magis desideratur) aduersusque
propellendos morbos conscripsere.
Quamvis autem in omni facultate repe

riantur codices adulterati ac mendosi,
 hoc tamen frequentius euenire solebat
 in medicina præsertim vbi committe-
 bantur illis vel exscribi vel excudi, qui
 medicorum characteres non intellige-
 bant, & quas vocant abbreviaturas pe-
 nitus ignorabant. Idipsū & in præsentī
 opusculo perpetratum esse cognoui, er-
 roribus enim vndiq; non paucis scate-
 bat, quos ipse diligenter feci expurgari
 & libellum authoris instituto fideliter
 restitui, quare id laboris nunc loco pre-
 ciosi muneris suscipite, posthac
 verò vobis, Deo duce, maio-
 ra communicabo.

Valete.

AD

AD DIVVM LEO- NELLV MARCHIONEM

*Estensem Libellus de Aqua ardenti Michae-
lis Sauonarolæ Physici sui, felici-
ter incipit.*



CV M vir gravissimus
Antonius Rosellus v-
triusq; iuris splendor,
quædam illustrissime
Princeps, de ardenti
aqua me consuleret,
idque a me intelligere maximè cupe-
ret, cum eius continuo usu delectare-
tur si capitis tremorem in posterum al-
latura esset, in quem opinione multo-
rum se incidere verebatur: Ego qui-
dem cum sui benivolentiæ plurimum
astrictus essem, avidus nimium hone-
stam hanc petitionem persolvere, quæ-
dam pauca de ea colligere atq; aperire
constitui, vt pergratum quicquam sibi
facerem, quo mihi etiam satisfactum fo-
ret. Verùm cum sic volumina quædam
reuoluerem planeq; intelligerem rem

hanc maturius cōsiderans de qua possit
 tuæ valitudini vitæq; tuæ prorogatio-
 ni sic accedere posse, & his cum semper
 dies noctesq; peruigilem, statui hunc
 libellum sic edere, & plurima laude atq;
 experientia dignissima colligere, vt tuę
 producendæ vitæ, nominisq; tui quod
 nimis cupio, per me sic occasio daretur.
 Verum optarem illustrissimè Princeps
 eam in me facultatem eamq; de re do-
 ctrinam cognitam esse, qua integerri-
 mè tibi & mihi de hac ipsa re satisfacere
 potuissem. Res quippe non minus per-
 gratissima tibi quàm mihi fructuosa e-
 rit. Nam cum tenuem eius agnitionem
 in me sentiam, non est quin dealbescam
 illam sic dignificatam inaniter aggredi:
 eoq; vehementius cum à veteribus no-
 stris nihil scriptum autheticumq; com-
 periam, & in nouis Modernorum codi-
 cibus non nisi perpauca admodum per-
 legerim. Quamobrem admirari non
 debes, si rem mihi hanc grauem ad scri-
 bendum sic constituo.

Admirari satis nequeo rem tantam
 maiores nostros latuisse, aut si eam cal-
 luerint

luerint, suis codicibus non inscripſisse. Verùm cum aliquando per libros medicorum tum ſententia, tum auctoritate dignorum euagarem, vt de ea aliqua inueſtigare atque dignoſcere poſſem: poſt Thadaei magni medici grauiffima conſilia de ea aliqua perlegi, quæ & audita & in libris Alchimiftarum lecta, cū laude digna ſint, hoc meo opusculo inferere ſtatui. Neq; arroganter à me ſcriptum eſſe credatur, cum tantam rem ſic neſciolus aggreſſus fuerim, ſed id à me actum eſſe, vt ſic doctior euadam poſteritatiq; proficiam, ac vt obſeruantia tuae, cui plurimum debeo, ſatisfaciam. Si ergo accuratè minus quàm res ipſa expoſtulare videtur, conſcripſero, Lectores æquo patiantur animo, velintq; magnitudini rei, non arrogantia meæ, id aſcribere. Nam eius magnitudinem, admirandamq; excellentiam ex dicendis planè intelligent, qui nedum vitæ aquam, ſed benediſſimam diuinamq; proſectò prædicabunt. Non ita quiſpiam miretur, ſi inter mortales apud eos maxime qui Septentrionalem plagam in-

colunt tanta in veneratione digna habita est, sicq̃ eam tantum dilexerūt, quā cū gustaueris, eā in dies magis magisq̃ coles atq̃ magnificies. Quamquidem ego in posterum diligere atq̃ etiam colere, quāmaximē constitui, eamq̃ incuris per me agendis diuino etiam auxilio ducere. Ea nanq̃ medicinarum calidarum magistra ac parens prædicatur sanitatis humanæ conseruatrice optima ac deperditæ mirabiliter restauratiua, & in eius prosequendas laudes nōnulli tantum exarserunt, vt dicere non dubitauerint, ex eius vsu hominem nūquam ægritudinem habiturū à qua sanari non possit. Voluntq̃ præterea ad conseruandam producendamq̃ vitam, commoditatem auxiliumq̃ non paruum afferre, vt ex eius vsu vita quasi perpetuetur. Onimium admirandam, venerandam excolendamq̃ rem. Et quontā vide-re videor quòd tua nimis auida est expectatio, vt quid de ea sentiam, facili meo iudicio scribam, tuæ satisfaciens voluntati, breuioribus, quoad potero absolvere tentabo, eam tantummodo attin-

attingens, quæ ad communem hominum vsum venire solita est. Neq; Raymundi viri quippe diuini sententiam ac plurimorum qui de ea ante scripserunt, persecutus ero, qui aquam vitis Essentiam quintam nempe vocari voluerunt, suis in actionibus eam cælo comparantes.

Nam quemadmodum cælum Essentia quinta nuncupatum, elementa, elementataq; ipsa infra lunarem orbem sita rectè disponit, gubernat & à putrefactione suo diuino influxu obseruat, sic & vitis aqua quæ in corpore humano microcosmo dicto membra composita sunt, rectè disponit ac conseruat, egritudines repellens & sanitatem inducens vt ex eius moderato vsum mundum ipsum minorē ad eos trahat annos, quos sua in creatione summus ille rerum opifex sibi, vt sua exiguū complexio, donauit.

Et ne hoc in loco ab ea sic vacuus discedam, cum eius nomen maxima in veneratione habeam, id mirandum diuinumq; secretum tacitus non præ-

teribo, quod hi & clarissimi viri suis inscribere codicibus. Arbitrati equidem sunt, ne absq; rationali causa fundati, aquam ipsam Essentiam quintam appellari debere, cum suis in effectibus quintæ veræ Essentiæ sic agendo assimiletur quos in vigore elementorum, aut primarum qualitatum minimè producere: quam rem declarantes aiunt.

Non enim vt aqua agit cum ardeat, neq; vt terra cum potenter calefaciat, neq; aerì comparabitur, qui citò corrumpitur & putrescit, & res occultas, cum ad eum perueniunt, alterat & putrefacit, vt in exitu zirbi est videre. Hec autem non facile putrescit, sed res ipsas à putrefactione defendit. De quo post igneam non esse sic comprobant: quoniam morbos curat calidos & exterminat, eosq; euanescere facit quibus inducunt in se temperamentum obtinere humanum velintq; sic vnguento Thessali medicì sibi diuinitus dato comparare quod in omnibus ægitudinibus administrabat. Calidos enim frigefaciebat, & frigifacit eo calebant. Sic enim non
elemen-

elementari, sed cælesti virtute dotata operari aiunt: dicuntq; super linguam posita neq; humiditatem neq; caliditatem imprimere, & in ore, fragranti & inusitato odore redolere. Nam humiditatem aqueam & igneam caliditatem primasq; elementares operationes per circulas sublimationes omnino deperdit. Per easdemq; multiplicatas formas eius, nouam, puram ac glorificatam siue cælestem materiam induit.

Neque aqua omnis ardens eiusmodi est dignitatis, sed quæ Essentia quinta nuncupari digna est, per multas ac plurimas circulas sublimationes diuino esset influxu confecta. Cuius ortum, ac nimium stupendam confectio- nem hoc suauissimo signo comprehen- dimus. Nam cum te sic illam confecisse putabis quibusdam in diebus cum luto Sapientiæ optimè clausam retinebis, & postea si aperto foramine domus tota redolebit, ita vt nulli mundi fragrantia ei comparari possit, veluti nulla dulcedo ei quæ in spermatis emissionem. Sicq; ab omnibus odor hic suauissimus iudi-

catus quasi à sublimi gloria descēdisse. Nil vereare ad eam Essentiam sic peruenisse, ad quam, vt arbitror, nullus medicorum nostræ ætatis iam peruenit. Et huius ignorantiam disgregiēdo parumper aperiēs, id scribam, quod meo facili indicio verum esse putauit.

Ars enim hæc alchimia nominata, verrissima est, cuius falsitas & ignorantia sic ad nos peruenit: Nam cum nimium preciosa fuerit, homines sic ex ea ditari studuerunt & ad pessimum auaritiæ genus se cōuerterunt, alios docere noluerunt. Et quibus notitia grandis & clara fuit, quæ sciuerunt per terminos alijs incognitos in scriptis reliquerunt: tantumq; in arte cum terminis incognitis processerunt, vt sic res sua tam preciosa, atq; cara, auaritia coīquinata, nos sic lateat suis cum cifris semper scribentes. Verum cum hanc diuinam tamq; secretam à me expectari minimè sentiam, ad ea quæ de aqua ardenti tantummodo dicenda sunt, me cōuertam. Fecit nanque vocabulum ipsum atque nomen, vt de ea quam conceperam, plurima

plurima discurrerem.

De esse ardentis aquæ. Cap. I.

ET quoniam quid nominis doctrinæ vniuscuiusque principium existit, hinc ardentis aquæ descriptionem in primis aggrediamur.

Aqua ardens simplex, quæ in vsum medicinæ venit, est vini pars ignea siue spiritiuosa quæ per vnicam siue per plures sublimationes ab eo egreditur, in colore aquæ atque substantiæ veniens.

Nomen autem aquæ à colore aquæ & substantia assumpsit, & ardentis nomen ab effectu accepit, cum madefacta in ea pecia subaccenso igne ardere videatur: Simplicemque descripsimus, cum suo in loco de composita dicendum erit: additumque est in vsum medicinæ, cum de ea, vt quinta Essentia extat, nostro non conueniat negotio. Nam si eam magnopere cuperem, hoc tamen in loco silentio præteribo. Est deinde nedum spiritiuosa vini pars, sed vera eius anima appellanda, quæ trina sublimatione ab ea egreditur. Bina autem

& quaterna maiorem & minorem sublimationem nobis designare sufficiat. Hæcque communis est.

Verum nonnulli aiunt adusque septimam vel decimam sublimationem diuinam penitus egredi aquam, quam Esentiam quintam vocant. Hocque per difficillimum facio, cum in fumum & in ita spirituosam ac facilem prius egredi arbitratus sim. Hancque, si non deceptus fui, calentem nimis non his conditionibus, ut actum, associatam gustavi.

Est & aqua vitæ dicta, quoniam in vita prorogationem quam maximè conferre sentiat. Sum etenim memor eius verbi quod sæpe hilari corde grauissimus ille vir ac in orbe sua in ætate clarissimus medicus Antonius de la scarpia exclamando pronuntiabat, qui dum octuagesimum annū duceret, dicebat. O aqua vitæ per te iam mihi vita annis 22. prorogata fuit.

Et iam nostro in tempore extat eximius medicus practicusque famosus Iacobus Parmensis anno iam nonagesimo proximus, cuius usu sibi vitam in longum

gum productam arbitratur.

Extant plurimi tales, qui & auctori-
tate & veritate digni sunt, exēplo quo-
rum ad eam colendam bibendamq; si-
bi esse persuaferunt. Neq; hoc in loco
tacitus præteribo illustrem Mantue pri-
mum Marchionem Ioannem Franci-
scum, in cuius usu nimiaq; eius quanti-
tate quàm plurimum delectabatur. Is
cum frigidi stomachi esset ventositate
frigidisq; humoribus non rarò vexare-
tur, me audiente, dicebat. Cum multi-
plicis ordinis medicamenta in talium
remotionem tentasset, nullum quippe
tam salutiferum tamq; subitum vt aque
ardentis sumptio.

Eumq; admonuisse dicebat illustrem
physicum suum Ioannem de Tolentino
qui, vt arbitrabatur, longissimis sic ex e-
ius usu se in annis superuixisse. Ego qui
dem eius usum ita frequentem tantaq;
in quantitate minimè laudabam pro-
pterea, quoniam frigidi & debilis sto-
machi erat: Usus rerum nanq; nimium
calidarum innatam caliditatem debile
resoluit, cum eius humidum substan-

tiale consumet, quo & ipsa pabulatur. Quamobrem ab eiusmodi calidis, frigidis debiles existentes plurima eorum quantitate abstineant.

Eius enim cum tanta quantitate sic continuus usus illum ad eum errorem perduxit, ut sic debilitate stomachi aucta, omnia nutrimenta in ventum conuerterentur. Verum ad hanc augendam sex non naturalium rerum inordinatum regimen, ut arbitror, quam plurimum valuit: sicque ex ea sola causa eius usus clare redargui non potuit. In quinquagesimo autem & quarto suae ætatis anno mortem cum vita commutauit. Aqua autem hæc apud Modernos, quam Veteres, laude digna magis facta est: cuius dignitates suis dicemus in locis: quibus sic omissis, ad instituta prosequamur.

Aqua hæc ardens ex colore & instrumento nomen aquæ vitis sibi associavit. Ex colore, ut actum, aqua dicitur. Ab instrumento verò antiquorum vitis dicto in modum vitis retortæ facta, à qua vitis appellata est. Nonnulli autem

tem

tem cum instrumentum hoc caput & caudam habere videatur, sitq; vt serpens retortum nomen ab ipso trahentes eam aquam serpentinam appellarunt. Hæc autē & si quintæ Essentiæ in quàm pluribus effectibus proprietatibúsque conuenire videatur, equè perfectos nō tamen, vt illa, producit, neq; in' delendis ægritudinibus calidis vim tantam possidere sentitur. Nam elementarem naturam atq; igneam sapere experientia comperimus: Qua ex re, vt Essentia quinta, non est veneratione digna. Volo enim hoc in loco tantum de esse ardentis aquæ in præsentiarum dictum.

De diuersis modis in compositione ardentis aquæ. Cap. II.

Ingeniatum sunt quàmplures in diuersificando modum & instrumenta compositionis ardentis aquæ, quorum ingenia hîc breuioribus discutiam, vt nostro opusculo aliquid non minoris utilitatis quàm laudis, accedat. Nam cum ita colere, illamq; tantum mortales dili-

gere sentiam, nil aut longum aut breue intexere, tædiosum esse putauī. Quamobrem eos quos nouī modos conficiēdi nouos, quos tibi pergratissimos futuros facile intelligo, inscribere non dubitauī, tum etiam quòd eorum cognitio non parum nostro conferet negotio.

Primus quidem & Antiquorum modus is est qui vitæ plumbea aut stannea eius in confectiōe utitur, qui cum cæteris ad intelligendum perdifficilior sit, illum paucis, etiam subiuncta figura, satis apertè tibi reserabo. Vas autem in quo vinum in primis locatur cucurbita magna est & enea intus stāno ornata, in qua trina confixa sunt rostra, quorum primum parte in superiori locatur, per quod vinum imponitur. Alterum ad medium cucurbitæ situatur, cui & vitis rostrum coniungitur, per quod distillatur aqua. Reliquum in fundo vasis ordinatur, per quod inutile remanens eijciatur. Quæ res sic præcipuè ordinatur, cum cucurbita fuerit cum fornace coniuncta: quòd si ab ea separata erit, duo nobis rostra sufficient, primum videli-

cet

et & secundum. Namq; cucurbitam in
fornace decenter locabimus, vt si ro-
strum medium superemineat, cui tina
adhærebit siue ligneum vas, vitis quan-
titati proportionatum, aqua frigida ple-
num in quo vitis ipsa resideat. Cuius su-
perior extremitas cum cucurbitæ ro-
stro medio ipsum penetrando conti-
guetur: posteaq; Sapientiæ luto opti-
mè sigilletur, ne inde fumus siue vini
spiritus egrediatur. Reliqua verò vitis
extremitas inferior in orificium reci-
pientis vasis penetrando ingrediatur.
Hæc, vt actum, luto eodem conglutinē-
tur. Sit itaque ignis lentus, clarus, suavis
de quo post. Is est Antiquorum modus
& ad vsq; nostram seruatus ætatem. Et
ne instrumentum feruore aqua destrua-
tur & vaporum eleuatio, nec resolutio
fiat, opus est quasi continuè tinæ aquā
innouare, & ne ebulliat defendere. Qua
propter qui ardentem aquam magna
in quantitate conficiunt, currētis aquæ
loca quærunt, cum eius frigiditas non
nocere, verum ad eius perfectionem vi-
deatur accedere, Nam antiperistasi vi-

ni spiritus sic fortificantur, & eorum resolutio prohibetur. Et, ut quæ scripta sunt planius intelligantur, hic in plano vasa ipsa configurabuntur, quorum compositio ac coniunctio facile comprehendetur. Plures autem ex Modernis alchimizantes, cum ardentis aque excellentiam excollendamque dignitatem plane intelligerent, curam non minoremque diligentiam ac studium in eius confectionem quam Antiqui habere visi sunt. Eius fabricationem in vase vitreo laudantes magis, qui sibi rotundam fornacem statuunt, duobus duntaxat digitis fundo à terra eleuato, in quo foramina quinque componunt, ut sic per illa aer ingredi possit: indeque ignis melius euentari. Qua ex re ut continuo euentetur, flabello non opus est, parteque in superiori in vno quoque eius angulorum quatuor foramina componunt, ut per ea & fumus & ignis sic decentius exhalare possint. Habent deinde tegulam quam dicta in fornace reponunt, cuius fundus ad usque duorum digitorum altitudinem cineribus tegitur, bociaque duobus est digitis ipsa

ipsa regula vel olla strictior. Et locus ille sic vacuus remanens bociam circuē adusq; medietatem eius & paululum ultra, cineribus repletur.

Quibus peractis, adusq; vasis medietatem vino repleatur & aliquantulum infra, vt locus amplior vaporib. detur: Et postea capellum superimponatur luto Sapiētiæ aut farina & albumine oui papyroq; humida diligentissimē carnata confecto, aut ex calce viua albumine oui, vel quomodolibet præparato vndiq; ex industria obturatum, ne inde aliqua interueniat respiratio. Cui quidē rei semper intenti sint, caputq; deinde siue capelli rostrum cum recipientis rostro, eodem cum luto optimē conglutinentur: fiatq; deinde suavis ignis & clarus, vt actum, sicq; egredietur aqua. Neq; prætermittendum quin frequenter capellū pecūs in aqua frigida prius infusus inuoluatur, ne nimia caliditate cesset actio. Aqua enim sic sua frigiditate causa est: vt vini vapores in aquam conuertantur, & ne eorum solutio fiat. Si etenim modi duo, nostra etiam se ruā-

tur ætate. Eorum bonitatem & excellē-
tiam, vt Principum moris est, nimia te
fortassis cum auiditate expectare sen-
tio, vt quæ eligibilior sit, quæ uē ad hu-
manæ vitæ rationem magis accedere à
me iudicetur. Rem quippe humeris
meis grauem assumere sentio, cum ex
vtraq; parte rationes non desint. Ve-
rū tanta est tua in me obseruantia vt
nil mihi tam graue, durum, asperumq;
sit, qui lubens faciam. Quamobrem ad
id aperiendum, vt facultas mea patie-
tur, pace Antiquorum, me conuertam;
quod facile meo iudicio verum esse pu-
to. Et, vt res nobis planior fiat, cuius di-
sceptationem nullo in libro hactenus
perlegi, rem ipsam in controuersiam a-
perire tentabo. Habet Antiquorum
modus (qui profecto maxima in vene-
ratione à nobis habendi sunt, quorum
studijs plurima nobis reſerata fuerunt)
pro se probabilem rationem hanc.

Quanto aqua hæc temperamentō
humano quintæq; Essentiæ propin-
quior, tanto eligibilior habēda est. Sed
quæ ex vitæ exit, huiusmodi est: Itaque
eligibi-

eligibilior, digniorq̃ dicetur. Hæc autem per tot circulationes pluresq̃ multo ea quæ ex vitro exit de natura elemẽtari deferere cælestiq̃ sic magis appropinquare videtur, cum sic circulando continuẽ subtilietur magis. Aiunt enim Philosophi sic per circulas distillationes multiplicatasq̃ quintam fieri Essentiam: potentioresq̃ affirmant cum vini spiritus sic vniti magis transeant ob contrarietatis continuam persistentiã, sicq̃ penetrabilior ac suis in effectibus potentior. Aduersantur autem Moderni arbitantes tot circuitiones ad eius debilitatem accedere, cum sic densam substantiam spiritus tam longa & in via plurimum derelinquant: rei etenim potentia multitudinem formæ fortior fit. Adduntq̃ præterea continua ex aquæ frigidæ persistentia debilitari magis, cum contrarium fortẽ sui aduersantis potentiam minuat, & debile fortẽ faciat, vt in fabrorum actionibus in dies concernimus. Cum etenim fornacis ignem vigorare curant, aqua frigida ipsum leuiter aspergunt. Cum verò ex-

tinguere tentant, plurimam super infundunt. Neq̃ hæsitabo cum ad salutem grandem accedat hoc loco commemorare Principis nostri verbum, & in dictorum robur. inquit de cura Pestis: Et aqua plurima frigida subito est iuuatiua valde. Pauca autem consequenter ita excitat caliditatem. Quare præstantior quæ alembico conficitur, cum non tãta nonq̃ ita continua in frigida tio fiat. Estq̃ ignea magis, cum maiorem caliditatis intensiorem igne suscipiat. Aqua enim vitis intensioris ignis negotio eget: & subtilius considerantes illã, detestantur malas qualitates occultas & manifestas ab instrumento recipientem, cum plumbi fumus cerebrum ac spiritualia lædat: sitq̃ epilepsiæ vertiginis (adusti præcipue) facturus.

Qua ex re Princeps: & timeatur eius odor apud adustionem, & eius limaturam inter venena annumerat. Amplius cum frigide sit & humidæ naturæ, sic aquam ardentem calidam & siccam sua in complexione denigrare iudicatur.

Vitrum

Vitrum autem non sic ledere, sed auxilium sua complexione prestare videtur cum siccae ac calidae naturae sit, corpori humanum disproportionatum, non laedens, sed, inquam, pluribus suis virtutibus adiuuans: qua ex re Modernorum modus eligibilior. Et si probabiles rationes utraque ut ponderosa ac difficilis sit futura sententia: hunc tamen ultimum, ut Antiquorum pace semper dixerim, mihi eligibiliorem facio, cum non parum verear plumbi qualitates. Neque sic antiquos redarguere praesumo, quos & fortiores rationes non latuere. Sed in his quorum experientia sententiam non ducit in medium, in quibus probabiles rationes adduci consueuerunt, opiniones diuersas generari saepe solent. Nam & ob eam rem medici ad inuicem sunt non raro litigantes. Nam si alijs modis operatam nos habere contingeret, de quibus statim, nil supra iudicare. Verum antequam ad eos prosequar, hic in plano fornacem suo cum alembico designabo.

Et plurimi magis alchymizantes ut

omni in arte negociatiuam fieri comprehendimus, bociam in fimo putrido equino sepeliunt (quem nomina artis occultantes ventrē equi nominant) capellum aeri expositum relinquentes, vt aeris frigiditate vini vapores ingrossentur, sicq; in aquam conuertantur, vt in thermis videmus, cum aque vapores ad lapideum tectū perueniunt. Hancq; cæteris præstantiorem esse aiunt, cum calore viuificatiuo atq; cōplexioni humanæ proximiori confici videatur.

Necq; hanc quadam denigratione vacare puto, cum in omni artis negotio id accidere soleat, vt alter altero doctiorem sese facere studeat, nouus alius surrexit modus, quo æstimatur sic quintā fieri posse Essentiam. Bociam autem cum capello fortibus radijs solaribus exponere ingeniantur, vt inde sic aqua fiat, quemadmodum ex rosis alijsq; herbis in dies fieri videmus: possibilitatē que rei declarantes, cum elemētare corpus radijs solaribus in speculo concauo coniunctis igneatur, quo fit, vt aiunt, multiplicatis sic distillationibus, inde

inde Essentia quinta exeat humani corporis viuificatiua.

Hanc quidem diuinam & caelestem Philosophantes appellant, quoniam diuino calore ac caelesti confecta sit. Id tamen perdifficillimum apud nos esse arbitror: neque vno in anno plures distillationes fieri posse. Verum apud Orientales id fieri non impossibile est. Quod si tali quispiam vsus esset, dicere non expauesco in vitae conseruatione quam plurimum conferre. Nonnulli ad balneum duplici in vase conficiunt, quam quidem efficaciorē potentiorēque esse arbitror, cum alijs in aquis experientia sentiamus efficaciores potentioresque esse, quae in balneo sic conficiuntur his quae in fornace distillantur. Nam per balneum subtilium partium & aerearum resolutio prohibet, fumoque ac malo odore carent. Surrexerunt quidam magis atque magis in arte doctiores, qui nouo & inusitato modo ad candelam igne perpetuo eam sic distillando conficiunt, quibus visum est mitiori calore ac humane complexionī propriori sic confi-

ci posse. Is autem modus solùm in arte doctis cognitus est: quem comparem facio ei, quem ex sole laudauimus. Quibus facile comprehendipotest, quàm mitis, acerba, quàmque suauior fieri poterit.

De materia ardentis Aquæ. Cap. III.

ET quoniam modis his à me plusquam satisfactum esse intelligo, dignum arbitratus sum ea aperire quæ in eius congrua factione scitu sunt necessaria.

Et ut processus noster physicus ac rationalis existat, ab eius materia exordiũ sumam, quæ veluti singulare ac preciosum elementum quærenda est. Omnis namque forma in actionibus naturalibus materiam præsupponit, non autem creatio. Cum itaque naturales simus, deque naturali actione agendum, materiam ipsam venari primitus institui.

Vinum igitur ex quo aqua ardens confici debet, dotibus his ornatum esse oportet: ut quòd purum, vetus, non maiori quàm annali vetustate: quod nonnulli

nonnulli nouum appellant annosi & medijs comparatione, de quo post, potens, odoriferum, suaue, gustuque delectabile. Aqua enim ardens, vt actum, spiritus siue vini anima est. Anima quidem vitiato corpore vitatur: eoque permaxime cum pars corporis, & si nobilior, extet. Ideo aquæ mistio vini spiritum siue animam vitiat & extinguit. Quo fit vt ex impuro confecta in expectatas non exeat operationes. Annale quidem, vt purius, clarius, potentiusque reddatur. Potens quidem, vt potentiores dignioresque inde effectus proueniant, quibus inducitur, vt cæterorum paritate seruata, nigrum albo eligibilius sit, cum densioris sit substantiæ, pluriusque forma abundet, cuius multitudi-
ne potentia augetur. Nigrum autem abundantiorē emittit materiam validiorēque substantiam, & si fortasse non tam penetratiuam. Qua ex re vinū nostra in regione Marzeminum dictū hac in re duxi conuenientissimum. Clarum esse oportet vt quantum possibile est à terrestri materia elongetur, Odo-

riferumq; eligatur, cum odor ipse suavis spiritus humani naturæ conueniat, vitalem præcipuè virtutem iuuando humanarum virtutum omnium robur ac parentem quàmmaximè colendam. Nam vt in horas videmus, suauissimis odoribus animalis virtus vitalisq; suscitatur. Quid igitur iudicandum est cum foetido ac putrido vino ipsa conficiatur aqua? & si ex sublimatione rectificari videatur. Nam hoc in loco mihi in testimonium adducam illud grammaticorum verbum: Omne deriuatiuum sui primitiui naturā sapere. Et sit gustu delectabile ac suaue, cum ex hoc appropinquare magis temperamento videatur humano. Gustus enim quidam tactus est. Tactus verò bonitatem temperamenti enuntiat. Sic facile intelligi potest quantam vim habeat acetosum ac malo sapore infectum.

Hæsitabis fortasse si dulce eligiblius erit, neq; hæc facilis est dissolutio cum in ea sapientes discordes inueniam. Discordia namq; sapientum in re difficultatem arguit. Ego quidem sententiam
meam

meam, pace aliorum, paucis persoluam
ne, multitudiⁿe verborum te tedio affi-
ciam. Nam cum sapor dulcis naturæ hu-
manæ magis amicari videatur, propter
quod Princeps: Stomachus bene dispo-
situs non eligit saporem supra dulcem,
existimo dulce cæteris cum conditioni-
bus eligibilius esse. Quòd si obijciatur
terrestrius esse, sicq; à spiritali natura
elongatum magis: Fateor, sed ad conue-
niētem spiritum reduci in virtute ignis
dicendum. Eritq; aqua mitior, & nostræ
naturæ amicabilior. Nam in ea modera-
tio quàm plurimum celebranda est.

Quibus omnibus inducatur Cretense
vinum de Tyro, Maluaticum, Riboleū
Græcum, Vernatinum, de quo post Ro-
manitium vniuersaliterq; omne tale cō-
ditionibus vt de operibus actum est, as-
sociatum, in aqua ardentis factionem
quàm optime valere. Quibus facile cō-
prehendi potest vt cur ignominia aque
ardenti ascripta est, cum sic in sibi attri-
butos effectus non perueniat, materiæ
quidem improprium est magis,
atque etiam magis vrbium censores

culpandi ciuium suorum salubritatem negligentes proprio immerſi negotio, qui in tanta diuinaꝝ re diligentiam nō adhibent audientes publicē enuntiātū, ex vinis putridis aquoſis ab operatoribus ipſam confici. Arbitror ex Vernati no Ianuenſi, cui magna ſpiritus copia non deeſt, ardentem aquam præſantiſſimam fieri poſſe. Ex vinis quoꝝ Gro-pelis quorum ætas primum non tranſcēderit annum : exꝝ Vultrinaceis, quæ annositate indecentiora fieri videntur.

Et eius dignitatem ampliſſimam aperiemus cum de ea compoſita à nobis ſermo erit. Quo in loco potentia, dignitas ardentis aquæ, cæteraꝝ experimen-to probata de ea dicentur.

De Quantitate extrahenda. Cap. IIII.

ET cum ſatis de materia actum eſſe putem, & poſtea agendum eſt quanta ex materia quantitas extrahi debet. Impleto itaqꝝ aduſque medium vaſe ipſo, de tribus partibus, altera extrahi habet. Hicque conſiderandum

dum est, quid de duabus alijs agendum sit: propterea aduertatur quòd nonnulli partem illius primæ venientis aquæ eamq; inutilem, vaporosam & aqueam spernunt. Quorum error ex dicendis apparebit, & tertiam ex intromisso recipiunt, quam tertiam denuo & secundò in vase ad distillandum ponunt, & primam sic recòdunt, ex eaq; vt prius, tertia pars extrahitur: similiq; modo tertio operantur loco. Quòd si ad quartam sublimationem peruētum sit, nihil quasi ex ipsa minuitur materia. Hæc itaque ardentis aquæ multiplex operatio esse debet. Tu itaq; considera quæ qualisq; sit aqua ardens miserulis personis in plateis vendita. Aiunt & plures vulgari- bus operatoribus doctiores, ardentem aquam perfectam esse, quando ex decē vna extrahitur mensura: hocq; prima sui in operatione. Nam cum ardentis aquæ notitia me plurimum delectet, & alios doctiores semper reddere mihi cura sit, aliquos etiam gratos modos de quantitate extrahenda describam. Primum itaque statuendum est, quòd si ex

vino multum potenti conficiatur, quin-
tam eius quod in vase locatum fuerit ea
ex operatione, exire comperietur. Ideo
que vini potentia ac debilitas conside-
retur. Quod si secundo distillata fuerit,
medietas eius, quod per prius distillatū
fuit in vase sic reconditum, egredietur.
sicq; ad tertiam perueneris operationē,
ex quinque partib. quatuor remanebūt.
Et si ad quartam transibimus, nil aut nil
quasi diminutum ab ea quod in tertia
reconditum fuerit, inuenietur. Nonnul-
li verò medietatem reconditi prima ex-
trahunt in operatione. In secunda se-
ptem, de partibus decem. Tertiò verò
cum operatur de septem, quinque partes
colligunt, & comuni nomine eam a-
quam perfectam nominant, quæ ex ter-
tia prouenit distillatione. Verum perfe-
ctiorem scribunt, cum septem vicibus
distillata erit, decimam semper tantum-
modo colligendo, perfectissimam verò
cum ad vices decem sic distillando per-
uentum fuerit. Ex hac Essentiam quin-
tam fieri aiunt, de qua actum est in ini-
tio: hi enim sunt viri qui sic circulando
Essen-

Essentiam quintam venantur. Inoleuit tamen communis operatorum vsus ut trina distillatione contētus sit, aut quia ita laborioso negotio fastidiatur, aut quoniam lucro magis intentus sit. Ego quidem cum ardētis aquæ effectus maturē sum contemplatus, quosdam ad vitæ nostræ prolongationem conseruationemq; plurimum accedere, nonnullos ad ægritudines remouēdas potēter valere, fuerimq; sic in distillationibus obuersatus: id planē sentiebam in his varijs complendis, varios extrahendi modos obseruare oportere, perpauciores ita circulationes eam duci, quæ ad vitæ commoditatem accessura erat, ut de vino potenti ut Maluatico secunda sufficeret circulatio, si prima in distillatione medietas egredietur, eiusq; secundò pars tertia. Verùm in remouendis ægritudinibus ad tertiam pertranseundum est, & de tertia tertiam colligēdo. Studium nanq; duxi esse in conseruationem suæ humiditatis, qua spiritibus sit proximior, quam quidem tot ex distillationib. deperdit, & gustui suauior,

in caliditate remissior, sicq; naturæ sic
amicabilior, poteritq; sic dosis augeri
& efficacior fiet, cum potentia rei pe-
nes multitudinem formę attēdi habeat.
His itaq; planē haberi potest quantam
vim vna altera maiorem habeat: & quæ
in plateis lucris causa venditur veniens
in distillatione. Et quæ colenda quæue
negligenda sit intellige. Quòd si alchi-
mia hæc, quempiam delectauerit, prin-
cipia habet, quibus hac in arte doctior
fieri poterit. Volo autem vt hæc de quā-
titate extrahenda inpræsentiarum no-
bis sufficiant.

De Vasis & eorum materia. Cap. V.

DAmnauimus vitem plumbeam,
cum qualitate aut manifesta, aut
occulta, ardentem aquam lædere
arbitretur. Neq; minerale aliud insalu-
brem eius factionem præter aurum aut
vitrum accedere posse existimatur: ho-
rum autem vnumquodq; suæ comple-
xioni commoditatem asserre sentitur,
cum aurum æquale sit animæ humanæ
ac corpori plurimas ac gloriosas asse-
rens

rens utilitates. Vitrum verò in comple-
xione calidum est & siccum, quo sibi si-
mili congaudet, neq; ad corpus huma-
num paucas proprietates habet: argen-
tum autem hîc omittimus cum frigida
complexionis existat: sicq; & terreum
vas, quod inutile dicimus. Vasa autem
aurea magistratibus omittamus, quo-
rum compositionem ex dicēdis vitreis
facile intelliges. Eligantur itaq; vasa vi-
treæ, quæ vt ignem potenter sustineant
grossa notabiliter esse debent, ex vitro
albo, quoniam eligibilis est viridi aut
citrino: sitq; in fornace diu coctum cū
ex diuturnitate decoctionis & clarita-
tem & densitatem præstantiorem con-
sequatur. Et citrinum viridi eligibilis,
quæ grossities permaximè in bocia in-
telligatur. Capellum autem amplum sit
& decenter grossum. Ad multiplicatio-
nem autem aquæ eius amplitudo con-
ferre videtur, quoniam plurimi in quan-
titate vapores sic ad eum venientes fri-
giditate peciarum, vt actum, coadiuvā-
te, in aquam ipsam conuertuntur. Col-
lum autem bocie quàm plures longum

facere ingeniati sunt sic opinantes, ut vnica ex distillatione perfecta aqua haberi possit, & longius breviori decen-
tius esse. Quamobrem socius noster bo-
ciam in plano domus situabat, & capel-
lum in solario. Ego quidem arbitror
multiplicatam distillationem magis cō-
ferre: & sic eam quintæ Essentiæ appro-
pinquare magis, cum ex multiplicatio-
ne distillationis sic continuè subtilietur
magis & naturam elementarem magis
deferat, sitq; sua in complexione mitior
cum rarior inde reddatur. Vituperāda
admodum est, quæ plateis venditur
plumbea atque plumbeo capello con-
fecta.

De Igne faciendo. Cap. VI.

BOnis autem & ex electis lignis i-
gnem fieri congruit ne spiritus vi-
ni à lignis ipsis aliqualem suscipiat
alterationem. Itaq; non vallosa, non pu-
trida, aut corrupta sint, non humida, nō
vmbrosa, sed radijs solaribus exiccata:
sic sicca, ut minor quàm possibile, sit in-
de fumus egrediatur. Ea nanq; eliga-
mus

mus odore suauis à natura dignificata,
vt iuniperina, cupressina, laurina & hu-
iuscemodi, cum potiundi facultas dabi-
tur. Laudamus & salicina sicca, sicco
loco nata, quorum suauiolem facimus
ignem atq; meliorem. Quercina autem
sicca non aspernanda sunt. Verum cum
densiori sint substantia ignem accen-
dunt fortiolem. Carbonum verò ignē
nō commendo cum à fumo pernicioso
non absoluatur, quo nunc epilepsiam,
scotomiam, vertiginem, quandoq; apo-
plexiam generet, faciatq; mirum in mo-
dum spiritus animales syluestres esse.
sit autem suauis, clarus, non fumo asso-
ciatus, vt actum. Sunt nonnulli ex fimo
equo putrido & viua calce commista
cum aspersione aquæ in fouea sic ignē
facientes. Cæteri q; cum candelis, quæ
certè cæteris meliores existunt, qui li-
gnis in eius factione non operantur. In
huius autem factione diuersi, diuersos
modos habent, quibus de cognitione
artis parua est notitia.

Qui verò de conficiendo vitro agni-
tionem perfectam habent, eodem igne

f

operentur. Sicq̃ in ceteris alchimix effectibus esse debere putabis. Neq̃ tanta diuersitas surrexit, nisi quòd magna ignorantia abundauit. Sed ad reliqua me conuerto.

De Signis demonstratiuis perfectionis & complementi eius. Cap. VII.

CUm autem sic nostra operatio cōsummata erit, consequens est vt aliquo cum signo eius complementum perfectionemq̃ declaremus. Duo equidem signa de bonitate, ac eius complemēto colligantur. Primum enim est cum lineus pannus siue charta in ea infusus à flamma ignis illi appropinquata succenditur. Quæ si secundo ei approximabitur, comburet, quia aquam euanuisse demonstrabitur. Hanc completam perfectamq̃ esse dicimus. Sicq̃ sic approximata flammæ tantummodo succendetur, non comburetur, incompletam imperfectamque teneamus. Alterum quoniam super linguam posita si fortis erit vt ignis aut acuta flāma non lædens, iudicatur citò transiens debilis

debilis verò non lædet. Tertium quidem suis ex effectibus, de quibus statim egredietur, cuius experientia nos doctiores reddet. Quartum cum oleū supernatauerit de quo post. Quintum cum in fundo cyathi posita fuerit, eiusq; fundum sic accensa siccum relinquit: & super volam posita & accensa sine læsione euanescit, vt bombardarum puluis. Et quidam eam significantes magis cum optima fuerit, aiunt superimposita tabulæ, & accensa tabulam comburit. Verum nō est sententia hæc colēda, quoniā quanto dignior & Essētię quintę propinquior, tanto ab elementari potētia remotior & subtiliata magis atq; rarior facta, minus imprimīt.

De Proprietatibus simplicis ardentis aquę.

Cap. VIII.

Dignificatam quidem apud mortales, magna etiam cum laude ardētem aquam inuenio, cum suis in effectibus veluti diuina in dies videatur. Carnes quidem citò corruptibiles cæteraq; talia in ea locata à putrefactione omnino defendit. Et cadauer ex ea

linitum à putrefactione præseruat, quæ
nonnulli secundum balsamum nomina-
runt. Et curiosi quidam sic fructus pu-
trefcibiles in ea adusq; inusitatum tem-
pus illæsos conseruant, quibus non idē
remanet sapor. corruptam rem reparat,
putrefactionemq; ex ea tollit, & illesam
reseruat. Nam ex ea corruptum vinum
reparatur, si in cado Ferrariensi duæ in-
fundantur vnciæ, quo fit vt ad suum sa-
porem & colorem redeat: cuius rei co-
gnitione nonnulli ditati sunt. Nam ar-
dentia, corrupta vina preciosaq; huius
beneficio per eos cōciliata fuerunt. Mu-
stum & vina turbida iniecta calida po-
tenter clarificat, venenum destruit, &
contra elemētarem aquæ naturam sub-
cenditur: oleoq; vt actum, super emi-
net, dumeo commiscetur: ouumq; in
ea infusum coagulat, & carnes deco-
quit, præcipue quæ potens est, & quod
admiratione dignum est, rerum sapore
in ea infusarum tribus in horis aut qua-
tuor ad se extrahit, præter sacchari dul-
cedinem, quod in ea non dissoluitur.
Nam si in ea caryophyllus eo pro tem-
pore

pore infusus steterit, si deinde aquam gustabis, te caryophyllum sentire iudicabis: sic caryophyllū lignū esse dices. Quæ res in viola cæterisque floribus pluribus non inuenitur, dubium Philosophis relinquendum. Aiunt & venenum exterminare, quæ res in venenis frigidis vt opium, iusquiamus, mandragora & eiusmodi audienda est, cum cor sic læsum vltificet, & suis in qualitatibus his rectè exponatur: habetq; non paucas proprietates alias, quibus in salubritatem humani corporis quàm maximè accedere videtur. De quibus à me quodam certo cum ordine agendum erit.

*De iuuamentis & bonitate simplicis ardentis
aque. Cap. IX.*

Bonitatem & iuuamenta ardentis aquæ narraturus, ea certis cum aureolis tibi aperire constitui, vt sic quæ tibi grata sunt facilius memoriæ commendentur. Ordo quidem ad memoriam quàm maximè facit. Dicamus itaque principem sequentes. Aqua

ardens, vini spiritus est & anima, vt æ-
ctum.

Electio.

Eligatur ex vino nigro dulci, non
veteri, claro & huiusmodi, de quibus æ-
ctum, in vase aureo & vitreo confecta,
præcipue cum vitæ conseruationem,
aut prolongationem quærimus, secus
cum in expellendis ægritudinibus ea v-
ti volumus. Nam potentiora vina eo
pro tempore conuenientiora.

Natura.

Calida & sicca, non tamen ab humi-
ditate aerea & cælesti absoluta, cum ca-
loris naturalis per se ac per accidens sit
confortatiua: complexio quidem ac-
cidentalís eius quia elementaris, cæle-
stem in denominatione vincit, quæ cū
sic calida sit & humida, sicca imò calida
denominatur. Et cælestis caliditas & hu-
miditas, vt arbitratur, primum gradum
non multum excedere videtur: & ex vi-
no potenti veteri & huius secundum
accidentalem complexionem ad quar-
tum peruenit gradum, cum naturam i-
gnis sapere videatur; quoniam si tanta
caliditas

caliditas in substantia densa creata foret, non minus pipere calefaceret. Verum & si tantæ sit intentionis, non tamen tantæ potentiæ existit. Nam tolerabilis est eius læsio, & citò transiens, quæ ex elementari prouenit cælesti remanente, de quo in fine capituli. Hæc autem suis in qualitatibus moderatur vini potentia aut debilitate, & artificio & vini nouitate. Quibus inducatur cū ad tantum gradū perueniat, eius dosim à dosi magnarum medicinarū non multum eleuari debere. Detestandus itaq; erit ad vncias tres immoderatus vsus. Nam vidī virum qui ex ea vncias quatuor sine læsione sumebat. Id tamen arbitror dosim sic designari posse à drachma vna ad summum vsque ad vnciam: mediumq; variare opus est corporum varietate petente. Acceditq; ad eius augendam dosim, aut minuendam ætas, regio, ætas, tempus anni, & similia. Neq; hoc loco præteribo Siminianum tuum à vaginis nuncupatum, qui eodem in die plures ad vsq; vncias duas & dimidiam & quandoq; ad vncias tres de ea

assumit, qui sic iā multis annis vsus est; ex vsuq; talis se continuo sanum superuixisse predicat. neq; altera vsus est medicina, vt arbitretur iam triginta annis, eius beneficio vitam sibi productam fuisse,

Operationes.

Est calefactiua, exiccatiua, maiorq; est sua siccitate calefactio, ac humiditate siccitas, de quo post. Qua ex re in ægri tudinibus calidis magnum non videtur asferre iuuamentum. Magis autem in ægri tudinibus frigidis phlegmaticisq; permaximè mirum in modum conferre experimur. Est subtiliatiua, resolutiua, ventositatum carminatiua, oppitulationum aperitiua. Quamobrem exercitio carentes vt presbyteri, religiosi, & quibus literarum est studium, curiales cæteri q; tales, quorum virtutes non confortantur naturales: & superfluitates multiplicatæ non resoluuntur, ea inter cæteros mortales vti habent, illamque cum magna veneratione colere. Estq; caloris naturalis conseruatiua naturali sua caliditate & humiditate, spirituum

ritum augmentatiua viuificatiuaque,
quas ob res in prolongationem vite mi-
rifice accedit.

Decoratio.

Vsus eius quotidianus ad drachmā
vnā cum vncijs tribus vini electi odo-
riferi, vt aiunt, canos suo in aduentu re-
tardat, iuuentutem sic conseruat, tineā
capitis vlcera, scabiemq; omnem tollit,
si manē & sero lauetur ex ea, præcipue
si cum sandaracha gummata fuerit. Len-
tiginēs cum sanguine vespertilionis li-
nita delet: & cum tartaro & succo fumi
terræ faciei pustulas.

Caput.

Sodam antiquam aufert, cum de ma-
teria frigida sit, caputpurgio ex ea fa-
cto. Epilepticis opitulatur, & apople-
ticis succurrit, si potatur præsertim in a-
qua: in qua diamusculus fuerit infusus,
siq; ex ea lauetur caput, si odoratur, si
caputpurgium ex ea fiat. Et indies occi-
pitio loto aut ex ea madefacto, memo-
riam auget ac conseruat: hisq; præci-
pue quibus locus ille humiditate super-
flua læditur, Catarrhum frigidum & hu-

midum vsus lotonis eius exterminat, & cum pecijs in ea infusis torturæ paraly-
sicq; iuuamentum affert. Fortassis obij-
cietur cum tremor, parua sit ac diminu-
ta paralyss sitq; tremoris factiua, vt a-
iunt, & quomodo paralyssi sic conferre
videbitur? Existimandum quidem id
contingere, dum intra assumitur. Opi-
nantur autem nonnulli vsu eius tre-
morem adgenerare. Nam cum nimium
subtilis sit substantiæ penetratiuaq; ni-
mis atq; non minus vaporatiua, accidit
eam sic actuatam, cerebrum originesq;
neruorum penetrare. Qua ex re cum ex
stomacho vapores phlegmaticos pluri-
mos secum conducit, sicq; eos in origi-
nes neruorum penetrare facit: quare ex
eis sic leuis opitulatio fit tremoris causa
tiua. Dubium autem hoc cum ampliori
perscrutatione egeat, quo multi vexan-
tur, in postremis aperietur. Confert &
& spalmo humido, squamosumq; ca-
put liberat, cū ex ea sāguine leporis mi-
starorañ & odore suo, frigido succurrit
cerebro: passionib. eius frigidis ac humi-
dis magistraliter applicata succurrit.

Aures

Aures.

Contra surditatem suis cum canoni-
bus iniecta, tinnitum tollit ac sibilum.

Nasus.

Corysam fugat ac humiditates per na-
res venientes exiccat, & oppilationem
in eis factam aufert.

Os.

Paralyſi linguæ subuenit. Pectus in ea
infusa, linguæq; superposita, dolori den-
tium ex causa frigida succurrit, eorum
corruptionem tollit: Gingiuas corru-
ptas & putridas emendat: Læſis labiis
ex ventositate aut ex frigide sub-
uenit.

Oculi.

Contra oculorū ægritudines frigidas
exterius linita, bibita aut imposita, vi-
sum conseruat, eoq; præcipue cum eius
debilitas stomachi vitio venerit exteri-
us linita, aut intus bis in die posita, la-
chrymas mirabiliter compescit ac exic-
cat. Quòd id fiat, aqua rosacea aut anti-
monio moderata, laudabilius censeo,
non fueritq; lachryma calida, neque in
principio currens, neq; p interiora vasa

veniens. Quamobrem peritos semper in arte consulas & sic administrata oculorum caliginem annullat, corrodit vngulam: visum ex causa frigida debilitatum fortificat.

Pectus.

Vocem ex causa frigida deperditam restaurat, anhelitum, ut actum, vasa, foetum remouet: id cum praecipue stomachi vitio venerit. Asthmatis ex causa frigida ac ventosa succurrit, cum decoctione caricarum aut liquiritiae potata. Peripneumoniae, tremori cordis ex ventositate & causa frigida subuenit. Adde quod nihil melius ea est in vlceribus & humorosis exituris mamillarum desiccandis, & extenditur ad maligniora virtus sua, ut dicetur in peste. Et asseruerunt quidam quod eius usus cum theriaca omni die, cor ab aere epidimico defendit. Neque remedium hoc detestor suis in temporibus moderatum, de quo post, pulmonis humiditates superfluas exiceat resoluitque.

Stomachus.

Frigido stomacho & phlegmatico
& hu-

& humido, pauca cum caliditate coniūcto, mirū in modum intus & extra subuenit. Quæ res, vt actū, de Marchione Mantuano moderanda est: cuius vsus quotidianus fuerat: quantitatemq; variare oportet, virtutis ac temporum locorumq; varietate: nā in tēportibus frigidis securior erit eius vsus maiorque quantitas sumi poterit. Eius ventositates ac dolores ventosos dissoluit, ac continuo cessare facit. Et cū in resoluendas stomachi ventositates ac dolorē ventosū Mātuanus Marchio plurima medicamenta tentasset, nullum aquæ ardenti par esse dicebat: cuius rei testis sum ego. Oppilationi splenis ac hepatis succurrit. Hydropisi ex causa frigida conuenit, quo in casu præsumunt quidam omni die dari ad quantitatem mediæ testæ oui. Et renibus calida superposita eorum dolorem aufert, & in dolore ventoso mirabiliter operatur. Ventositates intestinorum dissoluit, sicq; dolori colico atq; iliaco ventosis subuenit, aut per os, aut per inferius sumpta aut exterius cum panno aut filtro superposita.

Membra expulsionis.

Sterilitatem ex causa frigida aufert potata & pessarizata & frigidis natura subuenit ad masculandum.

Iuncturae.

Athriticae podagreae, ischiaticae ex frigida causa praecipue factis in declinatione suis cum canonibus administrata, & ex frequenti applicatione peciarum in ea infusarum calidarum ischiaticae loco appositarum vidi Foroliuij quendam liberari. Hec est etiam elegans medicina dolori ex neruo aliquo semi inciso, & spasmus familiariter medetur si bene cum alijs medicinis conducatur.

Vulnera & ulcera.

Fistulis cum instrumento iniecta ac noli me tangere, subuenit.

Febres.

In quartana praecipue phlegmatica per horas duas ante accessionem exhibitae cum his quae melancholiam respiciunt, ut buglossae flores aut boraginis, mirum in modum subuenit ac proximum abbreviat: sicque alijs febribus ex causa frigida venientibus.

Venena

Venena.

Venenum expellit theriaca associata. ipsa enim continuò medicamen ad cor conducit, vermes interficit, etiam si exterius corpus liniatur, neq; venenosum animal, vt aiunt, ei approximare ausum est: Valetq; vt actum, pestis tempore, & super glandulam posita, quū virtute confortatiua ac venenosi humoris ad se attractiua non careat. Hæc autem omnia, vt non nisi cum ratione administrantur, & canonibus suis munita esse debent. Quod vt tibi magis, hos addam non postergandos canones, de quibus statim.

Canones.

Primus, quòd quæ de ardenti aqua scripta sunt, intelligi debent in agridudinibus, præcipue frigidis, quæ sic conferre visa sunt. Aqua enim quam Essentiam quintā notā nominauimus, in omnibus indifferēter valet: & de hac nō est sermo noster. Potest autē & hæc ardens dari, si cum ea frigida opportuna cōmīscantur. Secundus, quòd effectus eius

in morbi causa illaq; plurima existente, nisi prius congruæ præcedant euacuationes, rationalis medicus tentare non debet, ne omisso sic vniuersali, particulares eius gloriosi effectus à vulgo indignè damnentur: Sicq; pauca fuerit materia, cuius ab ea resolutio speratur, aut mala, aut simplex fuerit complexio, sic eius vires continuò tentandæ erunt.

Tertius, quòd ipsius operatio paruo perficitur spacio, vt arbitretur non nisi ad horam virtutem habere, præcipuè cum membris applicatur exterioribus, ob quod cum ab ea fortis ac longa quæritur actio, necessaria est frequentata iteratio, aut eius cū alio forti & dēso commistio, vt de composita agetur. Composita enim actio lōgiori tempore perdurat, vt gummata maiori non gummata, vt in applicatione eius cum gummi in cura ischiadis sentimus. Quartus quòd impræmeditatè pura dari non debet, pueris permaximè, ac iuuenibus: sed cum ea vinum aquaq; aut alia commiscenda sunt, medicorum consilio. Senibus verò securius exhibetur, his præcipuè

cipue qui stomachum frigidum & hu-
 midum possident. Neq; quotidianus
 vsus in omnibus laudandus, verum qui-
 busdam de tertio in tertium, peritorum
 consilio. Quintus quod cum mitior spi-
 ritibus, sit feruenti conformior, dum vi-
 tæ prolongatio quæritur, dosis augen-
 da erit: sicq; fiet varius vsus dum sanitas
 quæritur, dumq; expelli ægritudo ten-
 tatur. Et vt planius atq; firmitus capian-
 tur quæ de ea simplici sic dicta sunt, ac
 de composita dicentur, non inutile fa-
 cio hoc in loco vini dignitates poten-
 tiasq; in medium ducere. Nam cum re-
 feratæ certa cum ratione fuerint, non
 hæsito quin credulitas fidesq; dicendis
 amplior detur, in quibus aquæ ardentis
 excellentia maxima cum veneratione
 splendeat, cum vini spiritus sit & ani-
 ma pars suo corpore dignior: accedet-
 que fortassis vt qui legens diuinam hæc
 aquam neglexerit irreuerenterq; asper-
 natus fuerit, eam honore dignam præ-
 dicabit. Vini quidem caliditatem à cæ-
 lesti calore solari emanare minime hæsi-
 tabitur, cum ab eo vuarum maturatio

omnino fieri comprehendimus. Quòd autem ab alio eductum est, eius à quo educitur naturam retinere non negandum, cum orta suis attestentur principijs in virtute et vitio suarū operationū. Itaq; vini calorem cēlestē diuinumq; esse non indignè Antiqui enuntiarūt. Calor quidē cēlestis humano calori coniunctus, cum hominē generet, arbitrandum equidem est, & ipsum nutrire & vitā in longum ducere posse. Nā cuius potentia in maius est, in minus posse fatendum est. Quamobrem cum homo & Sol generent hominem, inquit Aristoteles, id cōcedendū, vt calor vini calori naturali nostro, vt Princeps ait, maxima sit cum proprietate coniunctus: quo fit vt sit virtutis vitalis confortatiuus, cum à suo simili simile confortetur, ipsiusq; multiplicatiuus nec non restauratiuus. Ex eodem autem generamur & nutri-mur, inquit Aristoteles. Et quis ita insane mentis erit, qui his non consentiatur? Experientia quidem in dies cōperimus vini virtute syncopizatos releuari. Quod planè Saraceni intelligentes syncopizatis

copizatis, ut à morte releuentur, contra legem vinum exhiberi nō prohibēt quinimo concedunt & offerūt. Et quis non nisi cæcus, qui de lumine iudicare voluerit, his contraire poterit? Nam in horas videmus cum fuerit quis in virtute nedum animali motiua, sed & vitali resolutus, in consuetas operationes minime potens, se fateri ex potu vini suavis ac gustu delectabilis sic potando restaurari fortificarique in eas operationes, in quas prius non poterat, potenter posse. Consueuerunt etenim potatores sic post potum enuntiare se duplici pretio valere. Nunquid Philosophorum sententia hæc est? Princeps inquit:

Vinum debiles efficit fortes, propterea quod velociter præbet augmentum in substantia spiritus. Itaque velociter, ut Auerrois non displicuerit, vinum non per tot digestionem transire, sed paruo in tempore in spiritum conuerti, naturæque humanæ cum opus erit, mirabiliter succurrere, cum calorem cælestem humano proportionatum in se claudat: Albertus Musæus, Patauinus Poeta,

quem vini dignitas non latuit, ait:

*Rebus in humanis ô nimis laudabile vinum,
Præcipuè assuetis, vitæ pars maxima nostræ.*

Quamobrem cum naturæ humanæ ipso auro amicari conformariq; magis sentiatur, arbitrandum quidem est in vitæ prorogationem auro potabili plus posse conferre, quo nonnulli alchimizantes gloriantur. Vinum namq; ad vitæ humanæ nutritionem, & elongationem à natura inuentum est, in corporum generationem quamplurimum operans, quoniam, ut actum, ex eodem viuimus & generamur: estq; sic naturæ humanæ familiare magis. Aurum autē ad has corporis cōmoditates minimè principaliter inuentum est, ad eas accedere non videtur, & si in quibusdā corporis vtilitates accedat, à generatione & nutritione remotas.

Qua de re pace sic alchimizantium dicam, In vitæ humanæ conseruationem prolongationemq; ardentem aquam ipsa potabili auro præstantiorem. Oridendum cum addant suę dignitati ipsū
sic

sic in substantiam liquidam conuersum ad formam propriam amplius reduci non posse, quam si retinebit, non hæsito ipsum reducibile esse: si non, aurum non erit. Hisq; induco vt ex conclusis planè intelligamus ipso auro potabili ardentem aquam in vitæ conseruationem prolongationemq; magis valere, cum moderatè assumpta fuerit, cum vini efficacior nobiliorq; pars existat. Vino nil est nutritibilius. Nā Hippocrates: Facilius est potu quàm cibo repleri. Et dux medicorum Gal. Vinū præ cæteris est nutritibilius. Plerisq; in locis vitellis ouorum & pullorum iuri comparās, ipsum nutritibilius facit, cum magis penetratiuum extet, cum spiritibus proportionatum magis. Nec nos experientia fallit, cum potatores minus comedentes impinguari magis videamus, comestores potantibus minus. Vinum quoque virtutes sic omnes & spiritus restaurat. Spiritus autem præ cæteris nutritibilius vino citius restauratur. Quare vt Almanfor ait, alacritatem, gaudium, iocunditatēq; inducit & Auerrois, à tota spe-

cie melancholiæ aduersatur, cum calidum sit & humidum, gaudium inducēs & melancholiā spīritus à consueto naturali syluestres facit. Videmus bibulos in dies ex potu vini iocundos fieri, & quādoq; Salomonis tunc simias appellemus. Neq; eius innumerabiles dignitates hoc in loco prosequendum esse arbitror. Sat nobis esse debet, quòd in hominum generationem, vitæ eius prolongationem, spīrituum multiplicationem, restaurationem, quibus vita conseruatur prolongaturq; inuentū sit. Princeps: Vinum semper habet per eius Essentiam ad spīritum cōuertī, quæ omnia & experientia cōprehendimus. Vino vtentes carnosiores esse, & rubicundiores, generatiuos magis, in coitu potentiores. Quamobrem vt suam seruarent pudicitiam de cultu fœmineo Romani magis sollicitantes, fœminis vini potum prohibuerunt.

Equidem eo vtentes animosiores, robustiores, animoq; iocundiores redduntur, quæ omnia accipienda sunt, cum fuerit eius moderatus vsus, Propter quod

quod Ecclesiastes: Exultatio animæ & cordis. Et moderatè potatum, sanitas est animæ et corporis, estq; sic humores temperatos faciens. Si itaq; sic esse concedimus, quod minimè negari potest, quid de ardenti aqua dicemus, quæ vini pars est spiritiuosa nobilior atq; potèntior? nunquid in eos effectus illā posse negādum est, cū orta in virtute suis attestent principijs? Nunquid nō maximè colēda est? Nūquid nō amplexāda est? O bone Deus, quantū in spirituum augmentū, inq; restorationē subitā accedat ex datis facile colligimus, restante medicorūduce. Omnīū subīto & veloci ter nutrientiū est vinū. Spiritus enim animæ prima sunt instrumēta, vt corpus viuat, nutriat, vitāq; in longū deducat. Cur itaq; cū aqua ardēs sic in spiritus subito trāseat, & ex ea nutriatur, eā ad vitę conseruationem, prolongationemq; accedere, insolēter negabitur? Eadē enim similitudo videtur aquę ardētis ad distillatam aquam, quæ carnis ad vinum. Cur itaq; aquam ardentē non laudabimus in spirituum restorationem,

vt illam posse, cū sit vini pars nobilior :
quod omnium, vt actum est, nutritibilis-
simum, citoq; ac subito nutriens, siq; lo-
co, corpori, tēporeq; vt decebit, admi-
nistrata fuerit. Fortassis, inquiet, ab i-
gne caliditatem elemētarem suscipere,
fatendum. Ea propter suo est moderan-
da loco, cū aut cholerico aut phlegma-
tico exhibebitur, non tamen plurimum
ignitur, vt in confectiōe, quæ ex alijs
rebus sic distillando fit, est videre. Non
enim aqua rosarum ignitur, non fœni-
culi, non aqua carnis, vt sic ex hoc blas-
phemetur. Arbitrandum quidem est
varietatem suscipere cū in conficien-
do, tum in administrando. Nam quæ
candela conficitur, mitem ac meliorem
facio, prætereo solarem: sicq; de cæteris
dicatur modis. & secundum ætatum di-
uersitatem locorum ac temporum va-
rianda erit: neq; ab igne corruptionem
aut imperfectā alterationem suscipit in
distillatione: si fortē caliditatē, moderā-
da erit. Quibus omnib. planē satis rese-
rata est auctoritate huius diuinæ aquæ
dignitas, ac mirāda potestas auro præstā-
tior,

tior quę sic neglecta per manus laicorū
lōgis iam annis, oberrauit. Quam cum
maturius intelligere volueris, illustrissi-
me Princeps, non hæsito eius virtutes
te ita allicere, vt ad eam colendam su-
mendamq; maxima cum dignitate ac-
cedas. Quare sophisticis rationibus au-
res non sunt prestandę, quibus nonnul-
li detestari conati sunt. Sileant itaque
qui eius dignitates non nouerunt, om-
nium rerum distillationes non nisi vo-
luntarię spernentes. Hęc autem omnia
oculis tuę dignitatis anteponere con-
cepi, cui neq; prudentia neq; literarum
copia defuit, vt sic spectanda videres
iudicaresq; : deinde si ex principijs Al-
chimix Hermetis Philosophi, Petri Hi-
spani, Arnoldi de Villanoua, cuius &
adhuc tanta extat in opere medicinę
experientia, vt alterum Apollinem me-
dici prædicent : si Raimundi viri quip-
pe diuini, si insignis medicinę splendor
Thadæi medici, siq; plurimorum philo-
sophantium autoritas ita ieiunę sper-
nenda est : siq; eorum sententia, qui
omnes in hanc conuenerunt : Aquam

ardentem moderatè sumptam, in vitæ conseruationem prolongationemque quàm plurimum posse: esseq; aliorum effectuum, de quibus actum, productiuam, vt canitiem retardare, quæ superflua sit humiditate, an in cōtrarium versa sententia magis colenda sit?

Spero equidem & in futurum eam tua ex dignitate maiorem gloriam consequi, cum tuæ producendæ vitæ causa erit. Fortassis hæsitabitur si humidæ complexionis dicēda sit, an sicca cum à plerisque vinum humidæ complexionis inscribatur: neq; perscrutatio hæc facilis habeatur, cum maxima sit in hoc sapientum discordia. Nam Cōciliator noster cum plurimas rationes non paucasque authoritates aduersantes reuoluisset, ipsum humidum pronunciandum esse affirmauit, præcipuè si annum non excefferit, de quo supra. Qua ex re, cum aqua hæc vini nobilior pars sit, ortaque suis principijs attestari videantur parte in principali præcipuè, sic humidam esse putandum, quam rem experientia confirmare uidetur. Nam cum in fundo cyathi co-

thi cochleare vnum ardentis aquæ inie-
ctum fuerit & postea accensa, eius qui-
dem flamma per octauum horæ dura-
bit, quod equidem absque humiditate
grandi esse non potest. In qua sic flam-
ma pabulatur, quinimò grossitie qua-
dam & viscositate participare videtur:
sic itaq; humidam esse relinquitur. Ve-
rùm quòd sicca sit pronūcianda magis
iam scriptum sit. Quam rem confirma-
re videntur authoritates in contrarium
quibus vinum calidum esse & siccum
enuntiatur. Et experientia affirmat
cum vrens & caustica sit, quæ calidi &
sicci sunt operationes. Nam in fundo
cyathi combusta iam vitrum calidum
reddit, veluti ignitum ferrum ferueat &
tangentem vrat. Res itaq; sic in contro-
uersia posita est. plurimi alchimizantes
eam humidam esse dixerunt, non distin-
guentes humiditatem actualem à po-
tentiali, cum Philosophiæ dogmata ne-
scierint. Cæteri siccam.

Ego quidem pace aliorum id arbitror
vt pronūcianda sicca sit, & vt actum,
ab humiditate non absoluta, Nam pri-

ma in distillatione cum per actionem
ca i di partes uini sequestrentur, id o-
pinandum subtiliores igneas prius a-
scendere debere, consequenter aereas,
quæ sic permistim etiam ascēdunt: qua-
re siccitas cū humiditate coniungitur &
si siccitas vincat, quibus eorum apparet
error, qui primam aquā sic neglexerunt
cum secunda exiens aquea sit, tertia ter-
restris inutilisq;: Fortassis hesitabi t cum
aqua ardens ita calida pronuntietur, &
quomodo ita spiritib. ac naturali calo-
ri amicabitur? Accipiendum quidem
est ipsam ex diuersa fabricatione diuer-
simodè sua in caliditate variari. Nam
quæ ad Solem fit, si fieri potest, aut in uē-
tre equi, aut cum flamma candelæ, mi-
tioris est caliditatis ea quæ per vitem
aut alijs iam dictis modis conficitur, &
quæ ad flammam valde mitis erit. Hæc
autē aqua & si prima impressione suis
cum partibus igneis lædere videtur, po-
stea tamen per actuationem calidi na-
turalis resoluuntur, vt experientia doce-
mur. Nā illa acuitas citò desinit, quare
mitior in caliditate facta ac siccitate sua
cum

cum humiditate tali miti caliditati coniuncta, spiritibus ac calori humano sic proportionata ac cōueniens redditur. Spiritus quidem humanus non, vt arbitrat, paruae caliditatis existit. Vnde dux medicorum Galenus in libello de Malitia complexionis diuersae: Si quis digitum in sinistro cordis ventriculo imposuerit, sentiet maiorem caliditatē quae sit, vt exprimere voluerit magnam etiam in corpore humano caliditatem inueniri, in quo non rarò magnae comprehendimus adustionis effectum. Nā in renibus caliditate potenti lapidis generatur, quinimò & in vesica membro existente ita frigido. Estq; non postergandum, mitiorem in vitę prolongationem maioris esse adiumenti, feruentiorem verò in ægritudinibus tollendis, & validiorem.

Hæc autem quæ longo ac digesto sermone egèrent, raptim nauigauī, ne tuæ Dominationi eius longitudine fastidio sim: & ad aliud cum pertineat negotiū, sic quasi tacitus ire volui: satis est mihi rem aperuisse. Postremò hoc loco non

tacebo dignitates aquæ vitis, & si audi-
ui, etiam cum authoritate perlegi: aurū
quidem potabile sic dignificatum ha-
ctenus nullo in codice cum authoritate
reperi. Quæ autē dicta ac dicenda sunt,
sic planiora fiant, accipiendum duas in
ardenti aqua caliditatis actiones esse.
Primam quidem elemētarem, qua exic-
cat & corpora calefacit, cuius dominiū
super alteram posuimus. Nam per eam
calidam & siccam enunciauimus. Reli-
quam cælestem, viuificatiuam, à vino
contractam, quam in eum sui in creatio-
ne Solaris virtus impressit, vt naturalis
eius complexio ab elementari sic vinca-
tur, vt in pulmone ab accidētali natura
lis superatur, hacq; natura calida reddi-
tur & humida, spiritū generatiua. Aer
quidem vt in spiritū conuertatur, quā
vini anima magis distare videtur. Aerē
verò, vt ait medicorū dux, in spiritum
natura conuertit. Et primi secūda Prin-
ceps. Cur itaq; proximiorē hanc in
eum conuerti, huic diuinæ aquæ inui-
dus posse negabit, hacq; caloris actio-
nes inueniri posse scientificus an nega-
bit

bit, cum sensu comprehendatur in febriente has inueniri actiones:

Quarum vna febris est elementaris, cum febris calor sit, in igneum mutatus, vt Galenus: & caliditatis actio naturalis, qua corpus alitur. Et coniunctione sideris solis & caniculæ aer sic æstuans siccus factus, nunquid substantia humidus existimatur? Planè itaque asserendum esse arbitror, elementarem cælestemq; caliditatem ardentem aquam in se possidere, & amplexatam sic eam naturam diuidere: diuersisq; in operationibus eius vti, vt elementarem in superfluitatum consumptionem conuertat, cælestem verò in spiritus generationem. Quo fit vt sic potentior facta, vitam in longum deducat. Harum actionum diuisionem quis fortasse admirabitur: qui cum id legerit in re medicinali, minimè audiendus erit. legat equidem prius Principis scripta cum de curando hemitritæo sibi cura est, discretiuam virtutem commemorantis.

*De Nocumentis simplicis ardentis aquæ.**Caput X.*

Post autem narrationem eius iuua-
mentorum, consequens duxi no-
cumenta prosequi. nam ex his quæ
scripta sunt, planiora ac clariora nobis
fient. Primum itaq; dicamus ægritu-
dinibus calidis, sic non conferre acutis
ac furiosis, maximè cum suis manifestis
qualitatibus nocumenta præstet, & in
has addat ægritudines: neq; qui calore
stomachi muniti sunt ea vtantur: eam-
que deuitent cholericì pueri, & quibus
innatus fortis calor est, aut resolubilis:
propter quod debiles in calido præci-
puè stomachi ad eam assumendam ma-
gna cum cautela accedant: iuuentusq;
plus senectute expauescat, & senes cho-
lericì phlegmaticis eius in usu se magis
moderent, & frigidis natura: sicq; & se-
xu calidiores. Quamobrem mulieres
viris audacius tutiusq; vti possunt.

Contempletur autem, vt actum: se-
xus, ætas, complexio, virtus, habitudo,
tempus, consuetudo, ars, regio, aeris cõ-
stitutio,

stitutio, membrorum corporis aptitudo, vt si cætera non negarent, aptitudo in excoꝛiationem fortassis prohiberet. Sit itaq; in his curiosus qui alteri eius assumptionem laudabit. Et quis hoc facere poterit nõ nisi in medicina peritus? In egritudinibus verò calidis, cum frigidis moderatam dare licebit, vt in hemitritæo piper. Et de his tantum dixisse volo, cum cætera quæ de nocumentis eius dici possunt, ex habitis aperta sint.

De Aqua ardenti composita & virtutibus eius. Cap. XI.

DE simplici sic expediti, ad eam prosequamur, quam compositā nominarunt, quoniam rerum aliarum coniunctione fit, quæ sic diuersificari habet, vt ex diuersis fit elemētis. Qua ex re cum propè infinita cum ea componi possunt, non est eius compositioni finis statuendus.

Sic itaq; pauca & experta authoritate & laude dignissima inscribam composita, quæ impræsentiarum nostro in-

u

seruiunt negotio, id primum prædicās,
quod membra omnia ad quæ perue-
nit indifferēter calefacit ac exiccat: mē-
bra frigida, humidaq̃ confortat.

Quod illustres viri intelligentes, simpli-
cia quædam cum ea commiscuere, quæ
eius virtutem ad diuersa membra duce-
rent, illamq̃ suis in effectibus sic sua cū
proprietas redderent fortiozem. Cūq̃
cerebrum læditur, in sui releuationem
tutamenq̃ cerebrum respicientia com-
miserent, & alterantia quædam suæ dy-
scrasia remotiua, estq̃ in alijs simili cū
modo operandum. Poterit itaq̃ quisq̃
in arte peritus, vt alia & dispositio alia
expostulabit, variam compositionem
ordinare. Vt exempli gratia, dicamus
cum abrotano & saxifragia, aut sola cū
betonica in renibus, vt in vesica lapi-
dem frangit. Et cum succo fumiterre &
lapacii acuti, faciei pustulas tollit, & cū
salvia tremorem. Cumq̃ doctrina exē-
plaris eaq̃ per præcepta efficacior sit,
pluribusq̃ gratior, quasdam propterea
descriptiones subiungam laude & ex-
perientia dignas, si prius commemora-
uero

uero, quæ in ea infusa erunt, ab omni sua virtute sic expoliatiua tales in se recipiens, quoniam, vt actum, sic suo odore saporeq; priuantur, suaq; potenti virtute illas mirabiliter in se trahit. Et si infusa minuantur, ab ea facilius sic expoliantur. Neq; non nisi ab experto Phisico has compositiones fieri posse putandum: compositio namq; simplicium semper mihi perdifficillima visa est, & ad eas prosequens, hanc tibi primam facio contra mingendi impotentiam. Senilis passio est & si quandoq; ætas alia illa grauiter molestetur renes, oppilatos aperit & lapidem in eis induratum cōminuit, extrāque expellit: cuius descriptio hæc est.

Recipe radicem sparagi, brusci, fœniculi, petroselini, raphani, iringorum, milij solis, seminum genistræ, endiuia, scariolæ, capillorum Veneris, ana. Hæc omnia prius contusa minutimq; incisa in quantitate sufficienti ardentis aquæ bis distillatæ infundenda ponantur, in eaq; sic horis octo resideant: & postea fuaui cum igne, vt decet, distillētur. ma-

iolem autem vim sic habere videtur:
quam Thadæus medicus insignis sua &
nostra in ætate princeps ordinauit. Nā
operam fortiolem sic agere videtur, cū
lapidem in vesica induratum frangat.
Est quidem fortius antidotum quod in
vesica, quā quod in renibus lapidem
frangit & comminuit: tremori paraly-
siq; mirum in modum subuenit, & dolo-
rem colicum ex causa frigida venientē
tollit: iuuentutemq; conseruat, ac canos
retardare facit. Hanc autem tot laudi-
bus extollit, vt sic laudando detrahere
videatur. Eam nanq; in omni ægritudi-
ne colendam esse persuadet, cuius in v-
su honores maximasq; laudes se conse-
cutum esse ait, neq; minores vtilitates.
Ob quam rem non omnibus commu-
nicandum esse consulit. Cuius iudiciū
atq; consilium non commendo, cum
has dignas res sepultas seruare graua-
mine conscientia non vacet, sicq; sum-
mo opifici, qui omnia gratis concedit
iniuria quædam exhibeatur, voluitque
medicum ea prudenter moderateq; v-
tentem sic facile ditari posse.

Recipe

Recipe caryophyllorum, nucis moschatae, macis, zedoariae, galangae, piperis longi, pyrethri, corticum citri, sampsu-
ci, salviae, ameos, spicenardi, ligni aloes,
cubebarum, cardamomi, cinnamomi,
menthae, lauendulae, pulegii, costi, origa-
ni, calamethi, calami aromatici, stoecha-
dos, chamedreos, chamepiteos, ana pul-
uerizetur, & optimo cum vino de quo
actum, claretum fiat, & postea in distil-
latorio ponantur.

Prima itaque quae exhibet, aqua clara ac
perfecta erit, sicque secunda: tertia vero
negligatur, & huius aquae vis tanta est,
ut etiam exterius applicata in curandis
aegritudinibus quam potenter valeat. Ad-
diturque moschus in peciola ligatus sic
in ea continue residens, cuius quantitas
consilio medicorum moderanda est.
Plurimi enim sunt, qui eius odorem non
tolerant, nonnulli quos summe dele-
ctat: cochlear vnum ab eodem dosis in-
scribitur singulo die ieiuno stomacho.
Consuliturque in comminutionem lapi-
dis in vesica, ut de quarto in quartum
eius aliqua pars in vino, quod in mensa

bibitur, infundatur. Quæ res si mēſibus
sex aduſq; octo ſeruabitur, aut anni tē-
pore, omnem in veſica induratum lapi-
dem franget, atq; comminuet. Quòd ſi
dolcuratio delectabit, id ad voluntatis
libitum fieri poterit, in ea infundendo
liquiritiam, non ſaccharum quoniam
ipſum in aqua vitis non diſſoluitur, vt
actum. Et vt diuinæ huic aquæ fides
cum argumento amplior adhibeatur
ab authoritate ſumpta, referam quod
& plurimi ſenſerunt, Conciliatorem vi-
rum quippe diuinum codices ſuos fa-
rina Thadæi inſignis panem confeciſ-
ſe, tanta fuit ſuarum literarum copia at-
que dignitas: quem quidem Thadæum
vt alterum Aſculapium ſuis ſingulari-
bus cum experimentis veteres & noui
medici, magna cum veneratione colūt,
cuius famoſa opera extant, & in dies
per ſcholas medicorum maxima etiam
cum reputatione perambulant. Quis
igitur non niſi inexpertus, aut mentis
incompoſitæ, qui cæteris plura ſciſſe
ſic deteſtando oſtendere ſe putarit,
hanc deteſtari, aut mortales non colere
dicere

dicere ausus erit? Cuius diuini viri doctrina & experientia simul semper incedunt. Hanc itaq; te colere, hancq; strictius amplexari, in vitæq; tuæ prorationem ea vti persuadere non hæsito, quinimo consulo. Quod à me actū non inaniter, non voluntariè, sed firma cum ratione esse puto. Sicq; calumniator eā sic omnibus communem esse damnabit: fatendum, si ætas, complexio, anni tempus, & huiusmodi, de quibus actū, postergabuntur, sique vniuersalia præ oculis habenda, neglecta erūt, quæ omnia operanti cognita Thadæus esse voluit. Qua ex re, vt sæpe peritos in arte consulendum est, qui his in omnibus cæterisq; moderationem seruare non ignorant. His tertiam & plurimum gratam & expertam adiiciam cordis viuificatiuam, cerebrumq;, ac stomachum confortantem, oppilationem exterminatam, canitiem retardantem.

Recipe caryophyllorum, nucis moschatæ, macis, zedoariæ, galangæ, piperis longi, corticum, citri, saluiæ, sampsuci, ameos, spicæ nardi, ligni aloes, cubeba-

rum, amomi, cardamomi, lauendulæ, menthe, pulegij, origani, calamēti, stœchados ytriusq̃, chamēdreos, chamēpyteos, ana. Terenda terantur, distillentur que, vt actum.

Eadem operatio aque, quæ nunc describetur, his mirum in modum subuenientis qui absq̃ causa tristantur, quibus & cordis tremor est molestus. Hæc quidē solitarios ad societatem conducit, & ad bonorum morum consuetudinem mortales excitat. O diuinam, ô colendam nimis: cuius hæc est confectio.

Recipe zedoariæ, doronici, corticū citri, macis, nucis moschatae, ana, drachmas duas, coralorum rubeorum, charabē, limaturę eboris, ana, scrupulos duos been albi & rubei, caryophyllorum. zingiberis. piperis longi, spicæ, folij, croci, heil, ana, drachmam vnam, trochiscorū diarhodon, ligni aloes, ana, drachmas quinque, cinnamomi, galægæ, zorumbet, ana, drachmas quindecim, foliorū auri & argenti minutorum & pistatorum, ana, aureum vnum, albarum margaritarū drachmas tres, fragmētorum sapphi
ri

ri, hyacinthi, smaragdī, ana, drachmas
quinq̃, moschi electi, scrupulos quinq̃
ambre scrupulos duos, emblicorum. vn
cias quinq̃, rosarū vnciam vnā, fiatq̃ in
de aqua, vt actū. Hæc quidem laude sic
digna, preciositatēque sua veneranda
magnatibus fortassis tantummodo cō-
modo esse videbitur. Ob quam rem
aliam subiungo pauperibus ac diuiti-
bus communem, & suis in effectibus pa-
rem aut prope parem.

Recipe foliorum rosarum, drachmas
quindecim, liquiritiæ mundatæ, drach-
mas septem, ligni aloes electi, sandalo-
rum rubeorū, ana, drachmas tres, cinna-
momi electi, drachmas quinq̃, macis,
caryophyllorum, ana, drachmas duas,
quinq̃ gummi Arabici, draganti, ana,
drachmas tres, scrupulos duos, nucis
moschatæ, cardomomi, galangæ, ana,
drachmā vnā, spicæ, scrupulos duos,
ambre scrupulos duos, moschi scrupulū
vnum, aquæ rosaceæ, vini, ana, fiat, vt
actum. Hæc enim stomachi præcipuē
defectionem tollit, ex omniq̃ mala cō-
plexione frigida & humida venientem

dispositionem remouet, nutritiuorū instrumenta omnia confortat ac roborat sic excitat appetitū, & cor letum facit. Putrefactionem oris ac stomachi mirum in modum superat, cerebro cōfortando opitulatur, & conualescentibus conuenit, cum illis sua virtute subueniat. Et ut cōstantioris sit effectus, nō nulli ingeniati sunt cum ea gummi infundere, ut suo congruit negotio, nunc in ea gummi infundentes, nunc cum vino distillantes, ut dragantum, mastichem, & huiusmodi. Sicq̃ diuersificant amara & dulcia, & alterius saporis reliqua infundentes, & stomachi conformationem quærentes, in ea stomachalia infundunt, aut cum ea distillant, agentesq̃ proportionabiliter cæteris in mēbris, ut suo pertinet negotio. Bene autem comprehendī potest, quā facilis sit in ea compositionum multiplicatio. Ob quam rem sic impræsentiarum finem faciam, si hanc postremam his addidero, quæ tibi summè necessaria, neq̃ minori laude mihi digna visa est, cuius in quotidiano usu à veneno, pesteque diuina

diuina semper bonitate iuuante, sic pręseruaberis, accedetq; ad membrorum tuorum omnium robur. Hanc quidem magnificare velis, & auro præstantiorē esse dicere non hæsitabis. Facile enim ex eius compositione comprehēdetur, si ad cordis tutamen, si ad spirituum augmentum, si denique ad aliorum membrorum omniū ampliorem commoditatem sua cum virtute, aut occulta, aut manifesta, ipso potabili auro plus accedet, & iuamēta maiora præstabit: quā amare & venerari mortales quāmaximē debent, hisq; præsertim temporibus, in quibus vniuersus populus sic peste flagellatur. Ego quidem Deo meo semper gratias, saltem quas possum, refero, qui sua misericordia huius diuinæ aquæ notitiam dedit, quam & colere & vtī in posterum concepi, neque ætas mea hoc paruifacit.

Arbitrandum quidem est compositam simplici potentiorē efficaciorēque esse. Quod si simplex a corruptione putrefactioneq; corpora defendit, quid de ea composita putandum est? Mi-

nimè itaq; dubitandum erit, hanc rebus
ita cor tutantibus refertam in venenum
inç; pestem potenter posse.

Experientia enim certa videmus, cor
anima carens in ea simplici longis in
dieb. à putrefactione præseruari. Quid
ergo arbitrandum est, si cum eo anima
coniuncta erit, vires omnes suas in cor-
dis conseruationem extendens? Est ita
que aqua hæc vt altera anima colenda,
que, quanquam gratis oblata sit, tamen
hac tempestatè minimè refellenda est:
eamç; Mithridato comparẽ facio. Cu-
ius ex vsu Mithridates Rex, cum hostis
manus veneno se fugere arbitraretur,
venenare se non potuit. Est itaq;, vt sin-
gularis thesaurus, colenda, & auro pre-
ciosior, veneranda magis. Hancç; cum
sic gratis acceperim, non precio vendã
sed omnibus communem fieri tentabo
vt præsentibus & posteris salutifera fu-
tura sit: eius autem compositio hæc est.

Recipe ardentis aquæ ex materia ele-
cta & ad flammam aut in balneo Mariæ
confectæ duplici distillatione distillatę
libras octo, aceti non vinosi albi li-
bram

bram vnam & mediam: aquæ rosaceæ
 libras quatuor, florum harum rerum,
 buglossæ, boraginis, nanuferis, cichoreæ
 ana, manipulum medium, ossis de cor-
 de cerui, vncias quinque, boli armeni, vn-
 ciam vnam, margaritarum albarum, fra-
 gmētōrū sapphiri, hyacinthi, smaragdi
 ana, drachmam vnam, foliorū auri nu-
 mero duodecim, macis, drachmas duas
 berberis, drachmas quinque, seminum a-
 cetosæ manipulūvnum, zedoariæ, drach-
 mas tres, calsiæ ligneæ, drachmas du-
 as, caryophyllorum, drachmas quin-
 que, cinnamomi, drachmas duas, dipta-
 mi, drachmas tres, moschi, ambra, ana,
 drachmas quinque: omnia cōtundantur
 præter aurum, bolum, margaritas, plus
 quàm mediocriter. Aurum verò bene
 in mortario trituretur, bolus puluerize-
 tur, & margaritæ. Sicque in vase vitreo
 omnia hæc, præter moschum, intromit-
 tantur, optimeque, vt decet, obturentur,
 stentque sic infusæ horis octo, & postea
 lambicentur, aquaque exiens vsui refer-
 uetur. Quod si eius dulcorationē quis
 optabit, cum liquiritia, vt actum, id age

re poterit. Moschus autē & ambra in peciola ligata continuē infusa teneantur.

Eius autem vsus omnī tempore esse poterit, cum ab æqualitate non elongetur. Dosisq; communis erit ana drachmam vnam, vsq; ad vnciam vnam vt minor sic terminus ac maior designetur: medius autem variatur, id etate, tempore, sexu, complexione, virtuteq; in eo varietatem petentibus. Quamobrem consilio peritorum in hoc standum esse aio, quos harum rerum noticia ac moderatio non latuit.

Tibi enim, illustrissime Princeps drachmam vnam vsq; ad duas vel tres dosis congrua erit, & cum vino aromatico mitior, de quo post. Contemplari velis, obsecro, huius diuinæ aquæ dignitatē excellentiamq; cum sic ad omnes bene se habeat. Et per sacra rogo, quod & si tibi gratis oblata fuerit, apud te non vile scat, quam & si simplicem in peste damnabunt, compositam minimē denigrare poterunt, cū sit cordis gloriosus clypeus, & ab æqualitate non distans. Aqua enim ardens simplex & composita
tanta

tanta est obseruatione digna, vt mortales ad eam sumendam non irreuerenter non impetuose accedere debent, sed dispositi & non nisi legibus muniti vt post.

De Cultu obseruando in assumptione ardentis aquæ. CaP. XII.

EXcellentiam dignitatemq; ardentis aquæ admodum tibi non incognitâ esse puto, illustrissime Princeps, quam cum ardentius contemplatus eris, ad eâ peramandâ excolendâq; sua ita te alliciet singularis virtus, vt facile tuæ salubritatis Deam in terris tibi constitues. Eosq; odio habebis qui sugenisi erunt detrahare dignitati: qui, vt arbitror non importune accusandi sunt quoniam operatorum malorum vitio eam perfecte non nouerunt. Hancq; cū semper vitiatam composuerint nō gloriosi, non ita mirandi effectus ab ea emanarūt, qui, vt singulares dotes, à modernis illi attribuuntur.

Verū si eam perfectam gustauerint, eaq; vt actum, vsi erunt, non hæsi-

to eos à sententiâ mea elongari debere. Equidem amanda est, colenda, dignificanda, & diuina penitus nominanda. Non ergo imprudenter quisq̃, si præmunitus legibus non fuerit, non arroganter, non impetuose ad eam sumendam sic accedat, qui ab ea saluari cupit: sed magna cum veneratione, fide, ac obseruando cultu veluti alterum sacramentum assumat, primisq̃ præceptis pareat de quibus actum. Nam corpora vitata nimis ab eius vsu se abstineant. Oquàm ridendum, ô vulgo imperito compatiendum, cum ferè solî crapulantes irreuerenter illam sumant. Nam cum ex serotina crapula matutina læsio percipitur, in peccati expiationem, ad eam sumendam in vicis inconsulte concurrunt, postq̃ assumptionem eius bibulorum loca visitant. Quapropter accipiendū tribus ad minus horis eius post assumptionem, cibos aut potus sequi debere. Hi equidem sunt, cuius inordinata assumptione tali, in tremorem, quem eius ex vsu non perpauci incurrere veretur, sic facile incurrunt, vt de iuuamentis argueba-

guebamus. Hæc autem in corporis salu-
britatem à Deo creata est: qua ex re in-
tuendâ sanitatem, inq̃ vite prolōgatio-
nem, in denique expellendas ægritudi-
nes maxima cū veneratione uti debet
homo. Et hoc loco primū cōmemora-
bo, ut à superfluitatibus, vt possibile est,
mūdus sumens sit, quod debito regimi-
ne perficitur. Cum enim non cōstantis
& diutine sit operationis, sic humiditati-
bus immersa operari minimè valebit, &
suā in membris qualitatem imprimere.
Hæc enim in superficie agēs superficia-
les leuesq̃ humiditatum partes leuigat,
ascendereq̃ facit, quæ facile in origines
neruorum sic penetrare poterūt: fietq̃
fortassis deinde accusatus tremor.
Qui itaq̃ sanitatem colunt, sicq̃ vitā in
longū cupiūt ducere, ut corpus non sit
vitiātū summa cum diligētia studeant.
Hæc enim ambo ardens aqua operatur
subiecto sic disposito etiam moderatē
cum administrata fuerit. Quæ enim pau-
cæ sunt superfluitates timendæ faciliter
exterminat, sicq̃ earum putrefactio de-
fenditur. Verūm & qui crapulationi in-

seruiūt, quos eius vsus delectaret, medicos prius consulant, crapulāq; aut diēta aut potatione medicinali prius cū pace deponāt, & derelicta superfluitas aquæ benedictæ officio, euaneschet. Nam quē admodū confessione grandiuscula peccata tolluntur, & leuia ac minora oblita benedictæ aquę diuinitate ex postea euanescūt, ita & aqua hac derelictę superfluitates: quo fit vt calor vigoratus naturalis, vita sic in longum producat. Quāobrem, vt sacramentū & altera vita colenda est. Quibus inducitur, vt declinationis tempore & tremoris paralytis, ceterorumq; morborum corpus frigiditate ac humiditate perturbantium moderatam potēter magnificeq; valere. Cui sententiæ Princeps alludere videtur cum dicat: Et vinum antiquum paucum confert valde ægritudinibus nervorum omnibus, plurimum verò ex eo sumptum est nocibilior res nervis: sicque plurima nocebit. Alterum animaduertendum est, sitq; potantibus colendus canon, quòd eius simplicis assumptio etiam pauca in quantitate nonnullis grauis

gravis ac molesta est. Quare commi-
scendum aut vinū aut liquor alius, quo
amicabilior reddatur. Verūm vinū eli-
gibilius, cum cæteris liquoribus sit suæ
naturæ propinquius, sitq; aromaticum:
quod plurimi scientes, qui eius vſu de-
lectantur, vnam eius. 3. cum tribus aro-
matici vini assumūt. Est hic quidam cō-
munis vſus, quōd si res ita te delectaret
non accuso, sed approbo & consulo, vi-
ni & aquæ quantitates medicorum tuo-
rum consilio variandas. Medo autem
cum ea assumptus non accusandus est,
quinimo, vt arbitror, consulendum, cū
eius opera etiam fuerint necessaria: cer-
uisiam non blasphemare debet: pote-
rit enim sic via medicinæ cum ea sumi
verūm nobiliora sunt duo prima. Reli-
quum vt cerebrum habentes debile,
qui vaporibus vini facile læduntur ad
eam sumendam, non vt hi, qui fortè pos-
sident, pari pergant audacia. Hi enim e-
ius moderationem diligenti cura stu-
deant. De his autem quorum stomachi
calor debilis est inpræsentiarum nihil,
cum de eis scriptū sit supra. Et vt sola-

tiosum aliquid huic nostro opusculo adiiciam, quo aures tuæ Dominationis demulceam, quod summè cupio, dubiū in præsentiarum excutiendum in postremis, sic in medium adducam: quod non inutile facio, neque à propositis remotum, sed quæ paulò ante dicta sunt, amplexabitur.

Scriptum enim est, vinum sua plurima cum quantitate rem plurimum nocuam esse. Non paucos audiuius, vidimusq; bibulos ante alterius rei assumptionem in crepusculo, vini plurimam quantitatem assumere, quibus vita & sanitas in longum producebatur, & eorum nonnullos modo ad octuagesimum peruenisse annum, quos neque tremor, neq; paralytis molestauit. Et cū ardens aquavino suis in proprietatibus comparetur, ex vinoq; fiat, cū eius plurimæ quantitatis vsus esse non poterit, quod à nobis accusatum fuit? Certè, ut arbitror, Giminianus tuus, de quo supra etiam, in die non rarò ad usq; uncias octo, gaudiosè deglutit, cuius ex assumptione talis se quadraginta annis sanum

num vixisse omnibus cum iuramento
prædicat. Vt autem vini ad aquam ar-
dentem differentia comprehendatur,
accipiendum aquam ipso vino calidio-
rem, siccio-rem, subtiliorem, euaporabi-
liorem, & velocius impressiuā esse, cum
in distillatione, & præcipuē multiplica-
ta aqueas vini partes ac terreas deferat.
Quapropter non ita constantis aut for-
tis est impressionis. Aqua enim, cum in
ore est, statim actuatur, & in mēbra pe-
netrat propinqua, cum parte aquea ca-
reat, qua velut vinum infrigidare pos-
sit: vinum autem in stomacho actuatur,
& non in ore, nisi tempore certo reten-
to, neq; sic ad membra penetrat, aut in-
feriora aut superiora. Aquæ autem hu-
ius resolutio cita est, cuius impressio
paruo durat tempore, vini operationi
comparata, cum ipsius sit spiritus.
Nam velut ex sanguine spiritus gigni-
tur, vt dux scribit medicorum, ita ex vi-
no aqua ardens: sanguis autem suo spi-
ritu constantior est. Volitat itaq; vt spi-
ritus aqua ardens: & assumpta, statim
partes oris, gutturis, cordis, cerebri ac

stomachi percutit. Et fortasse ad hepar sic simplex non peruenit, cū præcipuē parua fuerit quantitatis, quinimo exhalat & euanescit prius, quod minimè in vino contingit, cum densioris sit substantiæ, & ad hepar penetrans. Quamobrē stomacho, cordi ac cerebro salubrior est adscribenda. Vinum quidem & si in his operetur membris, in inferiora magis penetrat. Ob quam rē in oppilationes ceterosq; inferiorum membrorum morbos magis posse videtur. Reliquū est vt differre sciamus rem vt medicinā, & ipsam aut potū, aut cibum assumi debere. Quo fit, vt exhibendarum rerū varietas, quantitate, tempore, ætate, confectione, similiumq; contingat, quæ omnia, vt actum, in ardentis aquæ exhibitionem considerata sunt. Quamobrem cum prolongatio vitæ queritur, mitior suis in qualitatibus exhibeatur. Si quidem ægritudinis remotio præcipuē que frigida fit, ardentior tribuatur. Vinum quidem in plurima quātitate sumptum secum multas conducendo materias, caput etiam sua multa quantitate replet;

replet: hosque tot tantosque vapores,
tantamque materiam calor cerebri sic
suffocatus minimè resolvere & annul-
lare potest. Quamobrem in humidita-
tem subtilem conuersi, & in neruorum
origines penetrantes, causa sunt sic tre-
moris ac paralyseos factiua. Quòd si
tantæ quantitatis aquæ ardentis vsus ef-
set, non hæsitandum, quin ad hos per-
ducat errores, cum euaporatiua sit, ma-
gisque penetratiua. Aqua enim ar-
dens, vt medicina: vinum verò vt po-
tus & nutrimentum pronuntietur. Qua
ex re in exhibenda quãtitate, quàmplur-
imum sic differre dicatur. Si etenim ar-
dentis aquæ vt vini tantæ quantitatis
vsus foret in corpore magnam, quini-
mo maximam & subitam imprimeret
caliditatem, qua necessitatem in corde
euentandi tantam subito induceret, vt
suffocationem, ac eius periculum pare-
ret, eoq; præcipuè, cum spiritualibus e-
uacuationem maximam & occupan-
tem gigneret, accideretq; vt his qui par-
uo in loco clauduntur aere existente ni-
mium calido, cui refrigeratio subito

succedere non potest, hi autem suffocati pertinet. Febres ephemerac ac putridas deinde adgeneraret, et hepatis inflammationes: & tanta ac fortassis ita subita multorum fumorum ad caput euaporatio foret, ut inde apoplexia consequi posset. Detestandum quidem & sic uini potentis in quantitate usum ante precipue cibi assumptionem. Quare Princeps amplius sapiens sibi providere debet ne ieiunus vinum bibat, quoniam magnum facit cerebro nocumentum & nervis, ad spasum perducit & ad amentiam: quibus omnibus subiecti sunt, qui usu plurimo ardentis aquae delectantur. Nam si vinum vetus, potens, odoriferum via medicinae sic assumeretur, non arbitror ea debere sequi nocumenta: quam ob rem quantitatis consideratio plurimum attendenda est. Vnde si in quantitate paululum maiori vinum tale assumeretur, censeo ut de aqua ardenti iurare. Verum post primi cibi assumpti digestionem completam, ut ante cenae assumptionem, sic vinum bibere etiam notabili in quantitate nullo praecedente cibo

te cibo delationis gratia partiū grossarum, quæ ex prandio remanserūt, suaq̃ grossitie penetrare non potentium, laudandum erit. & hoc est quod carmine canitur: A potu incipe cœnam.

Quid autem de potu tali ante prandiū factū dicendum sit, consideret speculator. Et quod maius est tempus inter cœnam & prandium cadens, quàm inter prandium & cœnam: quare longitudine temporis corrigi potest, quod in breui fieri non valet. Et fortasse si quando fieret non noceret, etiam quia differt inter ipsum, vt potus est medicinalis & vt nutrimentalis. Vinum quoq̃ cum actu frigidum sit & humidum, neq̃ vt aqua celeriter actuetur, non hæc faciet nocumenta. Vinum præterea magna in quantitate sumptum, cum calor stomachi debilis esset, & totius, sic sua in frigiditate subito facta, mortem via extinctionis leuiter inducere posset. Hocq̃ in loco quod in bibulo Patauino contingebat, commemorabo. Nam cum Fuluiensis noster ad scholas pergeret, per mediumq̃ tabernarum trāsiret, audito cla-

more, interrogauit, vt quid esset? **R**esponderunt, hic mortuus est senex quidam. Nam cū magna foret siti molestatus, duos cyathos Patauinos nullo interueniente temporis medio potauit, illicoq; sic mortuus est. Cuius causam in scholis declarās, ait: id extinctione caloris pauci à frigiditate multi vini, quod actuari non potuit, accidisse. Sic & multa aquæ ardentis quantitas, via resolutionis operari posset. Quid autem de bibulis dicemus? magis quidem aliorum sententiæ stabo. Verū vt hic locus sic vacuus à nobis nō discedat, quid arbitror, pace aliorū dicam. Noui meo tempore bibulos, qui plurimo vino videntes inebriati sunt, ita vt nulla trāsiret dies, qua aut vt simiæ, aut vt leones, aut vt porci non facti sint, & hos certē cognoui in facie cacetichos & breuis vite fuisse. Noui & alios quibus cerebra fortia fuerunt, ita vt à vapore vini non facilius passi sint, qui & si vino exterminati fuerint, nō vltra quā Salomones effecti fuerunt, & non persæpe terminos exiuerunt: hos in facie rubicundos esse videbis

videbis ac gemmarum in fronte tabulam tenere: quibus vita sic prolongata fuit ex potēti nutrimento vini, cum sit omniū nutribilissimū, vt actum. Hi sūt qui plurimo potu & paucō cibo gaudent, quibus, vt arbitror, etiam vita longior fuisset, si debito regimine vsi essēt. Nam tales complexione aut cōp ositione fortes, robustiq; ac plurimum calidi à natura creati fuerant, quæ vitę lōgitudinem pollicita erat. Et cū ex his quosdam dulcibus verbis admonere enixus essem, pericula dānaq; anteponerē, in quæ facīle sic casuri erant, respondebāt probato verbo plus credendum esse: tritum etenim est vt vulgari in nostro consonantius dicam: Chi vuole viuere san, beua da dōman. Hoc est, vt cæteris linguis satisfaciam. Manē potet quicunque cupit se viuere sanē. Et experientia confirmabant quadam cum Rhetorica ratione probātes. Auibus autem aqua vt hominibus vinum potus est. Sed quæ manē ante alterius cibi assumptionem aues bibunt, cæteris vitæ sunt longioris, vt in anseribus sic esse cerni-

mus, cum anser ducentorum annorum
cōperta sit, itaq; in hominibus sic est di
cēdum. Et cū eis sic litigarē, verbaq; sic
inaniter effunderē, vt anseres dereliqui.
Dubium bibulis sic dissoluendū trado.
Itaq; illustrissime Princeps obsecro, &
si æquum est, oro, aquam hanc venerari
atq; colere velis: ad eamq; sumendā te
disponere, cum actiuorum actus nō ni
si in bene disposito subiecto recipian
tur. Quod cum feceris, non hesito sic vi
tam tuā prolōgari debere, eo præcipue
cū eius moderatus vsus fuerit in quanti
tate, tēpore & huiusmodi, de quibus a
ctū. Hęc mea sententia est, hęc firma o
pinio, hęc fides, quibus cū aliorum au
thoritate maiorē adhibebis fidē, quos
consulo, consulas. Et cum in omnibus
rationem quærere inuestigareq; solitus
sis, neq; dicta mea absq; ratione scripta
sint, spero non paruā te his fidem adhi
bere. Vale vnica spes mea, cuius vitam
omnipotens Iesus, vt opto, sua mise
ricordia in æuum producere
dignetur.

F I N I S.

AQVA AVREA, BALSAMVM,
& oleum nigrum.

R Ecipe terebinthinæ clarę vnc. vii.
laua vino bene, deinceps, recipe
mellis albi boni libras tres, despu-
mando igne lento cum modico vino
& clarifica bene, tunc appone terebin-
thinā miscendo bene, tūc affunde aque
vitæ libras quatuor, & iterū misce in cu-
cubita vitrea bene lutando, de hinc, re-
cipe buglossæ, boraginis, melissæ, saluie
lauendulæ, ana, m. i. hyssopi, chamemil-
læ, millefolij, rosarum rub. ana, mani-
pu. dimidiū, absinthij, drachmam vnā,
roris marini, manip. duos. Deinceps
recipe ligni aloes, xylobalsami, triasfan-
dalorum, ana, drachmam vnam, macis,
nucis moschatae, cinnamomi, galangæ,
caryophyllorū, cubebæ alb. & pipe-
ris longi, croci, spicæ nardi, granorum
paradisij, cardamomi an. drachmas tres
zedoariæ, vnciam dimidiam, squinanti
drachmam dimidiam, corticis citri, se-
minis citri, stœchadis Arabici, an. drach-
mam vnam, calami aromatici drachmā

dimidiā, carlinæ, cardopaci, vncias
duas, bistortæ, drachmas duas, iridis,
vnciam dimidiam, baccharum lauri,
valerianæ, polypodij, ana, vnciam di-
midiam, liquiritiæ, anisi, ana, drach-
mam dimidiam, raphani, vncias duas,
coriandri correcti, vnciam dimidiam,
silerismontani, drachmam vnam, amy-
gdalarum excorticatarum, libram dimi-
diam, passullarum vuarum minorum, li-
bram dimidiam, lotarum cum vino: o-
mnia illa contusa pone in prædicta cu-
curbita ad mel & alia: & si aqua illa
vitæ non sufficit, plus appone, & sic
stent septem diebus bene obstructa,
postea distilla in igne cineris cucur-
bitæ in latitudine trium digitorum
non tangat fundum inferius & cine-
res circumponantur lutato alembico
optimè cum cucurbita, supponendo
vitrum quod cum rostro alembici lu-
tetur, & ad quatuor horas sublimetur,
lento igne ne mel bulliat, & fluat a-
qua clara: tandem ignem vigora, &
cum aquam croceam videris, tunc a-
liud

AQVA AVREA. 338

liud vitrum appone, quod est lutan-
dum cum rostro cucurbitæ, & primam
aquam serua ad partem, & vigora i-
gnem donec non videbis aquam cro-
ceam: tunc iterum vigora ignem, & e-
xibit aqua nigra, & cum videbis fu-
mum, tunc sufficit, & serua aquas tres
ad partem, & stet alembicum in for-
nace donec frigescat. In prima aqua
pone folij Indi drachmam vnam, am-
bræ, drachmam dimidiam, moschi,
scrupulum dimidium, & quindecim fo-
lia auri, & misce custodiendo.

Si vis pro capite vti, Recipe aquæ
betonicæ vnciam vnam, aquæ primæ
cochlear. misce, bibe ieiunus.

Virtus huius fortificat omnia mem-
bra. Recipe vnciam vnam Maluatici
vel boni vini in vitrum paruum & ap-
poue aquæ huius albæ seu primæ co-
chlear vnum, misce & erit alba vt lac,
quam bibe ieiuno stomacho de super
duabus horis, & præseruat omnia
membra.

Ad

Ad hepar frigidum, cum aquæ saluię
vel cicerum, vel mororum, aut endiuiaę
vnciam vnā in causa frigida.

Ad pectus & tussim ex catarrho fri-
gido, cū aqua hyssopi, vel ligustici, vel
foeniculi.

Ad cor cum aqua buglossæ, boragi-
nis, vel melissæ.

Ad stomachum cum absinthica vel
simili.

Ad pulmones cum aqua pulmonariæ,
vel adiantos, vel polypodij &c.

Pro splene cum aqua scolopendriæ.
Vertigini & apoplexiæ cum aqua pęo-
nię, vel foeniculi, vel hypericon.

Pro calculo, cum aqua raphani vel alka-
kengi.

In retentione vrinæ cum aqua nastur-
tij, vel petroselini, vel saxifragiæ.

Ad oculos cum aqua foeniculi vel eu-
fragiæ.

In retentione menstruorum cum a-
qua artemisiæ, cum aqua radicis & simi-
libus.

In nimio verò eorum menstruorum
fluxu cum aqua plantaginis vel solani.

In

In læsione matricis ab obstetrice vel ex frigiditate vnde amplius non concipit, vtatur ea cū aqua Valerianæ, vel Betonicæ, vel simili.

In maculis faciei: Recipe aquæ pimpi nelle partes quatuor, aquæ albæ seu primæ partem vnā, misce & vnge faciem manē & serò: bibe etiam eā in septimana bis vel ter cū aqua endiuia.

Curat cancrum ea perunctum & fistulam immissa sæpius gutta. Confert in arthretica frigida si perūgatur: in dolore matricis sumatur cum aqua matricariæ.

In febribus interpollatis præsertim quartana, vel in quotidiana: Recipe baccaræ manip. dimidium, pone in vitrum & appone aquæ albæ quartā vnā & tribus diebus tecta & obstructa maneant, postea effunde in aliud vitrū, dehinc ante accessionem febris per horam bibat vnum cochlear, & tempora vngat, nasum, pulsum, dorsum, splenem vel etiam ventriculum in cotidiana.

Citrinum oleum habet virtutes multas vt balsamum, si perungatur.

Oleum nigrum est etiam magnæ virtutis in arthretica perunctum vt Mater balsami alba, dicitur aqua aurea.

A Q V A R V M M A T E R, S E V
mater balsami, oleum balsami.

R Ecipe Terebinthinę bene lotę lib. 1. mellis despumati lib. semis, aquæ vitæ ter distillatæ lib. 1. & semis, id est viginti quatuor vnc. ligni Aloes bene triti, sandali albi & rubei & citrini, ana vncias tres, gummi Arabici drachmam vnā nūcis moschatæ, galangæ, cubebarū, cinnamomi, macis, caryophyllorū spicæ nardi, croci, zingiberis albi ana drachmas tres, moschi puri scrupulum vnum: omnia bene terantur, & ad inuicem misceantur, & in alembico vitreo ponantur, & per optimè lutetur ne quid respirare possit, & fac primò ignem lentum quousque habueris aquam primā, quæ limpida est vt aqua fontis.

Et cū secunda venerit quę est sicut carbo ignitus, tunc fortifica ignem motu continuo & non per saltum: & dum venerit tertia, quæ est nigra & spissa sicut mel, tunc magis fortifica ignem, donec

BALSAMI

936

nec totum liquorem habueris. Et scias, quòd quælibet istarum aquarum est calida, vltima tamen magis quàm secunda, & secunda magis quàm prima. Prima vocatur Mater balsami, secunda oleum balsami, tertia verò balsamum artificiale: prima aqua est clara, & cum vino potabilis, secunda & tertia valent ad fomentandum & unguendum infirmitates, quæ corrodunt nouiter carnes humanas. Prima aqua potata tepida cū vino bono & tepido consumit phlegma in omni stomacho, reddit appetitū comedendi, purgat stomachum ab omni malo humore. Item potata non permittit apostemata venire ad cor, neque ad partes præcordiorum: item panniculus lineus subtilis tinctus in ista aqua & positus ad nares quæ longius potes intus purgat à reumate, quòd fiat in introitu lecti pannū intra nares dimittēdo: itē si bibat manē & sero anhelitū fetidum ex quacūq; causa, pueniat, curat: itē dētes fortificat ac dealbat si inde lauēt, & dentium dolorem ex quacūq; causa curat, ac ipsos integros cōseruat ac præseruat à

Y 2

corruptione. Item vulnera cum ea lota à fistula & quacūq; alia superueniente infirmitate curat, & carnes ad statum pristinū perfectè reducit, ita quòd ponas supervulnus pannum madefactum in hac aqua: hoc probatum est sæpe.

Valet etiam contra quartanas si spinam dorsi fortiter confricaueris per aliquot dies. Item contra scabiem, si cum hac aqua lauetur: contra hæmorrhoidas, si pannum hac intinctum superposueris: contra omnem surditatem, si modicum cū bombace imbibita in aure tenueris, & per consequens facit surdos audire, & mutos loqui: nam hoc est verum in his qui in linguæ apoplexiam incurrunt, siue quibus lingua paralitica tur ac loquela cadit, & generaliter valet contra omnes infirmitates ex causa frigida provenientes. Secunda & tertia aquæ valent contra morbum Noli me tãgere, contra morbum regiū seu lupinū, contra strumas, & generaliter cōtra omnē fistulam, malum mortuū, scilicet prædicta lauando & fomentando ac pannum in ea madefactum superponēdo.

Item

Item: si quis collisus fuerit, vel cum lapide conquassatus, vel ex alto cadens vel vtcunq; percussus fuerit, vel mutilatus fuerit, aut costas fractas habuerit, si ad ignem cum istis bene fricatus fuerit sanabitur. Item interficit araneam si cū hac aqua tacta fuerit, & nullum venenū huic appropinquare potest. Paralyfin omnium membrorum curat, si quis lotus fuerit ex eadem. Item fortificat omnia membra corporis si cum ea lauētur. Et scias quòd prima aqua, est generalis ad omnes infirmitates, id est continens virtutes aliarum: sed in infirmitatibus corrosiuis plus valent secunda & tertia quàm prima, & tertia plus quàm secunda, & generaliter valent ad omnes infirmitates procedentes ex phlegmate vel sanguine corrupto, ita quòd inter artificiales aquas ista, aqua vocatur Mater aquarum.

&cet.

INDEX.

BREVISSIMVS RERV

maiorum index in Ioanne de
Rupescissa.

A Dstringentium ars	81
amentium & stultorū cura	159
aqu. ardētis vires, vsus, mistio	212
aquæ ardentis ratio	33
aquæ ardentis vel vini deauratio	57
aquæ variæ, & ad varia, à	208 & inde
argenti viui natura	99
ars operatiua Raymundi Lullij	175
attenuantia	89
attrahentia infixa	78
audacia & fortitudo vt recuperentur	133
aurum quotuplex	23
aurum quot modis fiat	77
aurum ne à latronibus in via rapiat	55
auri. vis vt extrahatur	52
auri proprietates	49
authoris studia, & intentio	11

C

Calor Dei quid	36
Calo	

INDEX.

Calida in primo gradu	60
calida in secundo gradu	61. in tert. 63
in quarto	65
cicatrizatiua	88
confortantia & corroborantia	93
corrosiua, vlceratiua, vritiua &c.	87.

D

Distillandi modi plures	39
-------------------------	----

E

Elementorum à rebus extractio	45
eorum ab inuicem certa separatio	47

F

Febris acutæ remedia	159
Febris continuæ	155
febris pestilentialis	163
frigidorum gradus	66.67

G

Glutinantia	88
-------------	----

H

Hemitritæorum cura	161
humidorum gradus	73.74

I

Indurantia	83
------------	----

L

Lepræ cura & occultatio.	124
--------------------------	-----

INDEX.

Lunæ ad mare ratio & conuenientia 27

M

magnetis vis 26.

maturantia 84

maleficia & dæmones quæ fugent 134.

medicinæ impedimenta vt tollantur
150.

medicinarum confortatio cum quinta
Essentia 59.

metallorum quinta Essentia vt traha-
tur 95.

mollientia 83.

mors quotuplex sit 17.

morientium suscitatio 122.

mundificantia 86.

mundificantia cutim 91.

P

Paralyseos cura 128.

pauperum aurum 54.

pediculis &c. 144.

phantastici à dæmone tentati 131.

philosophiæ arcana 116

planetarum ad metalla collatio 50. 51.

purgantium ratio 79.

Q

Quartanæ depulsio 148.

quinta

INDEX.

quinta Essentia quid	19.
nomina eius	20.
qualitates	21.34.
quinta Essentia vt paretur & quot mo-	
dis	35.
quintæ Essentiæ ab omni re extractio	
44.29.	
quotidiana febris	158

S

Scabiei curatio	127.
senij impedimenta vt curentur	121.
siccorum gradus	69.71.
Sol quid dicatur & cur	23.
somnum inducentia	92.
sophisticatores qui	118.
spasmi curatio	167.
stellarum proprietates	25.
sulfur quotuplex	98.

T

Tabidorum & similium curatio	130.
Tartari ars	114.
temperatissima quæ	76.
tertiana febris	157.

V.

Venenum pellentia

Y 5

INDEX

Veneno resistentia. 146
vinum pro quinta Essentia quale 37
vitæ humanæ terminus an prolongari
queat. 16

Finis

ERRATA INTER EXCV
dēdum præcipua.

In Præfatione.

Pagina 3. à tergo, linea 2: aliqui. Vlstadius lin. 4

In libro.

Pag. 43 linea 1 fiet. 44. 19 laxatiue 42. 6 &
perfecit. 64. 13 serapinum, opopanax. 77
4 & quintam. 68. 8 aizoon 85. 3 abradendo.
93. 13 coadunant &. 106. 5 in colore. 100. 1
turpis. 97. 3 sigillata luto. 123. 7 coloris aurei
118. 14 secundæ ad. 133. 8 Deus in 149. 20 ebu
li & hellebori nigri. 161. 13 cum hac. 185. 16
premittatur purg. ibid. 22 cephelea. 192. 15 quin
curetur 224. 6 quolibet mane .203. 21 mista cum
215. ult. uerò uinum.

